

**ГІ. ГІ. ТАХО-ГОДИЛА УЛИЧИЛСИ ДАГЪИСТА ПЕДАГОГИКАЛА  
ГИЛМУ-АХТАРДИЛА ИНСТИТУТ**

**БЕХІБИХЪУДЛА КЛАССУНАС ДАРГАН МЕЗЛА  
БУЧІНИЛА ПРИМЕРНАЯ РАБОЧАЯ  
ПРОГРАММА**

**(1-4 КЛАССУНИ)**

**Махачкала – 2022**

1–4 ибти классунас дарган мезла бучИнила рабочая программа ФГОС-ла тIалабуни хьулчили дуцили сагабарибси саби ГI.ГI. Тахо-Годида уличилси Дагъиста педагогикала институтла миллатла мезанала секторла гIилму-ахтардила хIянчизар **Д. Х. МяхIяммадовани.**

**Разработчик:**

**Магомедова Джума Хидировна**, старший научный сотрудник сектора родных языков ГБУ РД «ДНИИП им. А. А. Тахо-Годи», кандидат филологических наук.

**Рецензенты:**

Б. А. Даудова – старший научный сотрудник сектора родных литератур ГБУ «ДНИИП им. А. А. Тахо-Годи».

С. И. Гаджиева – учитель высшей категории родного (даргинского языка и литературы) МКОУ СОШ № 9 г. Каспийск.

## БУХІНАБУЦ

Программаличила баянти .....	4
Литература бучІнила бухІнабуц .....	9
1 класс .....	9
2 класс .....	12
3 класс .....	18
4 класс .....	25
Литература бучІнила программала тІалабуни хІясибли бехІбихъудла школа таманбирути бучІантала багъудлумачи ва бурсидешуначи бекІлидиубти тІалабуни .....	36
ХІял-тІабигІятла сархибдешуни .....	36
Метапредметла сархибдешуни .....	38
Предметла сархибдешуни .....	42
1 класс .....	42
2 класс .....	44
3 класс .....	45
4 класс .....	48
Тематическое планирование .....	51
1 класс .....	51
2 класс .....	54
3 класс .....	63
4 класс .....	69

## ПРОГРАММАЛИЧИ БАЯНТИ

БехІбихъудла классунас хасбарибси нешла мез дучІнила примерная рабочая программа «Багъудила хІекълизиб» бикІуси Россияла Федерацияла государственный образовательный стандартла (ФГОС НОО) закон хІясибли, багъудила школала масъулти арзес, гъуни чебилахъуси документ саби, суненира бехІбихъудла школа таманбириси дурхІяла, бучІнила шайчирти багъудила даражалачи диэс хІяжатти умцлабала ва тІалабунала цахІнабяхъ кабилзахъуси.

I–IV ибти классунас хасбарибси нешла мез дучІнила программа даргала литература гъалабяхІ башни ва гІямрулизир кадиркути дардешуни хІисаблизичи касили, лерилра Федеральный государственный образовательный стандартла (ФГОС НОО) тІалабуни, баркъ-бацуни (коммуникативныйти, познавательныйти ва регулятивныйти), гъар классличи лайикъти масъултира, ишхІелла манзилла бучІантала багъудлумала ва бурсидешунала сархибдешунира (хІял-тІабигІятла, метапредметла, классуни хІясибли предметла), бучІуси курсла бухІнабуцра, тематическое планированиера каберхахъурли сагабарибси саби.

Программализи дурхІнала гІямруличичи лайикъти ва илдани мягІна аргъести произведениеби кадурхули сари, ишар лер халкъла мухІлила пагъмула произведениеби, даргала ва Дагъиста писательтала дурхІнас хасдарибти назмурти ва хабурти.

БучІнила дурсрачиб хасси мер бурцули саби дурхІнас адаблалашалси бяркъ бедлугнила масъултани. Руркъути произведениебачибли дурхІназир адамтачи, мицІирагличи, тІабигІятличи, бузериличи ва бузерила адамтачи диги адилкъни учительла бегІлара мягІничерти баркъудлумазибад ца саби.

ДурхІни гъар шайчибад гъалабяхІ арбукнилизиб бучІнила дурсрала халаси къадри лебси саби. БехІбихъудла классуназиб литература бучІнили дурхІни белкІ-белчІличи бурсибиреу, илди дагъриласал ва бяркъласал гъалабяхІ арку.

БучІниличичи бурсибирнила **мурадуни** ишдигъунти сари:

- сунени аргъибси яра белчІунси художественный произведениелизибад касибси багъуди гІямрула шуртІразиб, белчІудила баркъудлумазиб пайдалабирес бални;
- белчІудилашал, бяркълашал, хІял-гІабигІятлашал касибси багъуди, лерилра белчІудилашалти баркъудлумазир кършидиркути масъулти ирзнилизир пайдаладирес, илди ирзести сабабти дургнила хІекълизир саби-сабил пикрибикІахъес бурсибарни.

БучІниличи бурсибарнила бекІлидиубти **масъулти** сари:

- бучІнила бекІ бархІила бурсидешуни акІахъни;
- гІягІниси къалабадешличил, мягІна иргъули ва саркъахъили текст бархъли бучІни;
- художественное ва халкъла мухІлила творчествола произведение бархъли иргъни;
- халкъла гІямрулизиб художественное произведениела ва халкъла мухІлила творчествола къадри кабилзахъни, мер белгибарни;
- художественный произведениебала ва халкъла мухІлила творчествола произведениебала жанрабачил тянишбарни;
- дурхІназир адаб-хІяяла къиликъуни ва жагадеш хІисабдирахъес бурсидешуни алкІахъни;
- текстла чебкад бузахъес, илала анализ бирахъес бурсибарни;
- халкъла мухІлила творчествола жанрабачил тянишбарни (считалки, багъираби, буралаби, халкъла хабурти); басня (мораль, пикри (идея), персонажуни); литературала хабар; автор; литературный герой; сипат (образ); хІял-гІабигІят; тема, идея, бухІнабуцла у; композиция; сюжет; эпизод; бекІлибиубси мягІна иргъахъути дугъби; назму (ритм, рифма); мез жагадирути дугъби (художественно-выразительные средства) (мешубуц, эпитет, олицетворение);
- гІягІниси мерличиб тІама багълабирули (мягІналалашалси ударение кабалтули), гІягІниси мерличив тІашилзули, назмурти ва прозала произведениеби саркъахъили дучІес бални;

- жузи дучІахъниличи дурхІнала диги алкІахъни ва илала хьулчиличиб дурхІни саби-алавси дунъяличила багъудлума бегІбиахъни.

Программали белчІахъес чебаахъибси материалла хьулчиличир багъуди кайсахънила шайчирти дахъал масъулти ирзути сари. Ишар делчІахъес чедаахъили сари даргала ва Дагъиста писательтала дурхІнас хасдарибти назмурти ва хабурти, даргала халкъла мухІлила пагъмула произведениеби. БучІнила гъар классла программализи кадурхули сари ишдигъунти бутІни:

ДелчІес темаби ва уркІиличир дагъес гІягІнити произведениеби.

БучІнила багъудлуми ва устадеш.

Текстла чебкадси хІянчи ва мухІлила гъай ункъдирни ва ц.

### **БелчІудила курсла характеристика**

«БучІни ва гъай гъаладяхІ ардукни» бутІа «БелкІ-белчІличи бурсибирни» бикІуси темаличил уржили бархбасунси саби ва ил каргъурси саби белкІ-белчІличи бурсибируси манзиллизир дурхІнани касибти багъудлуми ва бурсидешуни пикрилизи касили.

Цаибил класслизир бучІнила дурсри дурадуркІути сари белкІ-белчІличи бурсибубла гІергъи ва илди даимдирути сари II–IV классуназир. ДурхІни гъар шайчибад гъалабяхІ арбукнилизиб бучІнила дурсрала халаси къадри лебси саби. БехІбихъудла классуназиб бучІни дурхІни белкІ-белчІличи бурсибируси, илди дагърилашал ва бяркълалашал гъалабяхІ аркуси къяйда саби.

Класслизиб бучІнила тематика каргъурси саби темаби, дуслу манзилти ва заманала гъаб-гІергъидеш хІясибли. Илкъяйда бучІнилис чебаахъибси материалли алавдурцули сари дурхІни-алавси хІякьикъатличила багъуди ва бяркъ белшнилашал мягІничерти шалуби, ва, илкъяйдали, илди художественная литератураличил хаста темабала кумекличил тянишбирути саби. Иличибли бехІбихъудла классуназиб художественная литература ва история дучІахъниличи хІядурбирути саби.

Художественная литератураличи хаста темаби («Халкъла мухІлила пагьмула произведениеби», «Даргала ва Дагъиста писательти», «Нуша-алавси тІабигІятла суратуни»), сарира класслизибси бучІнила программализи кадурхути, классическая литератураличи диги акІахъес имкан луга. Илди чедирти классунала литература руркънилис хьулчилага детарути сари. Илдани жагасиличи ва гІяхІсиличи диги имцІадиру, адаб-хІяяла гІяхІти къиликъуни руркъу, мухІлила гъайла давла гъалабяхІ арку.

БехІбихъудла классунала бучІнила гъар классла программализиб халаси мер бурцули саби даргала лугІанти Р. Рашидовла, С. Рабадановла, МяхІяммадрасулла, А. Абубакарла, А. ГІябдулманановала, ХІябиб ГІялиевла, М. ХІямидовла, Р. Адамадиевла, А. КъадимяхІяммаевла ва ц. произведениебазир ахъдурцути бузерила ва адаб-хІяяла бяркъ лугути темабани. Илдани дурхІни биштІахІейчибадал бузериличи дигичебтили, гъалмагъдеш дигутили, тІалабкартили бяркъес кумекбиру.

Гъарил класслис чедаахъибти произведениеби дурхІнала гІямруличи лайикътили, адаб-хІяялашал ва жагадешлашал дурхІначи хастили сарливан пикридарили гибти сари. Илди произведениеби биалли классуни хІясибли дагърилашал, адаб-хІяялашал, мезла устадешлашал ва бяркълашал дурхІнала багъуди гъалабяхІ бикесли каргъурти сари.

Цаибил классла **«БучІнила систематический курслизирад»** белчІудила дула ахирлизир бучІантани дурхІнас хасдарибти даргала ва цархІилти халкъла поэтунала ва писательтала (адамтала бузериличила, бузерила адамтачила, адамтала санигІятуначила, дурхІнала гІямруличила, баркъудуначила, хъалибаргличила, узи-уршиличила, ВатІайчила, кумек-хІурматбирниличила, тІабигІятличила, мицІирагличила, арцантачила, хІебла байрумтачила) диштІати назмурти, хабурти, багъираби, буралаби ва басняби дучІа. Ишаб дурхІни тянишбирар текстла анализ бирниличил, илизиб бекІлибиубси декІарбирес, текст мягІналашал бутІначи буртІес, бекІ мягІна бухІнабуцибси мер белгибирес, ца белгиси темала черкад предложениеби цахІнадирхъес.

**II класслизир** дучІути сари бухІнабуц ва къадар хІясибли халати ахІенти произведениеби. Ишаб дурхІни тянишбирар литературала произведениела бекІлидиубти журабачил (халкъла буралаби, багъираби, хабурти, назмурти), текстла анализ бирниличил, илизиб бекІлибиубси декІарбирес балниличил, текст мягІналасал бутІначи буртІниличил, бекІ мягІна бухІнабуцибси мер бургниличил, текстлис у пикрибирниличил, текстличи план цахІнабирхъниличил, къантІли ва тІинтІли суалтас жавабти лугниличил, кадиркути анцІбукъуни, игит-алавси тІабигІят сипатбирниличил, текстлизир мез жагадирути дугъби (эпитетуни, мешубуцуни, метафораби) дургниличил.

Халаси пикри бяхІчиули саби дурхІнала гъай гъаладяхІ ардукниличи, чули белчІунси хІясибли яра чебаибси хъулчили буцили, халати ахІенти хабурти цахІнадирхъниличи, халкъла хабурти дурахъниличи, делчІунти чула гъайли дурниличи.

Иш класслизир дурхІнани дучІа дусла замунти хІясибли дубурла тІабигІятличила ва илала лишантачила, хІеб, дуцІрум, гІебшни ва яни адамтала бузериличила, баркъ-бацличила, хъа ва дугІла мицІирагла, жанивартала гІямруличила, дурхІнала баркъудлумачила, хІязаначила, шадибгъундурачила, хъалибаргла ва дурхІнала гІямруличила, илдала адаб-хІяяличила, шиличила ва шила гІямруличила, вегІла мер-мусаличила назмурти ва хабурти. Ишар дучІути сари халкъла мухІлила пагъмула дегІлара гъамадти произведениебира (хабурти, далуйти, назмурти, багъираби, буралаби). Дусла замунтачил дархдасунти хабурти, назмурти, халкъла хабурти дучІухІели, тІабигІятличи чехІерудиби дузахъути сари ва экскурсияби дурадуркІути сари.

**III класслизир** дурхІни тянишбирар дусла замунти хІясибли тІабигІятла лишантачил, илди замунтазир адамтала баркъ-бацличил, дурхІнала баркъудлумачил, илкъяйда хъа ва дугІла мицІирагла, жанивартала гІямруличила делкІунти декІар-декІарти произведениебачил (хабуртачил, назмуртачил, багъирабачил, буралабачил). Ил класслизир дучІути сари

тґабигґят мяхґкамбирниличила, даргантала минала байрамтачила, адамла адаб-хґяяличила, даршудеш-гґалмагґдешличила произведениебира.

**III класслизиб** дурхґИни тянишбириути саби художественный текстла (хабарла, басняла, назмула) хасти лишантачил. ДурхґИни бурсибериути саби текст мягґналасал бутґИначи буртґахъес, текстла бутґИнас уми пикридирахъес, план цахґИнабирхъяхъес, кґантґИли ва тґинтґИли суалтас жавабти лугахъес.

**IV класслизир** дучґути сари художественный ва гґилмула сархибдешуначила произведениеби, сарира дучґухґИели дурхґИнала саби-алавти гґямруличила багґудлуми тґинтґИдирути.

БучґИнила дурсрачиб дурхґИнани бала нушала адамтала гґяр-урла ва гґаннала баркґудлумачила, даршудеш-гґалмагґдешличила. Иш класслизир дусла замунтачила, халатала ва биштґатала бузериличила, гґямрулизибси вайсидешличила ва гґяхґИсиличила, даргантала культураличила, ил алкґахъути пагґмукар адамтачила дурхґИнала багґудлуми тґинтґИдирар.

Белчґудила план хґясибли бехґИбихъудла классуназир дарган мезла бучґИнила дурсрас чедаахъибти сягґятунала кґадар 117, илдазирад 15 с. 1 ибил класслизир систематический курслис. (гґяр белчґудила жумягґлизир 1 с.).

2–4 ибти калассуназир дарган мезла бучґИнила дурсрас гґяр класслизир чедаахъибти сягґятунала кґадар 34 с. (1 с. жумягґлизир, 34 белчґудила жумягґ гґяр класслизир).

## ЛИТЕРАТУРА БУЧґИНИЛА БУХґИНАБУЦ

### I КЛАСС

**Халкґяла мухґИлила пагґму.** Хъалибаргличила, узи-уршиличила, арцантачила, мицґирагличила, Ватґайчила, адамтала санигґятуначила хабурти, назмурти, багґираби, буралаби ва айтуби.

«Декґарлира бархра» (Урусла халкґялла хабар); Даргала халкґяла хабурти: «Нешличи диги», «Имиалара эмхґера» «Малла Насрединра хъулкнира», «Гґямултар гурда ва мехґур бецґ», «Житара вацара», «Къисла уста»,

«Шанчякара кьянара», «Гегуг»; «Багъираби», «Буралаби».

**Хлеб.** ДурхИнала хИяз-хИузличила, баркъудлумачила даргала халкъла ва цархИлти поэтунала, писательтала хабурти ва назмурти.

Хлебла байрумти: «Майла I», «Майла 9»; ГъазимяхИяммадов Г.-Б. «Хлеб»; ХИябибова Х. «АтХлеб»; ГИядуллаев С. «Мусани кумекбариб»; МяхИяммадова Д. «Духуси ухъна»; БяхИяндов А.-Г. «Пашли саби памятник»; Рабаданов С. «Хъя»; Расулов М. «ХИебиалли, нура къумикIус»; ГИядулманапова А. «Хлебла макъамти».

**Ну ва дила юлдашуни.** ДурхИнала гИямруличила, илдала баркъудлумачила, саби-ургаб, баркъ-бацлизиб, белчIудилизиб, хИяз-хИузлизиб бархбалгниличила масхарала назмурти ва хабурти.

ГИядуллаев С. «Наб дигахъис», «Уршби»; Къурбанова ГИ. «Жавгъар абала къапу», «Буслус»; Даргала халкъла хабар: «ХИябал гьалмагъ»; Чуковский К. «Умудеш – чархла арадеш»; ГИядулманапова А. «Байрамла байрумти».

**Арцанти ва мицIираг – нушала гьалмагъуни.** ХИяйван-мицIирагличила, жанивартачила, арцантачила халкъла ва писательтала хабурти, назмурти ва басняби.

Даргала халкъла хабурти: «Житала дурхИя», «Гурдара хурира», «ЭмхИера валрира»; Къурбанова ГИ. «Гежба»; Толстой Л. «Арсланра вацара», «КИанрара сунела дурхИнира»; Ушинский К. «БерхИи ва зурхИяб», «ГИяра ва къядга»; ГИямаров С. «Арцанти»; МуртазагИялиев А. «ЧатIа»; ХИябибова Х. «ДурхИнала далай».

Цаибил класслизир бучИниличи бурсибирнилис гибси материалли белчIудила кьяйдуртаци ва цархИлти белчIудилашалти баркъудлумачи бурсидешуни алкIахъу.

***Багъудиличи вегIирнила жура-журала далдуцлуми:***

- халати ахIенти назмурти ва произведениеби саркъахъили ва ахъли хIурпри-биркIанти урхIедалтули, мягIна иргъули дучIес;
- белчIунси, аргъибси произведениела бухIнабуц иргъес;

- терминтачи ва багъудиличи хъарихъес: фольклор, фольклорла жанраби, тема, пикри (идея), у, произведениела бухІнабуц, хабар (литературала ва фольклорла), автор, бутІакъянчи (герой), назму;
- жанраби хІясибли произведениеби декІардирес ва къукънаддирес (буралаби, багъираби, хабурти (фольклорла ва литературала), назмурти, хабурти);
- текстла анализ бирес, тема белгибирес, произведениелизир кадиркути анЦІбукъунала гъаб-гІергъидеш кабилзахъес, бутІакъянчибас характеристика лугес, илдала баркъудунас бархъси къимат кабалтес, бухІнабуц хІясибли суалти кадалтес;
- тема хІясибли ца произдвдение цархІил произведениеличил цугбурцес.

***Информацияличилси хІянчи:***

- произведениелизибад касибси текст суратуначил яра чебаъла (фильм, спектакль ва ц.) тяхІярла жураличил гъалабирхъес вирниличила, иргъес;
- суратунала ва текстла бархбас лебни-агни кабилзахъес, текслизирад суратуначи далдиркути бутІни белгидарили, дучІес.

***Багъуди кайснилашайчирти жура-журала далдуцлуми:***

- уркІиличир назмурти дурес, орфоэпияла ва ирнила къяйдурти хъулчили дурцес;
- аргъибси яра белчІунси текстла хІекълизиб кабиркуси ихтилатлизир бутІакъяндеш дирес: гъайикІусиличи жагали лехІилзес, суалтас жавабти лугес, сегъуна-биалра къиянси масъала ирзнилизир сай-вегІси пикри бурес;
- произведениела бухІнабуц суалтачи, суратуначи, гъалабихъибси планнич хъарихъули чеббурес;
- дяркъурти багъудилашалти дугъбала мягІнуби баяндирес;
- белчІунси назмули, хабарли сунела гъав (настроение) бакІахъибал,

баянбирес.

***Регулятивный белчІудилашалти далдуцуни:***

- белчІудилашал гъалабихъибси масъала иргъес, иличи пикри бяІчиизес, ил ирзнилизир рахли кумек гІягІнибикалли, учительличи дугъаилзес;
- чула-саби бучІес, белчІудиличи гъира биахъес, бучІнилашалси багъуди гъалабахІ арбикес;
- учительла кумекличил сунела сархибдешунас кымат кабалтес, бучІнилашал къаршидиркути нукъсандешуни белгидирес, илди хІедиахъести далдуцуни чердуркІес, бегІлара гІяхІти сархибдешуни диахъести тяхІурти далдурцни гІеббурцес.

***Бархси хІянчи:***

- барх яра къукънадли бируси хІянчиличи гъира биахъес;
- цархІилтачил вархвулгес, сабурличил ихтилатикІес, гІямрула жура-журала шалубазив, къалмакъар агарли, дуралхъес, сунечи хъарбарибси хІянчи чебетаахъили хъариихъахъес.

***Цаибил классла бучІантани дагъес гІягІнити литературный терминти:*** багъираби, буралаби, къалабали дурути гъай, къянала хабурти, хабар, басня, текст.

***Цаибил классла бучІантани уркІиличир дагъес гІягІнити произведениебала список:***

Газимагомедов А. «ХІеб»; БяхІяндов А.-Гъ. «Ташли саби памятник»; Рабаданов С. «Хъя». Чуковский К. «Умудеш – чархла арадеш»; Габибова Х. «ДурхІнала далай».

***Цаибил классла бучІантази классла дурар делчІахъес:***

Курбанова А. «Алжанала варъа»; Даргала халкъла хабурти: «ЭмхІера валрира», «Гурдара къакъбара».

## **II КЛАСС**

**ДуцІрум гъандиркахъехІе.** ДуцІрум дурхІнала баркъ-бацличила, илдани халатас, гъамтас барибси кумекличила, чедаиб-дакъибтачила, хІязаначила,

дуцІрумла лишантачила назмурти ва хабурти. ДурхІнала дуцІрумла тІабигІятличи, духълумачи, мицІрагличи чехІерудиби. ДуцІрумличила халкъла буралаби ва багъираби.

Рабаданов С. «ДуцІрум»; Рашидов Р. «Дигахъис дуцІрумла заб»; Даргала халкъла хабар: «Шула»; БяхІямгІялиев М.-Ш. «Каникулти»; ГІямаров Р.-ГІ. «КІанри»; ГІялибеков Б. «ДуцІрум дубурличиб».

**Мургъила гІебшни.** ГІебшнила тІабигІят сипатбирути хабурти ва назмурти. ГІебшнилизиб адамтала бузериличила, халатас дурхІнала кумекличила, илдала хІязаначила ва шадибгъундурачила хабурти ва назмурти. ГІебшнилизир чехІерудиби дузахъни. «ГІебшнила вацІа» бикІуси тема хІсибли, экскурсия дураберкІни.

Рашидов Р. «Мургъила гІебшни», «ГІебшни вацІализиб»; Адамадиев Р. «ГІебшни»; ГІялиев ХІ. «Яниличи хІядурдеш»; МяхІяммадов И. «ГІебшни арцанти».

**МицІраг ва арцанти – нушала юлдашуни.** Хъа ва дугІла мицІрагличила, арцантачила хабурти, назмурти, буралаби ва багъираби. Адамтала къайгъичебдеш, диги, къияндикибхІели кумек, гъалмагъдеш чедиахъути произведениеби.

ГІялибеков Б. «ТанбихІ»; Даргала халкъла хабар: «Нешла диги» (Къурбанов ХІ. «Синкара бецІра»; БяхІяндов А.-Г. «Шанчяка»; Къурбанова ГІ. «КъутІкъутИ»; БяхІяммадов Р. «Таргъа».

**Азадси бузери – разидешла бехІбихъуд.** Бузериличила чебяхІдешличила, декІар-декІарти санигІятуначила ва хІянчурбачила, адамтала гІямрулизиб бузерила пайдаличила бурути назмурти, хабурти, буралаби, багъираби.

Рашидов Р. «Тракторист»; ГІялибеков Б. «ХъубяхІрумала байрам»; ГІяхІмадов А.-Б. «ВиштІал кумекчи»; Даргала халкъла хабар: «Диъ хІед, Баху»; Расулов М.-Р. «СихІрула дарман».

**ДурхІнала гІямру ва баркъудлуми.** ДурхІнала хъайгІирти, школализирти ва дуарти гІямруличила, илдала саби-ургарти гІямрула бархбасуначила,

гъалмагъдешличила, барсур кумекличила, декIар-декIарти хIяланачила назмурти ва хабурти.

ГIябдуллатIипов И. «Мурадла галга»; КъадибяхIяммаев А. «Суранна киса»; Рашидов Р.«Аминатла жита»; ГIябдулманапова А. «ГIярмиц ветарус»; Къурбанова ГI. «Хала нешра ВяхIидра»; Рашидов Р. «Гъалмагъдеш», «Чилилра балхIебала».

**Цуба яни – дурхIнала хIулбукIри.** Янила тIабигIятличила, илала лишантачила, вацIаличила, шараличила, хIеркIличила, адамтала бузериличила, мицIирагла гIямруличила, дурхIнала хIязаначила, назмурти, хабурти, буралаби, багъираби.

Сагаси дуслис гъунибаъниличила хабурти. Янилизир чехIерудиби дузахъни. Янила тIабигIятлизи экскурсия. БяхIяммадов Р.«Яни»; Къурбанов ХI. «Миъла кIялгIя»; Рашидов Р. «БакIили саби яни», «ДяхIила удир арцанти»; ГIялиев ХI. «ДяхIили урзули саб», «Чякнала кIабатI».

**Хъалибарг ва школа.** Хъалибаргличила, узи-уршиличила, школаличила, халаталара биштIаталара ургарти бархбасуначила назмурти хабурти, буралаби ва багъираби.

Рашидов Р.«Шула», «ВакIи хIу набчи гIяхIлад», «Суратунала уста»; ЧIянкIаева Л. «Шула къимат»; ХIусейнов И. «Нешлис савгъат»; Ражабов ГI. «Дила виштIаси узи».

**Царалис гIяхIбарес дигни ва хIурматбирни.** Адамла вайтира гIяхIтира баркъудлумачила, инсап-хIяяличила, хIурмат-хатирличила, зягIиптачи ва ахъриагартачи уркIецIичебдешличила, дубуртала гIядатуначила назмурти, хабурти, буралаби ва багъираби.

КъадибяхIиммаев А. «Ламус»; ГIяхIмадов А.-Б. «Хала дудешлис кумек»; Рашидов Р. «ГIяяркъянала хабар»; Даргала халкъла хабурти: «Хала дудешра уршила уршира», «Вайнукъала ахир»; ГIябдулманапова А. «Закличиван хIялалли».

**Халкъла мухІлила пагъму.** Даргала ва Дагъиста цархІилти халкъанала дурхІнас хасдарибти хІязла далуйти мицІирагличила, арцантачила хабурти, масхарала хабурти, буралаби ва багъираби.

Даргала халкъла хабурти: «Багъудичевси къади», «ЧатІа ва узби», «Баркалла», «Заб! Заб!», «Лагъа».

**Россияла Армия.** Февральла 23 ибси бархІи нушала Россияла армияла байрам биъниличила назмурти ва хабурти.

Рашидов Р. «Солдат»; Огузов М. «Адамдешла къала НурбяхІяндов М.»; Зингер М. «Чила дурхІя сая?»; Карбышев Д. «Чедибдешла бехІбихъуд»; ГъазимяхІяммадов Г.-Б. «ТІашли саби памятник».

**ХІеб.** ХІеблизиб вацІаличила, дубуртачила, вегІла мер-мусала тІабигІятличила, адамтала бузериличила, дурхІнала хІяз-хІузличила, мицІирагла, арцантала гІямруличила назмурти, хабурти, буралаби ва багъираби. ХІебла байрумти: «Мартла 8», «Майла 1», «Майла 9», «ХъубяхІруми». Илдачила публицист статьяби, назмурти, диштІати хабурти. ХІеблизир чехІерудиби дузухъес.

Расулов М.-Р. «Дубуртазир хІеб»; ГІябдулмананова А. «ХІеб»; Рашидов Р. «Мургъила хІеб, арцла хІеб», «Арцантас кумекбарая», «Чедибдеш»; ХІямидов М. «Гегуг»; Рабаданов С. «Нешана сар нушала...».

**Ши ва шила гІямру.** Шиличил ва ил алавси тІабигІятличил дурхІни тянишбарни. Шилизир душла манзилти хІясибли дирути хІянчурбачила, илабти адамтачила, илдала бузериличила, санигІятуначила, бархбасуначила, шила тІабигІятличила, илартти гІядатуначила назмурти, хабурти, буралаби ва багъираби.

Даргала халкъла хабар: «Дубурла ши»; ХІямидов М. «Дила ши»; ГІисаев М.-Ш. «БархІехъ дубуртала сипат»; ГІябдулмананова А. «Дигахъис бархІехъуни»; Мунги ГІяхІмад «Жагъти устнала далай»; Ибрагимов И. «Буркъунза», «ХъубяхІруми»; ГІялибеков Б. «ГІяхІялла дурхъадеш».

**Дила ВатІан.** Нушала ВатІайчила, шагъуртачила, шимачила, ВатІа ЧибяхІси дергълизиб сархибси чедибдешличила, ил дергъла Дагъиста игитуначила,

илдала гъабзадешличила, бузерила гъабкъябачила назмурти, хабурти, буралаби ва багъираби. Экскурсия. «Нушала къакъа», «Нушала ши», «Нушала район».

Адамадзиев Р. «ВатІан, хІед неш дикІулра»; СягІидов Т. «Се саби ВатІан?»; Къурбанов Р. «Дагъистан»; Муртазалиев ГІ. «ВатІан багъандан»; Даргала халкъла хабар: «Чедибдешла бархІи»; ГІяхІмадов М. «МяхІячкъала»; ГІисаев М.-Ш. «Даргала дурхІни».

КІиибил класслизир бучІниличи бурсибирнилис гибси материалли белчІудила къяйдуртачи ва цархІилти белчІудилашалти баркъудлумачи бурсидешуни алкъахъу.

***Багъудиличи везІирнила жура-журала далдуцлуми:***

- арагІерли дугъби хІясибли, хІурпри-биркІанти урхІедалтули, халати ахІенти текстани назмурти дучІес;
- темаби хІясибли произведениеби цугдурцес ва декІардирес (ВатІайчила, алавчарси тІабигІятличила, дурхІначила, дурхІнас хасдарибти мицІирагличила, хъалибаргличила, сихІрула ва ц.), жанраби хІясибли (халкъла мухІлила произведениеби, хабурти (фольклорла ва литературала), хабар, басня, назму);
- жанрабала хасдешунас къантІли характеристика лугес (халкъла мухІлила произведение, литературный хабар, басня, назму);
- хабарла журала текстла, басняла анализ бирес: тема ва бекІлибиубси мягІна белгибирес, илабти геройтала баркъудунас кымат лугес кумеклидирути дугъби дургес, хъарбаркъ хІясибли бутІакъянчибала баркъудуни цугдурцес, кадиркути анцІбукъунала (баркъудунала) гъаб-гІергъидеш кабилзахъес;
- назмула анализ бирес, жанрабала хасдешуни баяндирес (ритм, рифм), текстлизир мешубуцуни, эпитетуни, чехибси мягІнализир пайдаладарибти дугъби белгидирес, мягІна хІергъути дугъбала мягІна текстличи яра словарьличи хъарахъили, баянбирес.

***Информацияличилси хІянчи***

- текстра суратра цугбурцес, илдала бархбас кабилзахъес;
- гъалабихъибси список яра автор хІясибли, цабелгиси темаличила (мицІирагличила, дурхІначила, тІабигІятличила, декІар-декІарти анцІбукъуначила ва ц.) католог пайдалабирули, гІягІниси жуз чеббуркІес;
- жузла оглавление, гъалагъай, суратуни хІясибли, тyaniшли ахІенси жуз селичил гъайбикІулил, белгибарес;
- оглавление хІясибли чус гІягІнити текстани, текстанала бутІни дургес;
- текстлизир кършидиркути иргъхІергъути дугъбала мягІнуби баянбируси словарьла кумекличил гъаргдирес.

***Багъуди кайснилашайчирти жура-журала далдуцлуми:***

- диалоглизир бутІакъяндеш дирес: диалоглизирти суалтас дархъти жавабти лугес, сунела жавабти баяндирес, цархІилтала жавабти чедирцІахъес, сай-вегІти суалти цаладирхъес, гъалабихъибси тема хІясибли сай-вегІси пикри бурес;
- белчІунси произведениела бухІнабуц къантІли, тІинтІли яра чеббикІили бурес;
- белчІунси яра аргъибси текстла бухІнабуцла чебкад (барх, къукънадли) бируси хІянчилилизир ирничил сай-вегІси пикри бурес, сунела пикри бархъси биъни кабилзахъути сабабти дикес;
- алавчарси тІабигІятла сурат сипатбарнила тяхІяр бузахъули (ирничил), баянбирес;
- делчІунтачи мешути (буралаби, халати ахІенти хабурти) цаладирхъес;
- художественный произведениебала бутІни яра ролани хІясибли инсценировкаби (пьеса, драма ва ц.) дирничиллизир бутІакъяндеш дирес.

***Регулятивный белчІудилашалти далдуцуни:***

- белчІунси яра аргъибси произведениели ахъбиахъубси сунела гъавлис къимат кабалтес;
- белчІунси яра аргъибси произведениелилизир кадиркути анцІбукъунала гъаб-гІергъидеш бекІлизи бурцес;

- делчІунти яра аргъибти произведениеби хІясибли гъаладихъибти масъултачи чехІеруди бузахъес;
- белчІудилашал гъаладихъибти масъулти арзнила тяхІяр гІибрат хІясибли ахтардирбирес.

***Бархси хІянчи:***

- сунечил барх хІянчи бареси цархІил валликъяна чеввуркІес;
- леблисалра хІянчи буртІес, бируси хІянчила хІекълизиб вягІдалабирес, ца хІукмуличи башес, барх барибси хІянчила сархибдешунашашал жаваб бедлугес.

***КІибил классла бучІантани дагъес гІягІнити литературный***

***терминти:*** багъираби, буралаби, къалабали дурути гъай, хабар, къянала хабурти, басня, бурала, дезала назму (ода), халкъла мухІлила пагъму, халкъла пагъму (фольклор); халкъла далуйти, далай, дигайличила далай, бузериличила далай, гардла далай, масхарала далуйти, назму, тема, план, гъамадси, къантІли белкІунси (простой) план, чумал бутІализибад цалабикибси (сложный) план.

***КІибил классла бучІантани уркІиличир дагъес гІягІнити произведениебала список:***

Рабаданов С. «ДуцІрум»; Рашидов Р. «Мургъила гІебшни», «БакІили саби яни»; Курбанова А. «КъутІкъутІи»; Огузов М. «Адамдешла къала НурбяхІяндов М.»; Рабаданов С. «Нешана сар нушала...»; Курбанов Р. «Дагъистан»; Адамадзиев Р. А. «ВатІан, хІед неш дикІулра».

***КІибил классла бучІантази классла дурар делчІахъес:***

Хабиб К. «АнкІила къякъ»; Юсупов Х.«Гардла далай»; Даргала халкъла хабар: «ЭмхІе ва арсланкъаплан»; Курбанова А. «КІилизанти»; Рабаданов С. «Солдат»; Абдулманапова А. «Гурдара кІел мукъарара»; Даргала халкъла хабурти: «ЦІуба гІяргІя», «ХІялалси дурхІя»; Огузов М. «Адамдешла къала НурбяхІяндов М.»; Курбанов А. Х. «Алжанала варъа».

**III КЛАСС**

**ДуцІарти дуцІрум ва мургъила гІебшни.** ДуцІрумла ва гІебшнила лишанти чедиахъути назмурти ва хабурти. ДуцІрум ва гІебшни адамтала бузери, къайгъни ва хІяракат. Илзамана дурхІнала баркъ-бац, хІязани. Хъа ва дугІла мицІирагла, арцантала гІямруличила бурути назмурти ва хабурти.

ГІябдуллаев С. «ДуцІарти дуцІрум»; Рашидов Р. «ДуцІрумла макъамти», «Къири», «Гъуршли сари дубурти»; ГъазимяхІяммадов Г.-Б. «ДуцІрум»; Къурбанова ГІ. «ХІекъдеш», «ГІела гІебшнила ванза»; Мажидов К. «ДиргІадиргиб»; ГІябдулмананова А. «Мургъила гІебшни», «ГІебшнила вацІа»; ГІялибеков Б. «ГІебшни вацІализиб»; Казиев Ш. «ГІебшни».

**Халкъла мухІлила пагъму, халкъла гъаркъя гІядатуни.** Даргала ва Дагъиста цархІилти халкъанала мухІлила пагъла произведениеби: хІязла далуйти, буралаби ва багъираби мицІирагличила, сихІрула ва бекІахъудила хабурти. Халкъла гІядатуни: билхъала, мекъла, гІяхІялдешла ва ц.

Даргала халкъла хабурти: «ЭмхІела дукелцІи», «Гардла далай», «ГуглахІяй», «Булхъран ва ябу», «Зилпипи», «ХІябал гІяяркъяна», «Гъабзала ца гъай бирар», «ЦахІебалгунти гъалмагъуни», «ГІяббасила багъа», «Чедибдешла тур»; Даргала халкъла хІяз: «Мукеки, мукеки».

**ТІабигІят мяхІкамбарни – хІела гІямру жагадарни ва духъяндарни.**

Нуша-алавси тІабигІят: гъава, духълуми, хъа ва дугІла мицІираг, арцанти мяхІкамдирниличила, илдачи бируси хІерудиличила, къайгъибирниличила бурути назмурти ва хабурти. ТІабигІят мяхІкамбирнилизир биштІатала бутІакъяндеш. ТІабигІятла дарсдешуни сипатдирни.

ГІябдулмананова А. «ТІабигІят наб дурхъаси»; Чигирик В. «Хяла мардеш»; ГІялибеков Б. «Игъес хІейубра», «Акулабачила хІушани се балулра?», «Лагъа», «Дельфинтани верцахъиб»; Рашидов Р. «Чякни»; Абакаров М. «ЧатІа»; БяхІяндов А.-Г. «Марси гъалмагъ»; Къурбанова ГІ.«Гъарилли – цаца галга», «Арцантас се кавлана?»; Атабаев М. «КІуркІурли чеббицІиб».

**ДурхІнала гІямру ва баркъудлуми.** ДурхІнала баркъ-бацличила, белчІудилизиб къайгъиличила, бузерилизиб, ватІангІебси хІяракатлизиб илдала пайдаличила. Халатас бируси кумекличила, даргала дурхІнала сари-

ургарты ва цархІилты халкъанала дурхІначилты гьалмагъдешличила ва даршудешла бархбасуначила назмурты, хабурты, публицистикалалашалты статьябы.

Даргала халкъла хабар: «ГІямултар гІяхІял»; Осеев В. «ХІурматбирнила къяйда»; Мигърабов Къ. «Дила урчы биалри»; ГІябдул Ф. «Камал»; Садуев М. «Бибшибси къуруш»; ГІялибеков Б. «Троллейбусличиб», «Сагал дус»; Рашидов Р. «Каникултачив», «КІялГІнала никІа устни»; ГІялиев ГІ. «Ну уруххІейубра»; КъадибяхІяммаев А. «ХІяка каса», «Марли, набчибрира гІяйиб?».

**Бузери – разидеш, давла ва талихІ.** Бузерила гьабкъябачила, сабухъчбси бузериличила, декІар-декІарти санигІятуначила, даргала мургъи-арцла ва цархІилты устначила назмурты, хабурты, публицистикалалашалты статьябы, буралабы ва багъирабы.

Даргала халкъла хабар: «НикІа уста»; Рашидов Р. «Гъари, къялкъя, гьакІбухъен», «Муъминат»; ГІяхІмадов А.-Б. «Ванза»; МуртазагІялиев ГІ. «Къую»; МяхІяммадов Р. «Хала дудешла санигІят»; ГІялибеков Б. «Даргала бузерила гІядатла далай Жуллак»; ГІямаров Р-ГІ. «Марайси букІун»; ХІясанов И. «Гъачам хІеркІла дублаб».

**СихІрула яни.** Янила лишанти чедиахъути назмурты ва хабурты. Яни адамтала бузери, хъа ва дугІла мицІирагла, арцантала гІямру. Илдачила халатала ва биштІатала къайгъичебдеш чедиахъути назмурты ва хабурты. Яниличила буралабы ва багъирабы.

Рабаданов С. «ДяхІила кункти пусли»; Скребицкий Г. «Яни»; Рашидов Р. «Яни бакІилри гІяхІлад»; Дмитриев Ю. «Селис гІягІниси дяхІи?»; Адамадиев Р. «Яни вацІализиб; БяхІяндов А.-Г.«Яни», «Сагал дусли балга»; Къурбанов ХІ. «Миъла кІялГІя»; ГІялиев ХІ.«ДяхІили ургъули саб»; Пришвин М. «Къанда», «ДяхІила пусли»; ХІясанов И. «Мурад ва хала дудеш».

**ВатІа игитуни.** Халкъ багъандан бургъули калунты гІяхІгъубзначила ва игитуначила, адамдешличила, машгурты гІялимтачила, гІякълукар адамтачила бурути назмурты, хабурты, далуйти, буралабы, айтубы.

Гябдулманапова А. «Чархевхъунси уршилис»; ГяхИмадов И. «Игит Сумен», «Шантала пахру»; Павловский Г. «Игитла у бубкIуси ахIен»; ГяхИмадханов А.-Б. «ВатIан»; МяхИяммадов Р. «Дудешла пилотка»; Мирзаева П. «НурбяхIяндов МяхИяммадлис».

**Адамла чевяхIдешла умцла.** Халатала ва дурхIнала адаб-хIяяла баркъ-бац: барсур кумекличила, гьунарагарсиличи, ахъриагарсиличи уркIецичедешличила, адамдеш-убяхIдешличила, хIялалдеш-къалпдешличила, халатала, бегIтала хIурмат бирни-хIебирниличила назмурти ва хабурти.

ХIусейнов И. «Кумек»; «Нешла савгъат», «ХIяблизанти»; ГяхИмадханов А.-Б. «Нешла бекIа»; БяхIяндов Г.-Б. «Игъбарла адам».

**ХIулкIути хIеб.** ХIебла тIабигIятла лишанти, адамтала къайгъни, бузери, хъа ва дугIла мицIирагла, арцантала гIямруличила бурути назмурти ва хабурти. ХIеб чула бегIтас, халатас биштIатала кумек, илдала хIязани. ХIебличила буралаби ва багъираби. ХIебла байрумти: «Мартла 8», «Майла 1», «Майла 9», «ХъубяхIрумми»;

ХIямидов М. «ХIеб»; ХIясанова У. «Нешанас деза»; Гялиев ХI. «ХIеб дакIиб»; Адамадзиев Р. «Урхъула дублар рурси»; ГIисаев М.-Ш. «АтхIеб»; Гялибеков Б. «ХъубяхIрумала байрамла бархIи».

**Даршудеш, гьалмагъдеш – дунъя бузнила хъулчи.** ДурхIнала ва халатала гьалмагъдешличила, халкъани-ургарти бархбасуначила, даршудешличила, хIялалти адамтала даршудеш батахъес багъандан дявличила назмурти ва хабурти.

«Дагъистан – гьалмагъдешла улка»; Даргала халкъла хабурти: «Дудешла аманат», «ДугIла къяца»; Рашидов Р. «НикIа гIяхIгъабзала далай»; ХIямидов М. «Дагъистан»; Къубаев М. «ЧичIлуми»; МяхИяммадов И. «ХъанцIа чяка»; ХIясанов И. «Ухънала анхъ»; ГIисаев М.-Ш. «Дахъ жагати дилзан наб».

ХIябъибил класслизир бучIниличи бурсибирнилис гибси материалли белчIудила къяйдуртаци ва цархIилти белчIудилалашалти баркъудуначи бурсидешуни алкIахъу.

### ***Багъудиличи веГирнила жура-журала далдуцлуми:***

- чула бухІнабуц хІясибли халати ахІенти произведениеби ва назмурти (чус дигути) дучІес;
- гІямрулизир кадикибти анцІбукъуни хьулчили дуцили делкІунти автортала, сихІрула, лирикала, эпосла (халкъла) произведениеби декІардирес;
- текстла анализ бирес: сегъуна жанрлизи кабурхулил, баянбирес, тема ва бекІлибиубси мягІна белгибирес, текст бутІначи буртІес, илдас уми дедлугес, хъарбаркъ хІясибли чиди-биалра эпизод бургес, произведениела каргъни (композиция) кабилзахъес, геройлис (геройла гІяхІти ва вайти баркъудунас къимат кабалтес) характеристика бедлугес;
- текстла план цалабирхъес, бархибси тектла гъаб-гІергъидеш кабизахъурли, ил чебирцІахъес;
- ца белгиси тема бухІнабуцибти жура-журала жанрабала произведениеби цугдурцес;
- сари ца жанрала, амма декІар-декІарти темаби духІнадуцибти произведениеби цугдурцес;
- текстла чебкад хІялумцІ дураберкІес: жура-журала жанрабала произведениебазир сипатбирни (сурат, тІабигІят, интерьер) белгибирес.

### ***Информацияличилси хІянчи***

- дугъбачил буруси, графический, суратуначилси, макъамличилси (музыкальное произведение) текстла чебкадси информация цугбурцес;
- аргъибти макъамтачила (музыкаличила) ва дучІути назмуртачила лехІизурли сай-вегІси пикри буресра, илдачил сунела бархбас сегъуна-сабил белгибарили, баянбиресра балес;
- текстличи далдиркути суратуни чердуркІес, литературала произведениеби ва жура-журала тематика хІясибли назмурти цугдурцес, илдала хасдешуни белгидарили, баяндирес;

- дяркърти художественное произведениеби саркърхъили дурес, илдазир мез жагадирути гЯгІниахълуми (метафораби, эпитетуни, олицетворениеби, аллегориеби, гиперболаби, сипатбарнила тяхЯр бузахъути дугъби) дургес;
- гъладихъибти масъулти хЯсибли гЯгІниси жуз библиотекализибад чеббуркІес;
- список хЯсибли картотекализиб жуз бургнила къяйдурти далес; аннотация цалабирхъес.

***Багъуди кайснилашайчирти жура-журала далдуцлуми:***

- жура-журала текстанала мурад ва мягІна иргъули, хЯжатси мерличиб тІама багълабирули, ахъбирули, уркІила хЯл (къабулдеш, разидеш, къабулагардеш, пашмандеш, тамашавиъни, васвасикІни, дугъабиз-вявля, суалла, гымидухъни, уркІухъни, изиаъни, къаркъайчи челукъни, баркалла, салам ва ц.) иргъахъули учІес;
- текстлизир кадиркути бекІлидиубти анцІбукъуни хълчили дурцули, суалти кадалтес;
- текстла бухІнабуц (тІинтІли, къантІли, бяхІяни хЯсибли барсбарили) чеббурес;
- саркърхъили назму ва цархІил произведение бучІес: орфоэпияла тІалабуни, даргала литературный мез ирнила нормаби хълчили дурцули, уркІила хЯл иргъахъули;
- хабурти, очеркуни (чула гъаб-гІергъидешлизиб хатІа хІебарили) цахІнадирхъес.

***Регулятивный белчІудилашалти далдуцуни:***

- учІнила мурад бекІлизи бурцес, гъалабихъибси алгоритм хЯсибли бучІнила жура хІсаблизиди кайсули (масала: руркънила (изучающий), тянишбирнила (ознакомительное), бекІлибиубси текстла тема яра илала мурад бухІнабуцибси мер чеббикІнила (выборочное), хЯжатси интонацияличил, мягІна иргъули, текстани дучІес;
- сунени ахъли белчІунси текст аргънила къадрилис къимат кабалтес;

- хъардарибти яра сунела сунени дарибти баркъудунас, илдала башрилис, сабухълис кымат кабалтес, чебикалли, дирути баркъудуназир дарсдешуни акІахъес.

***Бархси хІянчи:***

- барх бируси хІянчилизира бутІакъяндеш дирес: бекІ вегІла, цархІилличи хъархІерси роль бузахъес, бируси баркъуди барсхІебирхъули, таманбирес;
- чузиб къяяндеш агарти, художественный литературала яра фольклорла произведениеби ролани хІясибли дучІес яра илдала инсценировкаби (пьеса, драма ва ц.) дирес; сунес сегъуна роль бузахъес бигулил, ил чеббуркІес, ил дурабуркІуси тяхІярличила вягІда бирес;
- барх бируси хІянчилизиб кумекбирес, сунечи хъарбарибси хІянчи чебетаахъили, хъариихъахъес, бархси хІянчилизи сунени кабихъибси пайлис кымат кабалтес.

***ХІябъибил классла бучІантани дагъес гІягІнити литературный терминти:*** къянала хабурти, сихІрула хабурти, мицІирагличила къянала хабурти, халкъла гІямру, баркъ-бацличил дархдасунти къянала хабурти, басня, литературный герой, геройла хасият, литературала хабарла жура (эпос), мешубуц (сравнение).

***ХІябъибил классла бучІантани уркІиличир дагъес гІягІнити произведениебала список:***

Казиев Ш. «Гѐбшни»; Рашидов Р. «Гъари, къялкъя, гъакІбухъен»; Абакаров А.-Б. «Ванза»; Рабаданов С. «ДяхІила кункти пусли»; Адамадзиев Р. А. «Яни вацІализиб»; ГІялиев ХІ. «ДяхІили ургъули саб»; БяхІяммадов А.-Г. «Сагал дусла балга»; ГІяхІмадханов А.-Б. «ВатІан»; Мирзаева П. «НурбяхІяндов МяхІяммадлис»; ГІялиев ХІ. «ХІеб дакІиб».

***ХІябъибил классла бучІантази классла дурар делчІахъес:***

Даргала халкъла хабурти: «Гурдара гѐжара», «Хъубзарла пагъму»; ГІялиев Н. «Чяка»; Зульпукаров З. «Ятим»; Абдулманапова А. «ХІела у»; Алидзиева

П. «Нешличи чарухъес багъи»; Абдулманапова А. «ВатІан»; ХІясанов И. «Къара Али».

#### **IV КЛАСС**

**ДуцІрум ва гІебшни.** ДуцІрумличила ва гІебшниличила, дуцІрумлизир каникултала замана чедаиб-дакъибтачила, гІебшнила сабухъ бурчниличила, дурхІнала кумекличила, бузериличила, илдала декІар-декІарти хІязаначила назмурти ва хабурти.

ХІясанов И. «Дургъби мадиаб!»; Надеждина Н. «Школала анхъ»; ГІябдуллаев ГІ. «Жунабла галгуби»; ГІялиев ХІ. «Гъала гІебшни»; Рабаданов С. «ГІебшнила лишантачил»; Ушинский К. «ГІебшни»; Рашидов Р. «ГІебшнила манзил»; ХІяпизова А. «Даршибти дакІаб гІебшни».

**Гъалмагъдеш.** ДурхІначила, илдала гІямруличила, гъалмагъдеш-юлдашдешличила, барсур бархбасуначила, бузериличила, баркъ-бацличила назмурти, хабурти, буралаби ва багъираби.

ЯхІгъев М. «Щегъала шанг»; ГІяхІмадов А.- Б. «Пулека»; Чехов А. «Ванька»; Къадиев М. «Кумек»; Рашидов Р. «Гъалмагъла някъ»; Рабаданов С. «Гъалмагъдеш гІягІнили сар»; Даргала халкъла буралаби: «Буралаби».

**ТІабигІят мяхІкамбарни.** Алавси тІабигІятличила, духълуми, вацІурби, гъава, хъа ва дугІла мицІираг, арцанти мяхІкамдирниличила назмурти, хабурти, буралаби ва багъираби.

МяхІяммадов И. «Арцантани мицІирбиру тІабигІят»; БяхІяндов А.-Г. «Валиха вацІа»; КъадибяхІяммаев А. «Варъала галга»; Къурбанов ХІ. «Тамашала пукъа»; Къурбанова ГІ. «Набчира къацІбилкигу»; ГІялибеков Б. «Къядга»; Кузнецов А. «БиштІаси галга»; ГІямаров Р-ГІ. «Хъярла галга».

**Се саби вайси, се саби гІяхІси?** Адамтала цаличил цала бархбасуначила, гъарли-марти гъалмагъуначила, вайтира гІяхІтира хасиятуначила, инсап-хІяяличила, яхІ-ламусличила назмурти, хабурти, буралаби ва багъираби.

ГІялиев ХІ. «ХІялалси дурхІя»; ГІябдуллатІипов И. «Чака бисухІели»; Рашидов Р. «Вайна адам»; ГІяхІмадханов А.-Б. «Автобусличиб»; ГІялиева Ф. «Азгъин рурси»; ГъазимяхІяммадов Г.-Б. «Къясдешра гІясидешра»;

БяхІяндов А.-Г. «ХІейгиизни»; Даргала халкъла хабар: «Уршби»; Къурбанов ХІ. «БерхІи сен къанбиуба?»; Даргала халкъла буралаби ва айтуби: «Буралаби ва айтуби».

**Цакъти гьалмагъдеш.** Халкъани-ургарти бархбасуначила ва адапти ургарти гьалмагъдешличила, узидешличила, илдала цалис ца кумекличила, къайгъначила назмурти, хабурти, буралаби ва багъираби.

Адамадзиев Р. «Диги гІягІнили сари»; Юсупов Х. «Гьалмагъдешличила»; ГІялиев З. «Гьариллис хІялалси...»; МяхІяммадов Б. «ВатІайс къарауичиб»; ГьазимяхІяммадов Г.-Б. «Даршудешла никІа вакил»; Толстой Л. «КІел юлдаш»; Рабаданов С. «Гьалмагъдешличила далай»; Даргала халкъла хабар: «Гьалмагъуни»; СягІидов М. «Ашнаби»; ГІяхІмадханов А.-Б. «ГІялихужа ва ХужагІяли»; Даргала халкъла буралаби: «Буралаби».

**Яни.** Яниличила, дубуртазиб янила тІабигІятличила, илапти адамтала бузериличила, янила тІабигІятла суратуначила ва лишантачила назмурти, хабурти, буралаби ва багъираби.

ХІяпизова А. «Сагаси дусличил»; ГІялиев ХІ. «Шан чяка»; МяхІяммадов И. «ДяхІила пусли»; Михалков С. «ГІярми ва бецІ»; ГІябдуллаев ХІ. «Яни»; Дэдитриева В. «ДяхІила бурямлизиб»; Маршак С. «Февраль»; Даргала халкъла буралаби ва айтуби: «Буралаби ва айтуби».

**Халкъла мухІлила пагъму.** Даргала ва Дагъиста цархІилти халкъанала хабурти, далуйти, буралаби ва багъираби. Илдазир гьабзадеш, адамдеш, мардеш, бархъдеш черяхІдирни, усалдеш, ламартдеш, къалпдеш уряхІдирни. Даргала халкъла хабар: «Муэр»; «ЭмхІе ва арслан»; «Житара вацара»; «КІелра гІяхІял чум-чум дус биубли?»; «Вава»; «Хъу дерхъаб!»; «БикІар»; Даргала халкъла буралаби ва багъираби: «Буралаби ва багъираби».

**ХІеб.** ХІебла тІабигІятла суратуни. ХІеб дубуртазиб адамтала бузериличи дигиличила, хІеблизиб тІабигІят жагабирниличила назмурти, хабурти, буралаби ва багъираби. ХІебла байрумти: «Мартла 8», «Майла 1», «Майла 9», «ХъубяхІруми»; ГІялиев ХІ. «ХІеб дакиб, дуцІдикІули»; ГІябдуллаев С. «ХІеб»; Юсупов Х. «АтхІеб дакиб».

**Дубуртазир хъубяхІруми** Хебла тІабигІятла жагадешличила, адамтала бузериличила, назмурти, хабурти, буралаби ва багъираби.

Амирчупанов ХІ. «Хъу дерхъаб, лавашакунт!»; БяхІяндов Г.-Б. «ХІеб»; Адамадзиев Р. «Уршила сурат»; БяхІямгІялиев М-Ш. «ХІебла манзиллизиб»; Зугъра Ханум «УркІи саби чатІначил»; ГІялибеков Б. «ХІеблизиб»; Даргала халкъла буралаби: «Буралаби».

**Гъабзадешла хІялумціуси манзиллизиб.** 1941–1945 ибти дявтала дусмазир нушала адамтани дургъбазир ва тыллизир дакІударибти гъабзадешличила назмурти ва хабурти. Иванов А. «Дявила чедибдешла гъуни»; ГІябдуллаев ГІ. «Ташкапурлан Зулпукъар»; А. Путерброт. «Дявиличибад дявиличи»; Владимиров М. «Шура Коберва Витя Хоменко»; ГІябдулманапова А. «ВалхІелуси солдатла хІябличир»; ГІяхІмадханов А.-Б. «Ну чарулхъас хІечи, дила; ГІялиев ХІ. «Делхъ»; Даргала халкъла буралаби: «Буралаби».

**Дубуртар улка.** Даргала ва Дагъиста халкъанала гІямруличила, мер-мусаличила, илала машгърти адамтачила.

Юсупов Н. «Дила дубуртар улка»; ГІяхІмадов И. «Имам Шамил», «Шайхул ислам – ахъушан ГІяли-ХІяжила хІурматлис», «Игит СултІан», «Гъунарла ахъдеш»; БяхІяммадов Ю. «Мургъила зубари»; ХІясанов И. «Халкълис дигуси»; Адамадзиев Р. «Дагъистан»; Рабазанов К. «Дагъистан – дила ВатІан»; Хрюгский ТІ. «Дила ВатІан»; ХІямидов М. «Дагъиста суратуни»; Даргала халкъла буралаби: «Буралаби».

**Культура ва искусство.** Нушала халкъла культураличила, илала хасдешуначила, гІядатуначила, халкъла гІямруличила, даргала машгърти адамтачила (гІярбукІ-хъярбукла мургъи-арцла устначила, муирала варгъни дирантачила) публицист статьяби, назмурти, хабурти, буралаби ва багъираби. Даргала ва Дагъиста машгърти поэтунала, писательтала дурхІнас хасбарибси литература, илди произведениебала бекІлидиубти темаби, мурадуни. Поэзияла ва прозала хасдеш. Лебилра миллатла халкъла театрти.

Расулов М.-Р. «Даимлис зяйдикІахъес»; Зулпукъаров З. «ТалихІла кІел пай»; Неверов А. «ГІяртистуни»; Ахмедов И. «Машгърси ГІялим», «Камилла

суратуни»; Наврузов XI. «Машгъурси Куле-Мямма»; Емельянов Б. «Машгъурси адам».

Авъибил класслизир бучИниличи бурсибирнилис гибси материалли белчИудила къяйдуртаци ва цархИилти белчИудилашалти баркъудуначи бурсидешуни алкIахъу.

**Багъудиличи веГирнила жура-журала далдуцлуми:**

- ахъли, дугъбазир яра предложениебазир тIамри, биркIанти урхIедалтули, хатIа хIебирули, гIягIниси къалабадешличил, мягIна иргъули къяянти ахIенти назмурти ва прозала произведениеби саркъахъили дучIес;
- ахъли бучИни, гIяшли чузи-саби бучИниличи шурбалтес, белчIунси текстла мягIна иргънилис, ил бекIлизиб калнилис къимат кабалтес;
- текстла бухIнабуцла анализ бирес: тема ва бекIлибиубси мягIна гъаргбирес, хъарбаркъ хIясибли сегъуна-биалра масъалаличилси баркъуди (эпизод) гъаргбирес, текстлизир кадиркути анцIбукъуналара эпизодлара ургабси бархбас кабилзахъес, кадиркути анцIбукъунас ва бутIакъянчибала баркъ-бацлис къимат бедлугес;
- геройла гIяхIти ва вайти баркъудунас къимат бедлугес, гIяхIти баркъудуни (гъабзадеш, адамдеш, мардеш, бархъдеш) черяхIдирес, къяна, шилтахъдеш, усалдеш, ламартдеш, къалпдеш уряхIдирес;
- текстличи план цалабирхъес, бархибси текстла гъаб-гIергъидеш кабилзахъес, ил чебирцIахъес;
- кадиркути анцIбукъуни, игит-алавси тIабигIят сипатбарес багъандан, текстлизир пайдаладарибти мез жагадирути дугъби (эпитетуни, мешубуцуни, метафораби) дургес; назмула тяхIярла текстла хасдешуни (ритм, рифм, строфа) белгидарили, баяндирес.

***Текстла чебкад хIянчи:***

- белчИудилашал гъаладихъибти масъулти ирзнила хIекълизибси информация справочникуназирад касибси материал пайдалабарили, чебирцIахъес;

- жузлис характеристика бедлугес: жузла аппарат: титульный кІапи (мужаллат), оглавление (бухІнабуц), аннотация (жузла бухІнабуцличила къантІси белкІ), гъалагъай, суратуни, ва ц.);
- жузла жура (жузла автор чи саял, жуз селичила гъайбикІулил, илизирти суратуни сегъунтил, мурт ва чинаб дураибсил) кабилзахъес;
- гъаладихъибти белчІудилашалти масъулти хъулчили дуцили библиотекализибад хІяжатси жуз чеббуркІес, ил даргала яра Дагъиста, яра цархІилти Россияла поэтунала, писательтала сабил, белгибирес; аннотация цалабирхъес.

***Багъуди кайснилашайчирти жура-журала далдуцлуми:***

- белчІудилашалси ихтилатлизир ирнилашалси этикет бархъли бузахъес, диалоглизир къаршидиркути суалтас чедетаибти жавабти лугес, илди чедирцІахъес, белчІудилашалти художественный текстанахи суалти дархъли кадалтес;
- белчІудилашалти масъулти хІясибли текстла бухІнабуц чеббурес;
- биштІатас хасбарибси литературала тематикаличила, дигуси писательличила, илала произведениебачила бурес;
- произведениелизивси геройличила авторла сай-вегІси пикрилиси, илала георойличилси бархбаслис къимат кабалтес;
- гъалабихъибси тема хІясибли яра чехІеруди бузахъули хабарла, сипатбирнила журала халати ахІенти текстани цаладирхъес.

***Регулятивный белчІудилашалти далдуцуни:***

- жура-журала текстанала мурад ва мягІна иргъули, хІяжатси мерличиб тІама багълабирули, ахъбирули, уркІила хІял (къабулдеш, разидеш, къабулагардеш, пашмандеш, тамашавиъни, васвасикІни, дугъабизла, вявла, суалла, гъимидухъни, уркІухъни, изиаъни, къаркъайчи челукъни, баркалла, салам ва ц.) иргъахъули учІес;
- текст саркъахъили бучІнилис ва текстла чебкад барибси хІянчилиси къимат кабалтес;
- сунела ва зилантала белчІудилашалти баркъудлумас, къимат кабалтес;

- бируси баркъудиличи чехІеруди бузахъес, хІянчила башни ва илала сабухъ кабилзахъес, хатІаби урдатнила сабабти гъаргдирес, бируси хІянчилизира къияндеш хІебиахъести далдуцуни гъалахили чедиэс.

***Бархси хІянчи:***

- сегъуна-биалра инсценировкализир бутІакъяндеш дирес (ролани хІясибли ахъли ва саркъахъили, гІягІниси мерличиб тІама ахъ-гІяшбирули дучІес);
- барх бируси хІянчила башриличи чекалзес, сунечи хъарбарибси хІянчи чебетаахъили хъариихъахъес, сунени ва цархІилтани дарибти баркъудунас къимат кабалтес, бегІлара гІяхІти сархибдешуни диахъести тяхІурти далдурцес.

**Авъибил классла бучІантани дагъес гІягІнити литературный терминти:**

бурала, бакъала, хабар, (предание), белкІла у (заголовок), художественная литература, текстла тІинтІси план (развернутый план текста), текстла къантІси план (сжатый план текста), бухІнабуц (сюжет), текстла жураби (типы текста), пикри бурни (рассуждение), хабар бурни (повествование), сипатбарни» (описание), олицетворение, идея (пикри), произведениела бекІлибиубси мягІна».

**Авъибил классла бучІантани уркІиличир дагъес гІягІнити произведениебала список:**

Рашидов Р. «Гъалмагъла някъ»; Газимагомедов Г.-Б. «Къясдешра гІясидешра»; Магомедов Б. «ВатІайс къарауйчиб»; Рабаданов С. «Гъалмагъдешличила далай»; Гапизова А. «Сагаси дусличил»; ГІялиев ХІ. «ХІеб дакІиб, дуцІдикІули»; Зугъра Ханум «УркІи саби чатІначил»; Абдулманапова А. «ВалхІелуси солдатла хІябличир»; Адамадзиев Р. «Дагъистан»; Рабазанов К. «Дагъистан – дила ВатІан».

***Авъибил классла бучІантази классла дурар делчІахъес:***

Даргала халкъла хабурти: «Уктемси гурда», «Айдила баркъудлуми», «ГъархІебизурси архІя»; ХІясанова У. «Шилизиб бархІехъ»; Рашидов Р.

«Халидла масхурти»; Муртазаалиев А. «Кел дурхІя»; Сулейманов Р. «Пил»; Абдурашидова А. «Нешла чебла»; Габибова Х. «Гежа берцахъиб».

## ИРНИЛА ВА БУЧНИЛА ХІЯНЧУРБАЛА ЖУРАБИ

Иш разделлизи кадурхар ишдигъунти бутІни: лехІизни, гъайикІни, ахъли ва саркъахъили учІни, чузи-саби гІяшли бучІни, лукІни, библиографическая культура, дурхІнас хасдарибти художественная ва гІилмула литературала произведениеби (хабурти, очеркуні ва ц.), литература бучІнила пропедевтика ва творческий баркъудлуми.

**ЛехІизни.** *ДурхІнани багъес гІягІниси саби:* Учителъли бурибси яра белчІунси текстла (хабарла) бекІлибиубси мягІна гъаргбирес ва ил гъаб-гІергъидешличил, сунела гъайли бурес. Аргъибси произведениела яра текстла бухІнабуц хІясибли, текстличи кадатурти суалтас къантІли ва саркъахъили жавабти лугес. Кадиркути анцІбукъунала гъаб-гІергъидеш хІясибли, аргъибси секІа бекІлибиубси мурад иргъес. Школьный материал хІясибли, научный ва цархІилти художественный произведениеби хІясибли, дархъли суалти кадалтес ва бархъси жаваб лугес.

**ГъайикІни.** Диалог или селис бекІарал бални. Диалог гъайла ца жура биъни аргъни. Диалогла хасдешуначила бални. Диалоглизир (белкІлизир) кадалтути ишарабачила гъанбикахъни ва багъахъни. Диалоглизирти суалтас дархъти жавабти лугес бални. ЦархІилли бурусиличи жагали лехІилзес, диалоглизир таманахІенти предложениеби дузахъес бални. Монолог или селис бекІарал бални. Монологлизир тІинтІти предложениеби дузахъес бални. Диалоглара монологлара хасдешуначила бални. Авторский текст яра сегъуна-биалра тема хъулчили буцили кабатурси суал хІясибли, халаси ахІенси монолог цалабирхъни. Монологлизиб бекІлибиубси мурад, пикри иргъахъес бални. Учителъли бурибси яра белчІунси, суалти яра гибси план хІясибли, текстла (хабарла) бекІлибиубси мягІна гъаргбирес, ва ил сунела гъайли бурес бални. Дугъбачил хІянчи бузахъес, илдала (мягІна, лишан, баркъуди) белгибарес бални. Гъарси, чехибси ва дахъал мягІнуби иргъахъути дугъби хІяжатси

мерличир пайдаладирес, илдала мягІна белгибирес бални. Дугьбала хазна мурхьбарни ва гьалабяхІ арбукни. БелчІунси произведениела, аргьибси информацияла бухІнабуц гьаб-гІергьидешличил бурес бални. Синонимти, антонимти ва цархІилти мез жагадирути дугьби дузахьес бални. Текстла бухІнабуц хІясибли суалти кадалтес яра суалтас жавабти лугес бални. ГъайикІусила мурад иргьес, суалтас жавабти пикридирес, гъайикІуси адамли буруси бурайчи жагали сабурличил лехІилзес, илала гъай чедирцІахъули, даимдирес бални. Тема хІясибли ихтилат гІеббурцес бални. Сунелайчи мешуси ахІенси урхІла пикри, лебси биъни аргъни.

**Ахъли ва саркъахъили бучІни.** Саркъахъили ва ахъли, дугьбазир яра предложениебазир тІамри, биркІанти урхІедалтули, хатІа хІебирули бучІни. ХІяжатси интонацияличил, мягІна иргъули, дугьби ва дугьбала цалабикуни, предложениеби дучІни. Класслизибад класслизи абицІниличил барх, дурхІни хъярхъили, бучІес багьес гІягІнили биъниличира пикри бяхІчааъни. Халаси ахІенси текст саркъахъили бучІни: орфоэпияла тІалабуни хІясибли, даргала литературный мез ирнила нормаби хъулчили дуцили.

**Чузи-саби гІяшли бучІни.** Багъла-багълали ахъли учІни, гІяшли учІниличи шурбалтни. БелчІунсила мягІна иргъни ва белчІунсила бухІнабуц хатІа хІебарили, чеббурес бални. БелчІунси текстла бухІнабуц хІясибли, суалтас дархъти жавабти лугес бални. Учителъли бучІухІели ва хабар бурухІели, лехІихъес бални. БучІнила чумал жура лерни мисалтачил аргъахъни, масала: изучающий, ознакомительное (тянишбирнила...), выборочное (бекІлибиубси текстла тема яра илала мурад бухІнабуцибси мер чеббикІни).

**ЛукІни.** БелкІла гъайла нормаби. Сунела белкІ яра буруси секІал сегъуна журала сабил (сипатбарни, хабар бурни, пикри бурни, тема, бекІлибиубси мягІна) бални. Сунени белкІунсила бухІнабуц, гьалабихъибси темаличил цугбурцни, мез жагадирути дугьби дузахъни (синонимти, антонимти, сипатбирни), кадатурти суалтас жавабти лугни, суалти кадалтни, гьалабихъибси тема хІясибли сочинение лукІни, хабар, план, сегъуна-биалра багъахъни цалабирхъни.

**Библиографическая культура.** БегІ-гъалаб жуз мурт ва чинаб дураибсил (къантІли – тянишбарни). Адамла гІямрулизиб жузла къадри. Жузла жураби: учебныйти, художественныйти, справочникуни, энциклопедиеби, сочинениебала, изложениебала, диктантунала ва цархІилти журала жузи дирниличила бални. Лерилра чедир гъандушибти жузала журабала хасдешуни (учительла кумекличил) белгидирес, илдала къадриличила аргъахъни. Жузла аппарат: титульный кІапи (мужаллат), оглавление (бухІнабуц), аннотация (жузла бухІнабуцличила къантІси белкІ), словарь. Жузла жура (жузла автор чи саял, жуз селичила гъайбикІулил, илизирти суратуни сегъунтил, мурт ва чинаб дураибсил) белгибарни. ДурхІнас хасдарибти журналти: «Нувал учІулра», «Лачин» ва цархІилти журала журналти, газетаби дирниличила багъахъни. Жузла жура ва бекІлибиубси тема белгибирес бални. ДурхІнас хасдарибти жузи лукІути автортала фамилияби ва уми дални. Учебный материалла, жура-журала текстанала (аргъни, бурни) ва цархІилти хасдешуни белгидирес бални (учительла кумекличил).

**БиштІатас хасбарибси литература.** БиштІатас хасбарибси литературализи кадурхар гІямруличи лайикъти ва илдани аргъести халкъла мухІлила пагъмула (арцантачила, мицІирагличила хабурти, масхарала хабурти, назмурти, басняби, багъираби, буралаби, далуйти мицІирагличила, арцантачила), даргала, Дагъиста ва цархІилти халкъанала писательтала произведениеби, сарира дурхІнас хасдарибти.

Жузи лер: художественныйти, публицистикала, научныйти (гІилмула), гІямрулизир кадикибти историябачила ва ц., илди чула чули яра бегІтачил дарх дучІес бирар. Илдигъунти произведениебани дурхІнала багъуди мурхъбиру, имцІабиру ва бяркъ бедлуга.

ДурхІнас хасдарибти произведениебазир бекІлибиубси темали биэс бирар: ВатІан, тІабигІят, дурхІни, хъалибарг, школа, биштІати, узби-рузби, гъалмагъ-тяниш, гъалмагъдеш, кумек, бархъдеш-убяхІдеш, инсап-хІяя,

хГурмат-хатир, къяна-мар, зяГиптачи ва ахъриагартачи урклеЦичебдеш, адамла вайтира гЯхИтира баркъудуни.

Руркъути произведениебани дурхИназир адамтачи, мицИирагличи, тИабигИятличи, бузериличи, бузерила адамтачи диги абилкъа.

Темаби гъарил класслис цагъунти яра жура-журала диэс дирар: «Чула чузи делчИахъес» ва «БучИниличи бурсибирнила дурсрачир».

**Литература бучИнилизир къяршидиркути терминти (пропедевтика):** художественное произведение, мез жагадирути дугъби, автор, бухИнабуц (сюжет), (баркъудунала гъаб-гИергъидеш), тема, бекИлибиубси мягИна, пикри (идея). Произведениела бутИакъянчи, сурат, гъай, баркъудуни, пикруми, авторла бутИакъянчибачил бархбас.

Художественный литературала ва гИилмула литературала (хабар, назму, басня ва очерк) хасдешуни, текстанала жураби: хабар бурни (хабарла журали), пикри бурни (сай-вегИси пикри бурни, бутИакъянчила монолог, бутИакъянчила диалог) сипатбарни (сурат, тИабигИят).

Поэзияла ва прозала гъайла хасдешуни цугдурцни, поэзияла хасдешуни (ритм, рифма) белгидирни.

Мез жагадирути дугъби: эпитетуни, мешубуцуни, олицетворенияби, гиперболаби.

Халкъла мухИлила пагъмула ва автортала произведениебала (хабурти, буралаби, багъираби, далуйти) хасдешуни.

Произведениебала жанрабала жураби. ДиштИати жанрабала произведениеби (хабурти, буралаби, багъираби, далуйти) белгидирни, илдас определениеби лугни, илдала мягИнуни, хасдешуни, бекИлидиубти мягИнуни белгидирни.

Хъа ва дугИла мицИирагличила, арцантачила, сихИрула, бекИахъудила хъалибаргличила, узи-уршиличила, адамтала бузериличила, санигИятуначила, халкъла гИядатуначила (билхъа, мекъла, гЯхИялдеш ва ц.) игитуначила, илдала гъабзадешличила, бузерила гъабкъябачила, дурхИнала хъайгИрти, школализирти ва дурарти гИямруличила, илдала саби-ургарти гИямрула бархбасуначила, гъалмагъдешличила, барсур кумекличила, хабурти,

назмурти, буралаби ва багъираби. Хабуртала хасдешуни, каргъни (композиция). Халати ва диштIати жанрабала произведениеби цугдурци, илдазир мешудеш ва декIардеш белгидирни.

### **Творческий баркъудлуми:**

- – белчIунсиличи мешубарили хабар цалабирхъес (учительли кадалтути суалтала кумекличибли), сунезира духIнакайули **сипатбарнила** тяхIяр бузахъути дугъби ва илкъяйда **пикри бурни** иргъахъути дугъби, сунезибра сегъуна-биалра анцIбукъ, факт биъни, лебни яра агни кабилзахъуси;
- – произведениелизир гибти художественный суратуни чула пикрумазир алкIахъес ва илдачила бурес балес;
- – произведениебала бутIни яра ролани хIясибли инсценировкаби (пьеса, драма ва ц.) ахъли ва саркъахъили, гIягIниси мерличиб гIама ахъ-гIяшбирули дучIес балес;
- – суратуни пайдаладарили изложениеби лукIес, чузира сочинениела элементуни духIнакайули;
- – лукIнила ва бурнила сочинениеби-ихтилатуни дирес балес;
- – белчIунси хабарлис, чебаибси кинофильмалис, телепередачалис, спектакльлис гъайличил ва белкIличил къимат лугес балес;
- – аргъибти музыкаличила ва дучIути назмуртачила лехIизурли сай-вегIси пикри, сунела иличил сегъуна бархбас сабил, бурес балес (учительла кумекличил).

**ЛИТЕРАТУРА БУЧНИЛА ПРОГРАММАЛА ТІАЛАБУНИ ХІЯСІБЛИ  
БЕХІБИХЪУДЛА ШКОЛА ТАМАНБИРУТИ БУЧІАНТАЛА  
БАГЪУДЛУМАЧИ ВА БУРСИДЕШУНАЧИ БЕКІЛИДИУБТИ  
ТІАЛАБУНИ**

***ХІЯЛ-ТІАБИГІЯТЛА САРХИБДЕШУНИ***

Дарган мезла бучінила дурсрачир бехібихъудла школа таманбирути бучіантала хіял-тіабигіятла дурсрачир ва дурсрала дурарти баркъ-бацуназир ишдигъунти умутти багъудлумала сархибдешуни диэс чебиркур.

***ВатІайчи ва жамигІятличи диги адилкънилашалси баркъ:***

- сунела ВатІа, сай акІубти мер-мусала халаси хІурматбирни, дарган мез руркъниличи иштяхІ, гъира акІни, Россияла халкъанала история бални, гъаб-убла ва гъаннала культурала бархбас чебиихъес бални;
- Россияла гражданин виънила къадри аргъни, ВатІайчи дигила мурхъдеш ва иличи пахрубирес вирни чебиахъни, Россияла ва илала халкъанала история бални, сай сегъуна миллатла саял, якъинбирес бални. Дахъал миллатунар Россияла жамигІятла гІяхІтигъунти гІядатуни, илдала адамдешлашалти ва адаблашалти къиликъуни гІердуцес гІягІнили биъни аргъни, адамла хІурмат-хатирбирес, илала адаблашалти баркъудуни къиматладирес, иличил вархвулгес бални;
- гъарил адам сунени бируси баркъуди бетархахъес чекалзес чебси биъни иргъес, гІямрула шуртІразив вархъсили ва умусили вирес, чинав-виалра гъарси-секІайзив чеветаибсили вирес, халкъ-ургар далхІедикибти къиликъуни гІямрулизир хІедузахъес балес.

***Инсан-хІая ахъдуричила шайчбси баркъ:***

- гъаламагъ-тяништачил баркъ-бацлизив валиркес, гъарил адамла сунечи хасти хІял-тіабигІятлашалти къиликъуни лерни аргъес, чиди миллатла яра динна адам виалра, илала хІурмат-хатирбирес бални;
- гІяхІдеш бареси ибси пикри гІеббурцни, илини цархІилла уркІи аргъес вирни, урхІличи уркІецібирес бурсивиъни;

- сунела ихтилатлизир баришти, сабурличилти, хамдешагартти, адамтачи дигили дицИибти кыликъуни чедиахъес бални;
- художественный литературализиб къаршибиркути бутIакъянчибала баркъудунас бархъси кымат кабалтес бални;
- жагаси ибси сегъуна сабил иргъни, ил мяхIкамбирес ва имцIабиахъес ибси хъул сунезиб мурхъбиахъни;
- адамличи далхIедикибти кыликъуни белгидирес, илди хIедиахъести тяхIурти далдурцес, илдала адамдешлашалти ва адаблалашалти кыликъуни гIердуцес бални.

***Эстетикалашайчибси бяркъ:***

- художественный культурабала, жура-журала искусствобала хIурматбирес, сунела миллатла ва цархIилти миллатунала гIяхIитигъунти гIядатуначила, творчествобачила сай-вегIси пикри бурес, илдала адамдешлашалти ва адаблалашалти кыликъуни гIердуцес, бални;
- художественный произведение бекIлибиубси мягIна иргъули, гIягIниси къалабадешличил, гIама ахъ-гIяшбирули, хъярхъбирули ва барсбирули, саркъахъили бучIес бални;
- художественный произведениебала мезлашалти хасдешуни белгидирес, илдала каргъни кабилзахъес бални;
- цархIилли бурусиличи яра бучIусиличи жагали лехIилзес, художественный произведениебазир, фольклорлизир, художественный образуни гъаргдирнилалашал дузахъути мезлашалти хасдешуни, мез жагадирути дугъби (эпитетуни, мешубуцуни, метафораби) пайдаладирнила сабаб ва мягIна иргъни, илдас бархъси кымат кабалтни.

***Арадеи, къуват, аги-хIял ахъбуруцила шайчирти далдуцуни:***

- гIямрулизир къаршидиркути баркъудуназив вегIла ва цархIилла арадешлис зарал хIебиахъести тяхIурти дургни, халкъ-ургав хIял-гIабигIятлизив, гIямрула жура-журала шалубазив, къалмакъар агарли дуралхъес, валиркес чебиркнилалашалси бяркъ бедни.

### ***Бузерилашайчибси баркъ:***

- жура-журала санигІятуни хІясибли гІямрулизир кършидиркути баркъудунзир бутІакъяндеш дирес иштІяхІ биахъни, цархІилли барибси хІянчилис бархъси кымат кабалтес бални.

### ***ТабигІят мяхІкамбирнила шайчирти далдуцуни:***

- тІабигІят мяхІкамбирнилашалти тІалабуни, литературный произведениебазир кършидиркути мицІираг-адамти ургарти нукъсандешуни белгидирес бални;
- чисалра ва селисалра гІяхІдеш агарти, вайти баркъудуни гІямрулизир хІедузахъни.

### ***Гилмулати багъудлуми кыматладирни:***

- гІилмула мер ва адамла гІямрулизиб гІилмула къадриличила гьалар-гьаларти баянтачил тянишбарни, девли иргъахъуси мягІна, ва ил пайдалабирнила къадри аргъахъни, девла кумекличибли авторли художественный произведениебазиб сунела пикри бурни, селичибси-биалра яра чичибси-биалра хІял иргъахъни;
- чула-саби мягІна иргъахъули бучІахъес бурсидешуни акІахъни, белчІудила ва гІямрулашалти масъулти ирзнилизир белчІудилашалти багъудлуми пайдаладирахъес бурсибарни, фольклорла ва цархІилти художественный произведениебала черкад саби-бегІси пикри бурахъес бурсидешуни акІахъни, бучІантазир писательтала творчествоби, илдала произведениеби чула чузи дучІахъес иштяхІ-гъира акІахъни.

### ***МЕТАПРЕМЕТЛА САРХИБДЕШУНИ***

БехІбихъудла школализир «Литература бучІахънили» бучІантала дурсрачир ва дурсрала дурарти баркъ-бацуназир дагъардирар ишдигъунти багъудилашалти сархибдешуни.

### ***Багъуди баркъудуназиб чебиахъни:***

- тема ва бекІлибиубси пикри (мораль), жанр хІясибли произведениеби цугдурцес, авторти белгибирес, илдала произведениеби мешудурцес, хасдешуни кадилзахъес;

- чула жанр хІясибли произведениеби, илдала авторти бархбирхъес;
- тема, жанр ва жура хІясибли произведениела анализ бирес;
- произведениела каргънилизир (сюжетлизир) урдатурти нукъсандешуни белгидирес, произведениелизир кадиркути анцІбукъунала гъаб-гІергъидеш кабилзахъес, гъаладихъибти тІалабуни хІясибли аннотация, сай-вегІси пикри (отзыв) цалабирхъес;
- гъаладихъибти тІалабуни хІясибли, белчІудилашалти масъулти практикалал ирзнила шайчир, баарила къадар информация лебни-агни белгибирили, кабилзахъес;
- план цалабирхъухІели, текст чеббурухІели, произведениебазибти бутІакъянчибала баркъудунас характеристика бедлугухІели художественный ва фольклорный текстанала бархбас белгибирес.

***Хьулчили диубти хІялумцІнила далдуцлуми:***

- произведениебазир кадиркути анцІбукъуни хьулчили дурцули, учительли кабатурси суайс бархъси жаваб лугес;
- учительла кумекличил сегъуна-биалра объектла яра кабикибси анцІбукъла чебкад бируси планнизи барсдеш бирес, илала мурад барсбирес;
- масъулти ирзнила шайчирти чумал журала вариантуни цугдурцес, илдазирад цакъадар далдиркути (гъаладихъибти критерияби хьулчили дурцули) чердуркІес;
- гъалабихъибси план хІясибли халаси ахІенси хІялумцІ дурабуркІес, сегъуна-биалра объект цархІил объектличил цугбурцес (объектла ца бутІа – лебилра), хасдешуни белгидирес, илабси мягІна гъаргбирес, илдазирти гІяхІтигъунти шалуби чердуркІес, илди акІнила ва гъунчидиркнила къяйдурти кадилзахъес, илдачи мешути баянти дургес;
- дураберкІибси хІялумцІла (опытла) чебкад выводуни дирес, илди чедирцІахъес;

- дураберкИбси хІялумцІ (опыт) гъалабяхІ башнила процесличи, хІялумцІличил дархдасунти баркъудлумачи, мешути далдуцуначи гъала хили пикри бяхІчииахъес.

### ***Информацияличилси хІянчи:***

- информациялис гІягниси источник чеббуркІес;
- гъаладихъибти тІалабуни хІясибли, гъалабихъибси источниклизиб гІягІниси информация бургес;
- учительли гъалабихъибси источниклизиб хІяжатси информация лебни-агни кабилзахънилашалси ахтардила хІянчи чула чули дурабуркІес;
- хІялумцІ (справочникуназирад, Интернетлизирад) (учительла, бегІтала кумекличил) дурабуркІнилизир чараагарли гІягІниси информация белгибирнилашал сахъдеш биахъес, сунечи хІяжатдеш агарси информация уббалтес (убкайсес) хІяжатси информация багалабирниличи алавтала пикри битІикІес;
- гъаладихъибти масъулти хъулчили дурцули, жура-журала текстани цаладирхъес, илдала мягІна ва мурадуни сегъунти дирарал белгидарили, анализ бирес;
- чула чули информациябас схемаби, таблицаби дирес, белчІунсила ва аргъибсила чебкад белкІла яра мухІлила журала сай-вегІси текст цалабирхъес.

БелчІудила ахирличир бехІбихъудла школабазир бучІантала бучІнила дурсрачир ва дурсрала дурарти баркъ-бацуназир дагъардирар ишдигъунти багъуди кайснила шайчирти багъудлуми:

- гъайикІусила бурусиличи жагали лехІилзес, гъаладихъибти мурадуни ва сабабти хІясибли сай-вегІси пикри бурес, гъалмагъ-зилантачил ихтилат гІеббурцес;
- гъайикІусила бурусиличи хІурмат-хатирличил лехІилзес, диалоглизир яра дискуссиялизир дузахъути къяйдурти хъулчили дурцес;
- сунелайчи мешуси ахІенси урхІла пикри лебниличи вирхес;
- сай-вегІси пикри чебетаахъили, жагати каргъурти дугъбачил бурес;

- гъаладихъибти масъулти хъулчили дурцули гъайулхъес, сай-вегъси пикри бурес;
- ирниличил яра белкличил текстани цаладирхъес (сипатбирни, хабар бурни ва пикри бурни бухнакайули);
- халаси ахенси публицистикалаласи стиль бузахъули гъайулхъни хядурбирес;
- гъайулхънилис хядурбарибси текстличи чебаъла материал чеббуркес (суратуни, плакатуни ва ц.).

Белчудила ахирличир бехибхъудла школабазир бучантала бучнила дурсрачир дагъардирар ишдигъунти белчудилалашалти **(регулятивныйти)** баркъудуни.

***Чула чули бирни:***

- гъаладихъибти масъулти ирзнила хекълизир белчудилалашалти баркъудунала сархибдешуни диахъести далдуцунала план бирес;
- дирути баркъудунала гъаб-гергъидеш кабилзахъес ва чехеруди бузахъес.

***Чучи-саби чекабизни:***

- баркъудунала сархибдешуни кадилзахъес, илди агнила сабабти белгидирес;
- эгер белчудилалашалти сархибдешуни агара диалли, илди диахъести далдуцуни дургес.

***Бархси хянчи:***

- гъалабихъибси хянчила жура хясибли, план бирес, къалабаси яра кинайс бируси баркъудила мурад, замана кабилзахъес, ил геркъабитес, хянчила жура, масъулти дарсдирес (суненицун, къукънадли (групаби) яра леблилра барх бузули ирзути баркъудуназир);
- дарх дирути баркъудунала мурадличи валиркес, лебталалра цахнарти баркъудуназир бутакъяндеш дирес, къасани ва мурадуни гъаладяхи

- дашахъести далдуцуни дургес, бархси хІянчи ролани хІясибли буртес, илала чебкад саби-бегІси пикри бурес;
- бархси хІянчи бетерхахъес хІядурли вирес, цархІилтани хІянчи бирухІели чехІеруди бузахъес, цархІилтачи (цархІилличи) лехІилзес, цархІилли сунечи хъарбарибси хІянчи бетурхахъес;
  - сунечи хъарбарибси хІянчи чебетаахъили, хъариихъахъес;
  - бархси хІянчилизибси сай-вегІси пай (вклад) ва бархси хІянчила сабухъ (результат) кьиматлабирес;
  - гъаладихъибти гІибратуни хІясибли, дархти проектный хІянчурби дирес.

## ***ПРЕДМЕТЛА САРХИБДЕШУНИ***

### **I КЛАСС**

БелчІудила курс руркънили, дула ахирлис **цаибил классла** бучІанти бурсикабирахъу:

- белчІудилашалти масъулти ирзнилизир литература бучІнила кьадри белгибирахъес ва кьиматлабирахъес, касибси багъуди гІямрулизиб пайдалабирахъес, кадатурти суалтас жавабти лугахъес: адамла гІямрулизиб литература бучІахънила кьадри кабилзахъес, художественный произведениебазир жамигІятла гІяхІитигъунти гІядатуни, илдала адамдешлашалти ва адаблалашалти кьилликъуни дургахъес;
- дугъби биркІанти хІясибли, дуб-дубли абзурли дархъли ва царугли дучІахъес, дугъбала мягІна иргъахъули, хІурпри-биркІанти урхІедалтахъули, саркъахъили, ахъли дучІахъес, художественный произведениелизирад 1 минутли 30 девлизибад цалабикибси текст гІягІниси тяхІярли, бучІахъес;
- орфоэпияла тІалабуни хІясибли, ВатІайчила, дурхІначила, хъалибаргличила, тІабигІятличила, дула замунтачила уркІиличиб бяркъурси назму бурахъес;
- прозаическое произведениела ва назмула гъай белгидирахъес;

- фольклорла (халкыла мухлила творчествола) цацадехI жанраби белгидирахъес, художественный литературала (буралаби, багыраби, хабурти), фольклорла ва литературала хабурти, назмурти белгидирахъули, илдала уми дурахъес;
- аргъибси яра белчIунси произведениела бухIнабуц иргъахъес, ил хIясибли кадатурти суалтас жавабти лугахъес;
- белчIунси яра аргъибси текстла анализ бирахъес: паризведениебазир кадиркути баркъудунала гъаб-гIергъидеш кабилзахъес, бутIакъянчибала баркъудунас характеристика (положительное или отрицательное) бедлугахъес, хIергъути дугъбала мягIнуби словарьла кумекличил баяндирахъес;
- аргъибси яра белчIунси произведениеличила саби-бегIси пикри бурнилизир бутIакъяндеш дирахъес: произведение хIясибли кадатурти суалтас жавабти лугахъес, ихтилатлизир литературализир пайдаладирути понятиеби (автор, бутIакъянчи (герой) тема, пикри (идея), произведениела у ва бухIнабуц) дузахъес, сай-вегIси жаваб текстлизирад мисалти дикули, кабилзахъес;
- произведениела бухIнабуц ирничил бурес, илизир кадиркути баркъудунала гъаб-гIергъидеш хъулчили бурцес, илабти геройтала баркъудунас кымат лугес кумеклидирути дугъби дургес, суратуначи кадатурти суалти ва гъалабихъибси план хIисаблизи кайсес;
- белчIунсила мягIна хIясибли учительла суалтас жавабти лугес, халати ахIенти текстани чердурес, суратуначи хъарихъули хабар бурес;
- ролани хIясибли гIягIниси мерличиб тIама багылабирули (мягIналасалси ударение кабалтули), учIес;
- текст биркIанти хIясибли бархъли, мягIна иргъули ва къалабахIебикIули бучIес;
- гъаладихъибти тIалабуни хIясибли произведениела бухIнабуцла черкад (2–3 предложениелизибад цалабикибси) сай-вегIси пикри цалабирхъес;

- гьаладихъибти тПалабуни хІясибли, халати ахІенти (3 предложениебазирад цаладикибти) текстани цаладирхъес;
- халатала кумекличил яра гьалабихъибси список хІясибли дурхІнас хасдарибти произведениеби (класслизир яра хьулир) чули чердуркІес;
- гьаладихъибти тПалабуни хІясибли белчІунси жузла бухІнабуц чеббурес;
- жузла ахирлизиб гибси оглавление хІясибли, гІягІниси произведение бургес;
- гьаладихъибти тПалабуни хІясибли масъулти ирзнила хІекълизир, (чеимцІаси информация бурчес) справочный литератураличи хъарихъес.

## II КЛАСС

БелчІудила курс руркънили, дусла ахирлис **кІиибил классла** бучІанти бурсикабирахъу:

- гІямрула лерилра шуртІразир ва белчІудилашалти масъулти ирзнилизир литература бучІнила къадри сецадла къадар гІягІнисил, баянбирахъес;
- гьаладихъибти белчІудилашалти масъулти хІясибли ахъли бучІниличивад дуб-дубли чузи-саби бучІес, бучІнилизир бучІнила жура-журала тяхІурти (руркъни, тянишбирни, хІялумцІни, чеббуркІни, чехІеруди) дузахъес;
- делчІунти художественный ва фольклорла произведениебазир жамигІятла гІяхІтигъунти гІядатуни, илдала адамдешлашалти ва адаблалашалти къиликъуни белгидирес;
- абзурли ва дархъли хІурпри-биркІанти урхІедалтули, халати ахІенти (1 минутли 40 девлизирад цаладикибти) прозала произведениеби ва назмурти гІягІниси тяхІярли, дучІес;
- орфоэпияла ва пунктуационный нормаби, тПалабуни хьулчили дурцули: ВатІайчила, дурхІначила, хъалибаргличила, тІабигІятличила, дусла замунтачила уркІиличир дяркъурти 3 назму дурес;

- назмула ва прозала гъай белгидирес: назмуртала хасдешуни белгидирес (ритм, рифм);
- белчІунси ва аргъибси произведениела мягІна иргъес: произведениела бухІнабуц хІясибли, кадатурти суалтас жавабти лугес;
- цацадехІти фольклорла произведениебала жанраби (буралаби, багъираби, хабурти сихІрула, хъалибаргличила, мицІирагличила ва ц.), художественный литературала (литературный хабурти, назмурти, басняби) белгидирули, илдала уми дурес;
- текста мягІни иргъес, илала анализ бирес: тема ва бекІлибиубси мягІна белгибирес, текстлизирти баркъудунала гъаб-гІергъидеш кабилзахъес, текстличи план цалабирхъес;
- художественный произведениебазибти бутІакъянчибас характеристика бедлугес, илдала баркъудуни ва хІял-тІабиГІят цугдурцес, бутІакъянчибала сурат (портрет) гъаргъирути дугъби белгидирес, гъаладихъибти тІалабуни хІясибли, произведениебазибти бутІакъянчиби цархІилти произведениебазибти бутІакъянчибачил цугбурцес, авторла произведениебазибти бутІакъянчибала баркъудуначи хІер, пикри, бархбас хъулчиличи бурцес;
- мягІна хІергъути дугъбала мягІна словарьла кумекличил баянбирес;
- текстлизир гъарси ва чехибси мягІнализир пайдаладирути дугъби белгидирес.

### III КЛАСС

БелчІудила курс руркънили, дусла ахирлис **хІябъибил** классла бучІанти бурсикабирахъу:

- гІямрулизиб художественный литературала ва халкъла мухІлила творчествола къадри хІясибли, кадатурти суалтас жавабти лугахъес, делчІунти художественный литературализирти, халкъла мухІлила творчестволизирти жамиГІятла гІяхІтигъунти гІядатуначи, илдала адамдешлашалти ва адаблашалти къ依ликъуначи хъариихъахъес;

- гъладихъибти белчІудила масъулти хъулчили дурцули ахъли ва чужи-саби бучІахъес, бучІнилизир бучІнила декІар-декІарти жураби (руркънила, тянишбирнила, хІялумцІлашалси, чеббуркІуси, чехІерудила) дузахъес;
- дугъби абзурли, дархъли ва хІурпри-биркІанти урхІедалтули дучІахъес, халати ахІенти (1 минутли 60 девлизирад цаладикибти) прозаическое произведениела бутІни, назмурти ахъли, дучІахъес;
- 4 назму ва 3–4 прозаическое произведениела бутІа уркІиличир дагъес;
- прозаическое произведениела ва назмуртала (ритм, рифма, строка) хасдешуни белгидирес;
- лирический ва эпический произедениебала хасдешуни белгидарили, баяндирес;
- цацадехІ фольклорный жанраби белгидирес (багъираби, буралаби, халкъла далуйти, мицІирагличила, сихІрула, хъалибаргличила, хабурти), художественный литературала (литатурала хабурти, назмурти, басняби), Россияла халкъла фольклорный произедениебазирад мисалти дикес;
- текстла анализ (тема, бекІлибиубси мягІна) бирес, текстлизир кадиркути баркъудунала гъаб-гІергъидеш кабилзахъес, кадиркути анцІбукъунала бархбас, текстла эпизод; текстла план (суалтачилси: текстла бухІнабуц хІясибли, суалти кадалтули), цитатный: (делчІунти текстаназир бекІлидиубти мягІнуби духІнадуцибти цататаби белгидарили, баяндируси) бирес;
- план хІясибли текстла бухІнабуц къантІли ва тІинтІли чеббурес;
- произедениебазибти бутІакъянчибас характеристика бедлугес, илдала баркъудунас къимат кабалтес; бутІакъянчибала баркъудуни, пикруми, хІял-тІабиГят цархІилти произедениебазибти бутІакъянчибалайчил мешудурцес, илди-ургарти бархбасуни кадилзахъес;

- произведениелизир автор ва илабти бутАкьянчиби, илар пайдаладарибти мезлашалти хасдешуни (алавчарси тАабигІят, сурат, бутАкьянчибала баркъудуни сипатдарни) белгидирес;
- хІергъути дугъбала мягІна баянбирес; текстлизир гъарси ва чехибси мягІнализир дузахъути дугъби белгидирес; мез жагадирути дугъби (мешубуц, эпитет, олицетворение) белгидирес;
- делчІунти литературный понятиеби (автор, мораль, басня, литературный бутАкьянчи, персонажуни, характер, тема, идея, произведениела у, произведениела бухІнабуц, эпизод, бекІлибиубси пикри бухІнабуцибти бутІни, композиция, мешубуц, эпитет, олицетворение) белгидарили, баяндирес;
- аргъибси ва белчІунси произведениела чебкад саби-бегІси пикри бурнилизир бутАкьяндеш дирес; орфоэпияла ва пунктуацияла тАалабуни хъулчили дурцули, ирниличил яра белкІличил монологуни ва диаллогуни цаладирхъес; сай-вегІси жаваб текстлизирад мисалти дикули кабилзахъес; ихтилатлизир делчІунти литературный понятиеби дузахъес; произведениела бухІнабуц (ирниличил), къантІли (тІинтІли), чеббикІили яра бутАкьянчила шайзибад, яра барсбарили хабар бурусила шайзибад, яра хІябъибил (ит, итини ва ц.) бяхІлизиб бурес;
- текстла анализ бирнилизир, илала жура (хабар бурни, пикри бурни, сипатбарни) кабилзахъес;
- гІягІниси мерличиб тАама ахъ-гІяшбирули ролани хІясибли бучІес; произведениела халаси ахІенси эпизод инсценировать бирес;
- ирниличил яра белкІличил белчІунсила, аргъибсила чебкад сай-вегІси пикри бурес, белчІунси текстла бухІнабуц хІясибли (8 предложениелизибад цалабикибси) текст цалабирхъес, сай-вегІси текстлизир хатАаби белгидарили, дархъдирес;
- гъаладихъибти тАалабуни хІясибли белчІунсила чебкад халаси ахІенси отзыв (сай-вегІси пикри) лукІес;

- суратуни пайдаладарили текстани, белчІунси произведение хІясибли предложениеби цаладирхъес;
- гъаладихъибти белчІудилашалти масъулти хІясибли (жузла обложка, оглавление, аннотация, суратуни, гъалагъай, сноскаби ва ц.), дузахъес;
- гъалабихъибси список яра хъарбарни хІясибли сунела сунени белчІес жуз чеббуркІес, картотека пайдалабарили белчІунси жузла бухІнабуц чеббурес;
- гъаладихъибти белчІудилашалти масъулти ирзнилизир, чеимцІаси информация бурчнилизир справочный литература, Интернет пайдалабирес.

#### IV КЛАСС

БелчІудила курс руркънили, дусла ахирлис **авъибил классла** бучІанти бурсикабирахъу:

- адам гъалавахІ вашнилизир художественный литературала ва фольклорла къадри иргъес, делчІунти художественный произведениебазир алавчарси дунъяличиб ва Россиялизиб хІербирути жамигІятла гІяхІтигъунти гІядатуни, адамдешлашалти ва адаблашалти къиликъуни белгидирес, илдачи хъарихъес;
- белчІудиличи гъира, дучІути яра дурути литературала, фольклорла произведениебачи лехІбилзахъес иштятяхІ алкІан;
- белчІудилашалти масъулти хъулчили дурцули, ахъли ва чузи-саби бучІес; бучІнилизир бучІнила декІар-декІарти жураби (руркънила, тянишбирнила, хІялумцІлашалси, чеббуркІуси, чехІерудила) дузахъес;
- дугъби абзурли, дархъли ва хІурпри-биркІанти урхІедалтули, халати ахІенти (1 минутли 80 девлизирад цаладикибти) произведениела бутІни ва назмурти дучІес;
- белчІунси тематикала произведение хІясибли 5 назму уркІиличир дурес;
- художественное произведениелизибад цархІил текст белгидирес;

- художественное произведение ела ва назмула (ритм, рифм, къяй (строка)) хасдешуни белгидирес;
- произведение ела бухІнабуц чиди жанрлизи кабурхарал белгибирес; белчІунси аргъибси произведение ела бекІлибиубси мягІна белгибирес, текстани яра произведение би хІясибли кадатурти суалтас дархъти жавабти лугес;
- цацадехІ фольклорный жанра би белгидирес (хъярхъли дурути (скороговорки) багъира би, бурала би, халкъла далуйти, мицІирагличила, сихІрула, хъалибаргличила ва цархІилти хабурти), Россияла ва лебилра цархІилти дунъяла халкъла фольклорный произведение базира д мисалти дикес;
- текстла анализ бирес, илизиб тема ва бекІлибиубси мягІна, баркъудунала гъаб-гІергъидеш, бутІнала бархбас кабилзахъес;
- произведение базибти бутІакъянчибас характеристика лугес, илдала баркъудунала ва пикрумала бархбас кабилзахъес, бутІакъянчибачила баркъудунас бархъси къимат кабалтес ва сай-вегІси пикри бурес;
- хІергъути дугъбала мягІна текстла бухІнабуц хІясибли яра словарьла кумекличил белгибирес; текстлизир мисаллис пайдаладарибти гъарси ва чехибси мягІнализир дузахъути дугъби белгидирес, художественный произведение базир мез жагадарес дузахъути дугъби (эпитет, мешубуц, метафора, олицетворение, фразеологияла оборотуни (дугъбала цалабяхъуни)) текстлизир белгидирес;
- текстла художественный хасдешуни белгидирес, сунела гъайлизир бурала би, дугъбала цалабикуни (антонимти, синонимти, дахъал мягІнубар), мез жагадирути дугъби, пайдаладирес;
- касибти багъудлуми, дяркъурти терминти (автор, мораль, басня, литературный бутІакъянчи, персонажуни, характер, тема, идея, произведение ела у, произведение ела бухІнабуц, эпизод, бекІлибиубси пикри бухІнабуцибти бутІни, композиция, мешубуц, эпитет, олицетворение, метафора, лирика, эпос, образ) пайдаладирес;

- аргъибси ва белчӀунси произведениела чебкад саби-бегӀси пикри бурнилизир бутӀакъяндеш дирес; литературный мезла (орфоэпияла, пунктуацияла, дугъби дузахънила, грамматикала) тӀалабуни хьулчили дурцули ирничил яра белкӀичил монологуни ва диалогуни цаладирхъес; аргъибси яра белчӀунси текстла чебкад ирничил яра белкӀичил сай-вегӀси ахирла пикриличи вашес, текстлизирад мисалти дикули сай-вегӀси жаваб бархъси биъни, кабилзахъес;
- произведегниела бухӀнабуц хӀясибли план къантӀли (тӀинтӀли), чеббикӀили (бутӀакъянчибала шайзибад, хабар бурусила шайзибад барсбарили, хӀябъибил (ит, итини ва ц.) бяхӀлизиб бурес;
- гӀягӀниси мерличиб тӀама багълабирули (мягӀналасалси ударение кабалтули), ролани хӀясибли учӀес, произведениелизибад халаси ахӀенси эпизод инсценировать бирес;
- гъалабихъибси тема хӀясибли ирничил яра белкӀичил белчӀунси произведениела бухӀнабуц (сунела объёмлизир 10 предложение лерси) текст цалабирхъес, гъалабихъибси тема хӀясибли сочинение (пикри бурни, сипатбарни, хабар бурни бухӀнакайули) лукӀес;
- сай-вегӀси текстлизир хатӀаби дархъдирес, илала гъаб-гӀергъидеш, каргъни, мезлашалти хасдешуни пайдаладарни, кабилзахъес;
- гъаладихъибти тӀалабуни ва произведениела бухӀнабуц, суратуни, тӀабигӀятла яра цархӀилти лишанти хьулчили дурцули (10 предложение сунени духӀнадуцибси) текст цалабирхъес;
- белчӀудиласалти масъулти ирнлизир (жузла обложка, оглавление, аннотация, суратуни, гъалагъай, сноски, приложение ва ц.) дузахъес;
- гъалабихъибси список, хъарбарни хӀясибли гӀягӀниси жуз чеббуркӀес, картотека пайдалабарили белчӀунси жузла бухӀнабуц чеббурес;
- белчӀудиласалти масъулти ирнлизир, чеимцӀаси информация бурчнлизир справочный литература, Интернет пайдалабирес.

## ТЕМАТИЧЕСКОЕ ПЛАНИРОВАНИЕ

### I КЛАСС (15 с.)

№ п/п	Тема ва бучИнила материал	Программала бучИнабуц	Литература бучИахънилизир пайдаладирути методуни ва хИянчурбала жураби
1.	<p><b>Халкъла мухИлила пагьму (4 с.)</b></p>	<p>Хъалибаргличила, узи-уршиличила, арцантачила, мицИирагличила, ВатИайчила, адамтала саниГятуначила хабурти, назмурти, багъираби, буралаби ва айтуби.</p> <p>«ДекИарлира бархра» (Урусла халкълла хабар); Даргала халкъла хабурти: «Нешличи диги», «Имиалара эмХера», «Малла Насрединра хъулкнира», «ГИямултар гурда ва мехИур бецИ», «Житара вацара», «Къисла уста», «Шанчякара къянара», «Гегуг»; «Багъираби», «Буралаби».</p> <p><b>Классла дураб белчИес:</b> Курбанова А. «Алжанала варъа».</p> <p><b>Проектный хИянчи:</b> «Хабургани селичи бурсивиру?»</p>	<p>Суратуни хИердарахъес. Суратлизир се сарил чедаахъибти суалтачил белгидарахъес. Халкъла хабурти назмурти, багъираби, буралаби ва айтуби саркъахъили, <b>делчИахъес.</b> Илдазиб гъаргбируси бекИлибиубси мягИналичи ва темаличи дурхИнази пикри <b>бяхИчнаахъес.</b> Хабурти, назмурти, багъираби, буралаби ва айтуби чула чузи <b>делчИахъес,</b> илдала мягИнуби <b>гъаргдарахъес</b> ва саби-бегИси пикри <b>бурахъес.</b> Халати ва диштИати жанрабала произведениеби <b>цугдурцахъес,</b> илдазир мешудеш ва декИардеш белгидарахъили, <b>баяндарахъес.</b> Къиянти дугьбала мягИна <b>гъаргбарес,</b> мягИнализир цаличи ца гъамти дугьбачи пикри <b>бяхИчнаахъес.</b> Хабурти кИина-хИяйна <b>делчИахъес,</b> илдала мурад <b>аргъахъес</b> ва уркИиличиб чуни аргъибси <b>белжИахъес.</b> БекИлидиубти дугьбала кумекличил багъирабала мягИнуби <b>белгидирахъес.</b> Буралабала мягИнубала черкад бегИтачил барх <b>пикрибухъахъес,</b> илдани иргъахъути мягИнуби <b>белгидарахъес.</b> Чус гИяхИдизурти буралаби <b>черделжИахъес.</b> Жура-журала жанрабала произведениеби къантИли (тИинтИли), чердикИахъили <b>дурахъес.</b> Произведениела хасдеш хъулчилизи <b>бурцахъес,</b> илабти бутИакъянчибала баркъудуни мурт ва чинар кадиркулил, пикри <b>бяхИчнаахъес.</b> БекИлибиубти ва цархИилти бутИакъянчибас характеристика <b>бедахъес,</b> илдала баркъудунас <b>къимат кабатахъес.</b> «Хабургани селичи бурсивиру?» бикИуси темала чебкад планра</p>

			(дурхІнала кумекличил учительли) барили проектный хІянчиллизир бутІакьяндеш <b>дарахъес.</b>
2.	<b>ХІеб (4 с.)</b>	<p>ДурхІнала хІяз-хІузличила, баркъудуначила даргала халкъла ва цархІилти поэтунала, писательтала хабурти ва назмурти. ХІебла байрумти: «Майла 1,», «Майла 9».</p> <p>ГъазимяхІяммадов Г.-Б. «ХІеб»; ХІябибова Х. «АтхІеб»; ГІябдуллаев С. «Мусани кумекбариб»; МяхІяммадова Д. «Духуси ухъна»; БяхІяндов А.-Г. «Пашли саби памятник»; Рабаданов С. «Хъя»; Расулов М. «ХІебиалли, нура къумикІус»; ГІябдулманапова А. «ХІебла макъамти».</p> <p><b>УркІиличир дагъес:</b> ГазимяхІяммадов Г.-Б. «ХІеб»; БяхІяндов А.-Г. «Пашли саби памятник»; Рабаданов С. «Хъя».</p> <p><b>Классла дураб белчІес:</b> Даргала халкъла хабар: «ЭмхІера валрира».</p>	<p>Разделла у-личи пикри <b>бяхІчиаахъес</b>, суратуни <b>хІердарахъес</b>, ил разделлизиб селичил тянишбирулил, <b>бурахъес.</b></p> <p>Суратуназир чедаахъибти секІулти суалтачил, <b>белгидарахъес</b>, хІебла лишантачила <b>бурахъес.</b></p> <p>Назмурти ахъли ва саркъахъили, дугъбала мягІна иргъахъули, <b>делчІахъес.</b></p> <p>Суалтачил назмуртазир, хабуртазир гъай чичила ва селичила сарил, <b>белгидарахъес</b> ва дархъти жавабти <b>тІалабдарес.</b></p> <p>Текстани бутІначи <b>дуртІахъес</b>, илдачи далдиркути уми <b>пикридарахъес.</b></p> <p>Суратуни пайдаладарахъили, хІеблизиб халкъ сегъунти хІянчурбази ихъилил, къантІси хабар <b>цалабяхъяхъес</b> ва <b>белкІахъес.</b></p> <p>Назмуртала бекІлибиубси тема ва мягІна <b>белгибарахъес</b>, илди уркІиличир <b>дагъахъес.</b></p> <p>Къиянти дугъбала мягІна <b>гъаргбарес</b> ва мягІнализир цаличи ца къаршити дугъбачи пикри <b>бяхІчиаахъес.</b></p> <p>ВатІанничи диги, даршудеш биубли дигни иргъахъути назмурти, хабурти <b>делчІахъес</b>, илдачила саби-бегІси пикри <b>бурахъес</b> ва чула чузи кымат <b>кабатахъес.</b></p> <p>Произведениебазир кадиркути баркъудунас, анцІбукъунас, бутІакьянчибас характеристика <b>бедахъес</b>, поэтический ва прозаический произведениебала хасдешуни <b>белгидарахъес.</b></p> <p>БелчІудилашалти художественный, гІилмула ва цархІилти текстани цугдурцахъес, илдала мешути ва декІардулхъути лишанти <b>белгидарахъес.</b></p>
3.	<b>Ну ва дила юлдашуни (3 с.)</b>	<p>ДурхІнала гІямруличила, илдала баркъудуначила, саби-ургаб, баркъ-бацлизиб, белчІудилизиб, хІяз-хІузлизиб бархбалгниличила масхарала назмурти ва</p>	<p>Разделлис бедибси у-ла мягІна <b>баянбарес.</b></p> <p>Назмурти, хабурти <b>делчІахъес</b>, илдала бухІнабуц хІясибли, темаби ва бекІлидиубти мягІнуби <b>белгидарахъес.</b></p> <p>Гъар сагаси тема хІясибли, дурхІнала</p>

		<p>хабурти. Гябдуллаев С. «Наб дигахъис», «Уршби»; Кьурбанова Г. «Жавгъар абала къапу», «Буслус»; Даргала халкъла хабар: «ХІябал гьалмагъ»; Чуковский К. «Умудеш – чархла арадеш»; Гябдулманапова А. «Байрамла байрумти».</p> <p><b>УркІиличир дагъес:</b> Чуковский К. «Умудеш – чархла арадеш».</p> <p><b>Классла дураб белчІес:</b> Даргала халкъла хабар: «Гурдара къакъбара».</p>	<p>гъала суалти <b>тІашдатес</b> ва дархъти жавабти <b>тІалабдарес</b>. Хабуртазир кадиркути анцІбукъуначила, дурхІнала баркъудуначила, саби-ургаб, баркъ-бацлизиб, белчІудилизиб, хІяз-хІузлизиб бархбалгниличила саби-бегІси пикри бурахъес ва бархъси кьимат <b>кабалтахъес</b>. Къиянти дугъбала мягІна <b>гъаргбарес</b>, илдачи мягІнализир цаличи ца гьамти яра мягІнализир цаличи ца къаршити дугъби <b>пикридарахъес</b>. Произведениебазибти бекІлибиубти бутІакъянчибала куц-кабизличи, хІял-тІабиГІятличи пикри <b>бяхІчиаахъес</b>. ДелчІунти хабуртала план <b>барахъес</b>: ил план хІясибли, илдала бехІбихъудлизиб се бетаурлил, селичила бурулил, ахир секъяйда таманбирулил, <b>баянбирахъес</b>. БучІантази «Кайзурси гьалмагъ» сегъуна сайли чейулил, гьалмагълизи чи, тьянишлизи чи халварес вирарал, чула пикри <b>бурахъес</b>. Текстаназир бутІакъянчибала хІял-тІабиГІят, куц-кабиз чедиахъути дугъби <b>дургахъес</b>. Текстани чула чузи <b>делчІахъес</b>, илдала бухІнабуц <b>чеббурахъес</b>. ЦацадехІ назмурти уркІиличир <b>дагъахъес</b>. Фольклорный ва художественный произведениебала жанраби белгидарахъес, илдала хасдешуначила <b>бурахъес</b>.</p>
4.	<p><b>Арцанти ва мицІираг – нушала гьалмагъуни (4 с.)</b></p>	<p>ХІяйван-мицІирагличила, жанивартачила, арцантачила халкъла ва писательтала хабурти, назмурти ва басняби. Даргала халкъла хабурти: «Житала дурхІя», «Гурдара хурира», «ЭмхІера валрира»; Кьурбанова Г. «Гежба»; Толстой Л. «Арсланра вацара», «КІанрара сунела дурхІнира»; Ушинский К. «БерхІи ва зурхІяб», «ГІяра ва къядга»; ГІямаров С. «Арцанти»; МуртазаГІялиев</p>	<p>Разделла у-личи пикри <b>бяхІчиаахъес</b>, илизиб селичила бурули саби или гъанбиркулил, чула пикри <b>бурахъес</b>. Суратуни <b>хІердарахъес</b>, илар се сарил чедаахъибти суалтачил белгидарахъили, <b>баяндарахъес</b>. Халкъла хабурти сегъунти журала дирарал, <b>гъанбикахъес</b>. МицІирагличила, бекІахъудила, Малла Насрединничила ва цархІилти хабуртала бекІ мягІна <b>баянбарахъес</b>. Л. Н. Толстойли белкІунси «КІанрара сунела дурхІнира» бикІуси басняла бекІлибиубси мягІна <b>аргъахъес</b>, илаб муракъянабачи бакІибти дурхІнала ряхІму агни <b>кабизахъес</b>.</p>

		<p>А. «ЧатІа»; ХІябибова Х. «ДурхІнала далай».</p> <p><b>УркІиличиб багъес:</b> ХІябибова Х. «ДурхІнала далай».</p> <p><b>Проектный хІянчи:</b> «Дила биштІаси мицІирагличила хабар» бикІуси темала чебкад хабар цалабахъяхъес (бегІгала кумекличил яра учительла).</p>	<p>Текстла бекІлибиубси мягІна белгибарес, произведение ва илала бухІнабуц <b>цугбуцахъес.</b> Произведениелизибти бутІакъянчибас, илдала баркъудунии хъулчили дурцахъули, характеристика <b>бедахъес</b> ва кымат <b>кабатахъес.</b> Халкъла хабурталара баснябалара ургаб сегъуна мешудеш ва декІардеш лебал белгибарахъили, <b>бурахъес.</b> Назмурти кІина-хІяйна <b>делчІахъес,</b> иларти чатІни, къабулданти ва цархІилти арцанти дусла чиди заманализир дирарал саби-бегІси пикри <b>бурахъес.</b> Къиянти дугъбала мягІна <b>гъаргбарес.</b> Хабуртазир, назмуртазир мягІнализир цаличи ца гъамти яра мягІнализир цаличи ца къаршити дугъби <b>даргахъес,</b> илдачил чумал предложение <b>пикридаргахъес.</b> Суратуни пайдаладаларахъили, хабурти <b>цаладахъяхъес.</b> Хъа ва цархІилти мицІирагла историяличила, илдас бареси къуллукъличила саби-бегІси пикри <b>бурахъес.</b> Назмурти уркІиличир <b>дурахъес</b> ва проектный хІянчиллизир гъариллизи бутІакъяндеш <b>дарахъес.</b></p>
--	--	---	---

## II КЛАСС

(жумягІлизир 1 с., дуслизир 34 с.)

№ п/п	Тема ва бучІнила материал	Программала бухІнабуц	Литература бучІахънилизир пайдаладирути методуни ва хІянчурбала жураби
1.	<b>ДуцІрум гъандирка-хъехІе (3 с.)</b>	<p>ДуцІрум дурхІнала баркъ-бацличила, илдани халатас, гъамтас барибси кумекличила, чедаиб-дакъибтачила, хІязаначила, дуцІрумла лишантачила назмурти ва хабурти. ДурхІнала дуцІрумла тІабигІятличи, духълумачи, мицІирагличи чехІерудиби. ДуцІрумличила халкъла буралаби ва багыраби.</p>	<p>Назмурти ва хабурти, чула мягІна иргъули, хатІа хІебирули, хІяжатси мерличиб тІама багылабирули ва ахъбирули, <b>делчІес.</b> Назмуртазиб ва хабуртазиб сегъуна манзил сипатбариллил, дуцІрумла сегъунти лишанти чедаахъилил, <b>белгибарахъес.</b> Назмуртазир мез жагадирути дугъби <b>белгидирахъес,</b> илдала мягІна гъаргбарахъили, <b>баянбарахъес.</b> ДуцІрумличила декІар-декІарти поэтунала назмурти <b>цугдуцахъес,</b> илдала тема ва бекІлибиубси мягІна</p>

		<p>Рабаданов С. «ДуцІрум»; Рашидов Р. «Дигахъис дуцІрумла заб»; Даргала халкыла хабар: «Шула»; БяхІямГІялиев М.-Ш. «Каникулти»; ГІямаров Р.-ГІ. «КІанри»; ГІялибеков Б. «ДуцІрум дубурличиб».</p> <p><b>УркІиличир дагъес:</b> Рабаданов С. «ДуцІрум».</p> <p><b>Классла дураб белчІес:</b> Хабиб К. «АнкІила кыякъ».</p>	<p>белгибарахъили, <b>баянбарахъес.</b> ДуцІрум дурхІнала баркъ-бац, кумек, хъа ва дугІла мицІраглис кьуллукъбирниличила ва цархІилти баркъудлумачила, <b>бурахъес.</b> Чула чузи назмуртачи суалти <b>кадалтахъес.</b> Суалтас къантІли яра тІинтІли дархъти жавабти <b>тІалабдирес.</b> Чула чузи текст <b>белчІахъес.</b> Текстлис бедибси у хІясибли, илала бухІнабуц <b>белгибарахъес.</b> С. Рабадановла «ДуцІрум». бикІуси назму уркІиличиб <b>бурахъес.</b> Назмулизиб тема ва бекІлибиубси мягІна <b>белгибарахъес.</b></p>
2.	<b>Мургъила гІебшни (3 с.)</b>	<p>ГІебшнила тІабигІят сипатбирути хабурти ва назмурти. ГІебшнилизиб адамтала бузериличила, халатас дурхІнала кумекличила, илдала хІязаначила ва шадибгъундурачила хабурти ва назмурти. ГІебшнилизир чехІерудиби дузахъни. «ГІебшнила вацІа» бикІуси тема хІсибли, экскурсия дураберкІни. Рашидов Р. «Мургъила гІебшни», «ГІебшни вацІализиб»; Адамадиев Р. «ГІебшни»; ГІялиев ХІ. «Яниличи хІядурдеш»; МяхІяммадов И. «ГІебшни арцанти».</p> <p><b>УркІиличир дагъес:</b> Рашидов Р. «Мургъила гІебшни».</p> <p><b>Классла дураб белчІес:</b> Юсупов Х. «Гардла далай».</p>	<p>Назмурти саркъахъили, ирнилашалти ва орфоэпиялашалти багъудлуми пайдаладирахъули, <b>делчІахъес.</b> Назмуртала бекІлибиубси мягІна <b>белгибарахъес.</b> ГІебшни тІабигІятлизир кадиркути дарсдешуни белгидарахъили, <b>баяндарахъес.</b> ГІебшни селичирли давлачертил, <b>бурахъес.</b> Произведениебазир кадиркути анІбукъуначила, цІедешли лугуси пайдаличила, мицІраглис бируси кьуллукъличила, адамтала баркъ-бацличила, илдала хІулкІудешличила <b>бурахъес.</b> «АтхІеб бегІунси бирар гІебшни башуси» ибси буралала мягІна гъаргбарахъили, <b>баянбарахъес.</b> ГІебшниличила декІар-декІарти поэтунала назмурти <b>цугдурцахъес.</b> «Дунъя ма бикІуси замана» ибти дугъбала мягІна <b>баянбарахъес.</b> Чули далути буралаби хьулчили дуцахъили, буралаби <b>цаладяхъяхъес.</b> Сурат хІясибли, планра барили, хабурти <b>цаладяхъяхъес.</b> Рашидов Р. «Мургъила гІебшни» бикІуси назму уркІиличиб <b>багъахъес.</b> Назмуличи суалти чула чузи <b>кадатахъес.</b> Произвениела тема ва бекІлибиубси мягІна <b>белгибарахъес.</b> Произвениела жанр <b>белгибарахъес,</b> илала хасдеш гъаб-гІергъидеш <b>кабизахъес,</b> мез жагадирути дугъби <b>белгидарахъес.</b></p>

			Жура-журала жанрабала произведениеби <b>цугдурцахъес</b> . Произведениела у-ли иргъахъуси мягІна <b>баянбарахъес</b> .
3.	<b>МицІираг ва арцанти – нушала юлдашуни (3 с.)</b>	<p>Хъа ва дугІла мицІирагличила, арцантачила хабурти, назмурти, буралаби ва багъираби. Адамтала къайгъичебдеш, диги, къияндикибхІели кумек, гьалмагъдеш чедиахъути произведениеби.</p> <p>ГІялибеков Б. «ТанбихІ»; Даргала халкъла хабар: «Нешла диги»; Къурбанов ХІ. «Синкара бецІра»; БяхІяндов А.-Г. «Шанчяка»; Къурбанова ГІ. «КъутІкъутІ»; БяхІяммадов Р. «Таргъа».</p> <p><b>УркІиличиб багъес:</b> Къурбанова ГІ. «КъутІкъутІ».</p> <p><b>Классла дураб белчІес:</b> Даргала халкъла хабар: «ЭмхІе ва арсланкъаплан».</p> <p><b>Проектный хІянчи:</b> «Нуша гьалмагъдешли сарра цІакъдиахъубти».</p>	<p>Произведениела мягІна белгибарили, <b>баянбарахъес</b>.</p> <p>Текстла бекІлибиубси мягІна <b>белгибарес</b>; произведениела бухІнабуцра бекІлибиубси мягІнара <b>цугдуцахъес</b>.</p> <p>Произведениебазир иргъхІергъути дугъби <b>даргахъес</b>, илдада мягІна <b>гъаргбарахъес</b>, илдачи синонимти ва антонимти <b>пикридарахъес</b>, дугъбала мягІнубазибси декІардеш белгибарахъили, <b>баянбарахъес</b>.</p> <p>Поэзиялара прозалара хасдешуни белгидарахъили, <b>баяндарахъес</b>.</p> <p>БелчІунсила бухІнабуц къантІли ва тІинтІли чеббурни, <b>тІалаббирес</b>.</p> <p>БиркІанти хІясибли бучІниличибад дуб-дублиабзурли, дугъби хІясибли мягІна иргъули, бархъли, саркъахъили бучІни, <b>тІалаббирес</b>.</p> <p>Автортани хъа ва дугІла мицІирагличи, арцантачи диги, къияндикибхІели кумек, гьалмагъдеш чедиахъни белгибарили, <b>чебаахъес</b>.</p> <p>Мез жагадирути дугъби <b>даргахъес</b>, илдада гъарси ва чехибси мягІна <b>белгибарахъес</b>.</p> <p>Текстла бухІнабуц хІясибли, сай-вегІси пикри <b>бурахъес</b>, геройла баркъудлумас характеристика бедлугахъес <b>бурсибарес</b>.</p> <p>БелчІунси произведениела чебкад халаси ахІенси монолог <b>цалабахъяхъес</b>.</p> <p>Суратуни пайдаладирахъули произведениела бухІнабуц, <b>чеббурахъес</b>.</p> <p>Къ. Мигърабов «Мукъара» бикІуси назму уркІиличиб <b>багъахъес</b>.</p> <p>Чула хъулир лерти хъа мицІирагличила, къантІли <b>белкІахъес</b>.</p> <p>«Нуша гьалмагъдешли сарра цІакъдиахъубти» бикІуси тема хІясибли, проектный хІянчиллизир бутІакъяндеш <b>дарахъес</b>.</p>
4.	<b>Азадси бузери – разидешла бехІбихъуд (3 с.)</b>	<p>Бузериличила чебяхІдешличила, декІар-декІарти санигІятуначила ва хІянчурбачила, Бузериличила чебяхІдешличила, пайдаличила бурути</p>	<p>Назмурти мягІна иргъахъули, саркъахъили <b>делчІахъес</b>. Илдазир иргъхІергъути дугъби белгидарахъили, мягІнуби <b>баяндарахъес</b>.</p> <p>Поэзиялизир автортани пайдаладирибти мез жагадирути дугъби <b>белгидарахъес</b>, илдада мягІнуби гъаргдарахъили,</p>

		<p>назмурти, хабурти, буралаби, багъираби. Рашидов Р. «Тракторист»; Гялибеков Б. «ХъубяхИрумала байрам»; ГяхИмадов А.-Б. «ВиштIал кумекчи»; Даргала халкъла хабар: «Дий хIед, Баху»; Расулов М.-Р. «СихИрула дарман».</p> <p><b>Классла дураб белчIес:</b> Курбанова А. «КИилизанти».</p>	<p><b>баяндарахъес.</b> Чули белчIунси произведениела хасдеш, мурад, каргъни, мез жагадирути дугъби белгидарахъили, <b>баяндарахъес.</b> БелчIунсила бухIнабуц хIясибли, суалти <b>кадалтес</b> ва дархъти жавабти <b>тIалабдирес.</b> Автортани произведениебазир адамтала бузери, илдала чебяхIдеш чедиахъни, <b>чебаахъес.</b> Произведениебала тема, идея ва бекIлибиубси мягIна белгибарахъили, <b>баянбарахъес.</b> БелчIунси произведениела бухIнабуц хIясибли, сай-вегIси пикри <b>бурахъес,</b> илис бархъси къимат <b>кабалтахъес,</b> дурхIни <b>бурсибарес.</b> БучIантас сегъуна санигIятуни гIяхIдилзанал, чуни адамтала сегъунти санигIятуни далал, къантIли чула пикри <b>белкIахъес.</b> «<i>Чи узхIевзалра, ил укхIевкар</i>» ибсила мягIна <b>белгибарахъес</b> ва чузира санигIятличил, бузериличил, адамтачил, кумекличил дархдасунти багъираби, буралаби <b>пикридарахъес</b> (бегIтала кумекличил).</p>
5.	<p><b>ДурхIнала гIямру ва баркъудлуми (2с.)</b></p>	<p>ДурхIнала хъайгIирти, школализирти ва дурарти гIямруличила, илдала саби-ургарти гIямрула бархбасуначила, гьалмагъдешличила, барсур кумекличила, декIар-декIарти хIяланачила назмурти ва хабурти. ГябдуллатIипов И. «Мурадла галга»; КъадибяхIяммаев А. «Суранна киса»; Рашидов Р.«Аминатла жита»; Гябдулмананова А. «ГIярмиц ветарус»; Къурбанова ГI. «Хала нешра ВяхIидра»; Рашидов Р. «Гьалмагъдеш», «Чилилра балхIебала».</p> <p><b>Классла дураб белчIес:</b> Рабданов С. «Солдат».</p>	<p>УркIила хIял иргъахъули ахъли назму <b>белчIахъес.</b> <i>Гьалмагъ, гьалмагъдеш, цалис цали кумекбирни, уркIецIибирни</i> ибти дугъбала мягIна дурхIнани сен-сен иргъулил, <b>бурахъес.</b> <i>ГIяхIси</i> ва <i>вайси</i> ибти дугъби чула мягIнализир селичирли декIардулхъулил, делчIунти произведениеби хIясибли яра гIямрулизир къаршидиркути баркъудуни хъулчили дуцахъили, идала мягIнуби <b>белгидарахъес.</b> ДурхIнала баркъудуни ва гIямру <b>цугдуцахъес,</b> илди <b>бурсибарес</b> чула ва цархIилтала баркъудунас саби-бегIси къимат <b>бедлугахъес.</b> Гъарли-марти гьалмагъуни сегъунти биес гIягIнитил яра чула юлдашличила саби-бегIси пикри къантIли, <b>белкIахъес.</b> Хабуртазир гъав ахъбирахъути эпизодуни <b>белгидарахъес.</b> Текстла план цалабирхъяхъес, план хIясибли белчIунсила бухIнабуц <b>чеббурахъес,</b> илала тема ва бекIлибиубси мягIна белгибарахъили,</p>

			<p><b>баянбарахъес.</b>  Гьалмагъдешличила чуни далути багъираби, буралаби <b>гьандикахъес</b>, произведениела бухІнабуц буралабачил <b>цугбурцахъес.</b>  Чузир дукелщІи алІахъути хабурти <b>цаладирхъяхъес</b>, хабурти ва назмурти <b>цугдурцахъес</b>, илдазир мешубуц ва олицетворение <b>бургахъес.</b></p>
6.	<b>Цуба яни – дурхІнала хІулбукІри (3 с.)</b>	<p>Янила тІабигІятличила, илала лишантачила, вацІаличила, шараличила, хІеркІличила, адамтала бузериличила, мицІирагла гІямруличила, дурхІнала хІязаначила, назмурти, хабурти, буралаби, багъираби.  Сагаси дуслис гьунибаъниличила хабурти. Янилизир чехІерудиби дузахъни. Янила тІабигІятлизи экскурсия. БяхІяммадов Р. «Яни»; Къурбанов ХІ. «Миъла кІялгІя»; Рашидов Р. «БакІили саби яни», «ДяхІила удир арцанти»; ГІялиев ХІ. «ДяхІили урзули саб», «Чякнала кІабатІ».  <b>УркІиличир дагъес:</b>  Рашидов Р. «БакІили саби яни».  <b>Классла дураб белчІес:</b>  Абдулмананова А. «Гурдара кІел мукъарара».</p>	<p>Чус гІяхІбилзуси текст ахъли ва саркъахъили, <b>белчІахъес.</b>  «Цуба яни – дурхІнала хІулбукІри» – бикІуси разделлизи сегъунти произведениеби кадерхурлил, <b>белгибарахъес.</b>  Текст <b>белчІахъес</b>, абзур дугъби хІясибли мягІна иргъули, бучІнила темп хъярхъбирахъули ва багълабирахъули.  Назму саркъахъили ва ахъли <b>белчІахъес</b>, илизир янила тІабигІят сипатбирнила лишанти произведениела бухІнабуцлици хъарихъахъули, <b>дурахъес.</b>  Назмуртазир мез жагадирути дугъби (эпитетуни, мешубуцуни, олицетворениеби) <b>белгидарахъили, баяндарахъес.</b>  Яниличила гъайдикІути багъираби <b>делчІахъес</b>, илдас жавабти тІалабдарес ва буралабала мягІна <b>гъаргбарахъес.</b>  Р. Рашидовла «БакІили саби яни» бикІуси назму уркІиличиб <b>багъахъес.</b>  Сагал дусла замана дурхІнани се бирули бирарал, секъяйда замана дурабуркІули бирарал, иличила хабар <b>цалабяхъяхъес</b> ва <b>бурахъес.</b>  Жура-журала жанрабала халкъла произведениеби <b>цугдуцахъес</b>, илдазир мезлашалти ва цархІилти хасдешуни, белгидарахъили, <b>баяндарахъес.</b></p>
7.	<b>Хъалибарг ва школа (3 с.)</b>	<p>Хъалибаргличила, узи-уршиличила, школаличила, халаталара биштІаталара ургарти бархбасуначила назмурти хабурти, буралаби ва багъираби.  Рашидов Р. «Шула», «ВакІи хІу набчи гІяхІлад», «Суратунала уста»; ЧІянкІаева Л. «Шула кьимат»; ХІусейнов И. «Нешлис</p>	<p>Назмурти саркъахъили, ахъли <b>делчІахъес</b>, хъалибаргла ва дурхІнала суратуни сипатдирнилизир авторла гъав (настроение) <b>ахъбиахъес</b> чехибси мягІнализир пайдаладарибти ва мез жагадирути дугъби <b>даргахъес.</b>  Произведениебала тема ва бекІлибиубси мягІна <b>белгибарахъес.</b>  Произведениебазир къаршидиркути къияндулхъути дугъбала мягІнуби, баянбируси словарьла яра бучІнила жузла кумекличил, <b>гъаргдирахъес.</b>  Гъарил дурхІялизи сунела</p>

		<p>савгъат»; Ражабов ГІ. «Дила виштІаси узи».</p> <p><b>Проектный хІянчи:</b> «Дила школьный гІямру».</p>	<p>хъалибаргличила, узи-уршиличила, школаличила, халаталара биштІаталара ургарти бархбасуначила, делчІунти произведениебазирад касибти багъудлума пайдаладарахъили, къантІли <b>бурахъес</b>.</p> <p>Художественный текст мягІна иргъахъули, <b>белчІахъес</b>, илала план <b>барахъес</b>, планничи хъарихъахъули, илала бухІнабуц тІинтІли <b>чеббурахъес</b>.</p> <p>Чула чузи хъалибаргличила, узи-уршиличила, халаталара биштІаталара ургарти бархбасуначила гъайдикІути хабурти, буралаби <b>делчІахъес</b>, илдала мягІнуби <b>гъаргдарахъес</b>, чузира – <b>пикридарахъес</b>.</p> <p>«Дила школьный гІямру» бикІуси проектный хІянчиллизир бутІакъяндеш <b>дарахъес</b>.</p> <p>Чула ва цархІилтала баркъудунас кымат <b>кабалтахъес</b> бурсидешуни <b>акІахъес</b>.</p>
8.	<p><b>Цараллис гІяхІбарес дигни ва хІурмат-бирни (3 с.)</b></p>	<p>Адамла вайтира гІяхІтира баркъудуначила, инсап-хІяяличила, хІурмат-хатирличила, зягІиптачи ва ахъриагартачи уркІецІичебдешличила, дубуртала гІядатуначила назмурти, хабурти, буралаби ва багъираби.</p> <p>КъадибяхІммаев А. «Ламус»; ГІяхІмадов А.-Б. «Хала дудешлис кумек»; Рашидов Р. «ГІяяркъянала хабар»; Даргала халкъла хабурти: «Хала дудешра уршила уршира», «Вайнукъала ахир»; ГІябдулманапова А. «Закличиван хІялалли».</p> <p><b>Классла дураб белчІес:</b> Даргала халкъла хабар: «ЦІуба гІяргІя».</p>	<p>«Цараллис гІяхІбарес дигни ва хІурматбирни» <b>бикІуси</b> разделлизи кадерхурти произведениебизир селичила бурулил, гъалахили шакбикахъести баркъудуни (ихтилат, суал-жавабтачил...) <b>дурадερКІес</b>.</p> <p>ДекІар-декІарти жанрабала произведениебала (хабуртала, очеркунала ва ц.) хасдешуни, тема, бекІлибиубси мягІна мисалти дикахъули, <b>баяндарахъес</b>.</p> <p>Ахъли белчІунси произведениела бухІнабуц <b>иргъес</b>, илала гъаб-гІергъидеш <b>кабилзахъес</b>.</p> <p>Произведениебазибти геройтала баркъудунас сай-вегІси кымат бедлугни, <b>тІалабирес</b>.</p> <p>УчІухІели текстлизир къаршидиркути иргъхІергъути дугъбала мягІнуби <b>баяндирес</b>.</p> <p>Хабурти ва цархІилти произведениеби <b>цаладирхъес</b>.</p> <p>Произведениела план <b>цалабирхъяхъес</b>.</p> <p>Дугъбала мягІнубачи пикри <b>бяхІчиияхъес</b>, илдала мягІнуби учителяла кумекличил <b>гъаргдирес</b>.</p> <p>Геройла гІяхІти ва вайти баркъудуни (гъайлис къяна хІейрни, хІялтІабигІятлизив гІяхІси, баркъудлумазив вархъси ва ц.) <b>белгидирахъес</b>, илдас кымат <b>бедлугахъес</b>.</p>

			<p>Текстла бутІни ролани хІясибли <b>дучІахъес</b>.</p> <p>Текстла мурад ва бухІнабуц текстлис бедибси у хІясибли, <b>кабилзахъес</b>.</p> <p>Текстла бухІнабуц хІясибли, кадатурти суалтас жавабти <b>тІалабдирес</b>.</p> <p>Текстла бухІнабуц (къантІли, тІинтІли, чеббикІили) <b>бурахъес</b>, илала тема ва бекІлибиубси мягІна белгибарахъили, <b>баянбарахъес</b>.</p> <p>Багъирабала, буралабала мягІнуби <b>баяндарес</b> ва чузира <b>пикридарахъес</b>.</p> <p>ДурхІнази чула неш-дудешлис сегъуна кумекбирул, къантІси хабар <b>белкІахъес</b>, хала дудешлис биалли, сегъуна къуллукъбирул, <b>бурахъес</b>.</p>
9.	<b>Халкъла мухІлила пагъму (3 с.)</b>	<p>Даргала ва Дагъиста цархІилти халкъанала дурхІнас хасдарибти хІязла далуйти мицІирагличила, арцантачила хабурти, масхарала хабурти, буралаби ва багъираби.</p> <p>Даргала халкъла хабурти: «Багъудичевси къади», «ЧатІа ва узби», «Баркалла», «Заб! Заб!», «Лагъа».</p> <p><b>Классла дураб белчІес:</b></p> <p>Даргала халкъла хабар: «ХІялалси дурхІя».</p>	<p>Халкъла хабурти ва назмурти саркъахъили, бучІухІели тІама ахъ-гІяшбирахъули, хъярхъбирахъули ва барсбирахъули дучІни, <b>тІалаббирес</b>.</p> <p>Халкъли хабуртазиб урехи, усалли чебиъни, гъабзадеш, урехиагни черяхІли чедиъни, гІямрулизирад мисалти дикахъули, <b>кабилзахъес</b>.</p> <p>Халкъла мухІлила пагъмула, мезлашалти хасдешуни, бекІлибиубси мягІна белгидарахъили, <b>баяндарахъес</b>.</p> <p>Халкъла мухІлила поэзиялизир, прозализир кадиркути анцІбукъунала чебкад сай-вегІси пикри <b>бурахъес</b>, илдас къимат <b>бедлугахъес</b>.</p> <p>Халкъла мухІлила поэзияла, прозала бухІнабуц хІясибли, суалти дархъли <b>кадалтес</b>, суалтас къантІти яра тІинтІти жавабти <b>тІалабдирес</b>.</p> <p>Назмурти <b>делчІахъес</b>, илдала темаби, бекІлидиубти мягІнуби <b>белгидарахъес</b>, илдазир чехибси мягІнализир пайдаладарибти дугъбала мягІнуби <b>баяндарахъес</b>.</p> <p>Халкъла багъираби, буралаби, назмурти хабурти <b>делчІахъес</b>, илдазиб селичила бурулил, илдала бекІлибиубси мягІна гъаргбарили, <b>кагахъес</b>.</p>
10.	<b>Россияла Армия (3 с.)</b>	<p>Февральла 23 ибси бархІи нушала Россияла армияла байрам биъниличила назмурти ва хабурти.</p> <p>Рашидов Р. «Солдат»; Огузов М. «Адамдешла къала НурбяхІяндов М.»; Зингер М. «Чила дурхІя»</p>	<p>Февральла 23 ибси бархІи нушала Россияла армияла байрам биъниличил, ВатІан балтахъантала бархІи биъниличила <b>бурес</b>.</p> <p>Даршудешла манзиллизир солдатунала гІямруличила ва баркъудуначила хабурти ва назмурти <b>делчІахъес</b>.</p> <p>Россияла армияли нушала ВатІан,</p>

		<p>сая?»; Карбышев Д. «Чедибдешла бехІбихьуд»; ГъазимяхІяммадов Г.-Б. «Ташли саби памятник».</p> <p><b>УркІиличиб багъес:</b> Огузов М. «Адамдешла къала НурбяхІяндов М.».</p>	<p>нушала дазурби, душмантази далтахъниличила, фашист гъармукабачибад сархибси чедибдешличила мисалти гІямрулизирад ва литературализирад дикахъули, <b>бурахъес.</b></p> <p>Россияла армияли фашист гъармукабачибад сархибси чедибдешличила дурхІна аргъести диштІати хабурти ва назмурти <b>делчІахъес,</b> илдала темаби ва бекІлидиубти мягІнуби <b>гъаргдарахъес.</b></p> <p>М. Огузовла «Адамдешла къала НурбяхІяндов М» бикІуси назму уркІиличиб <b>бурахъес.</b></p>
11.	<b>ХІеб (2 с.)</b>	<p>ХІеблизиб вацІаличила, дубуртачила, вегІла мер-мусала тІабигІятличила, адамтала бузериличила, дурхІнала хІяз-хІузличила, мицІирагла, арцантала гІямруличила назмурти, хабурти, буралаби ва багъираби. ХІебла байрумти: «Мартла 8», «Майла 1», «Майла 9», «ХъубяхІрумИ». Илдачила публицист статьяби, назмурти, диштІати хабурти. ХІеблизир чехІерудиби дузухъес.</p> <p>Расулов М.-Р. «Дубуртазир хІеб»; ГІябдулманапова А. «ХІеб»; Рашидов Р. «Мургъила хІеб, арцла хІеб», «Арцантас кумекбарая», «Чедибдеш»; ХІямидов М. «Гегуг»; Рабаданов С. «Нешана сар нушала...».</p> <p><b>УркІиличир дагъес:</b> Рабаданов С. «Нешана сар нушала...».</p>	<p>Чула чузи художественный текст <b>белчІахъес,</b> суалтас дархъти жавабти <b>тІалабдирес,</b> белчІунсила бекІлибиубси мурад <b>бурахъес,</b> илис саби-бегІси кымат <b>кабатахъес.</b></p> <p>Назмурти ахъли ва саркъахъили <b>делчІахъес,</b> илдазир мез жагадирути дугъби <b>белгидарахъес,</b> илдачи антонимти, синонимти <b>пикридирахъес.</b></p> <p>Назмуртазир ва хабуртазир хІебла тІабигІятла лишанти (вацІа, дубурти, вегІла мер-муса) секъйада чедаахъилил, илдала жагадеш чебаахъес пайдаладарибти дугъби <b>белгидарахъес.</b></p> <p>ХІебла байрумтачила («Мартла 8», «Майла 1», «Майла 9», «ХъубяхІрумачила») тІинтІси багъуди <b>тІалаббарес.</b></p> <p>ХІебличила буралаби <b>делчІахъес,</b> илдала бекІлибиубси мягІна <b>гъаргбарахъес,</b> чузира <b>пикридарахъес.</b></p> <p>С. Рабадановла «Нешана сар нушала...» бикІуси назму уркІиличиб <b>бурахъес.</b></p>
12.	<b>Ши ва шила гІямру (3 с.)</b>	<p>Шиличил ва ил алавси тІабигІятличил дурхІни тянишбарни. Шилизир дусла манзилти хІясибли дирути хІянчурбачила, илабти адамтачила, илдала бузериличила,</p>	<p>Ахъли, хъярхъли ва саркъахъили дугъбадли, гІягІниси мерличиб тІама ахъ-гІяшбирахъули, ирнила ва орфоэпияла багъудлума пайдаладирахъули, шиличила ва шила гІямруличила назмурти <b>делчІахъес,</b> илдазир тема ва бекІлибиубси мягІна</p>

		<p>саниГятуначила, бархбасуначила, шила тІабигІятличила, иларти гІядатуначила назмурти, хабурти, буралаби ва багъираби.</p> <p>Даргала халкъла хабар: «Дубурла ши»; ХІямидов М. «Дила ши»; ГІисаев М.-Ш. «БархІехъ дубуртала сипат»; ГІябдулманапова А. «Дигахъис бархІехъуни»; Мунги ГІяхІмад «Жагъти устнала далай»; Ибрагимов И. «Буркъунза», «ХъубяхІруми»; ГІялибеков Б. «ГІяхІялла дурхъадеш».</p> <p><b>Классла дураб белчІес:</b> Курбанов А. Х. «Алжанала варъа».</p>	<p><b>белгибарахъес.</b> Назмурти, хабуртазир адамтала бузери, бузериличи диги, дурхІнала хІяз-хІуз, мицІирагла, арцантала гІямру сегъунти лишантачил чедаахъилил, <b>баяндарахъес.</b> Поэзияла ва прозала мезлашалти хасдешуни <b>белгидарахъес.</b> Шиличила ва шила гІямруличила назмурти, хабурти <b>цаладяхъяхъес.</b> ДекІар-декІарти жанрабала произведениеби <b>цугдуцахъес,</b> илдала хасдешуни <b>кадилзахъес,</b> илдазир пайдаладарибти мез жагадирути дугъби (синонимти, антонимти, олицетворениеби) <b>белгидарахъес.</b> Произведениебазир къаршидиркути къиянти дугъбала мягІна <b>гъаргбарес.</b> Произведениебазибти бутІакъянчибала гъайличи чехІеруди <b>бузахъес,</b> илдала баркъ-бац <b>цугдурцес,</b> илдас кымат <b>бедлугес,</b> кабикибси анцІбукъличила сай-вегІси пикри <b>бурес.</b></p>
ІЗ.	<p><b>Дила ВатІан (2 с.)</b></p>	<p>Нушала ВатІайчила, шагъуртачила, шимачила, ВатІа ЧебяхІси дергълизиб сархибси чедибдешличила, ил дергъла Дагъиста игитуначила, илдала гъабзадешличила, бузерила гъабкъябачила назмурти, хабурти, буралаби ва багъираби. Экскурсия. «Нушала къакъа», «Нушала ши», «Нушала район».</p> <p>Адамадзиев Р. «ВатІан, хІед неш дикІулра»; СягІидов Т. «Се саби ВатІан?»; Къурбанов Р. «Дагъистан»;</p> <p>Муртазалиев ГІ. «ВатІан багъандан»; Даргала халкъла хабар: «Чедибдешла бархІи»; ГІяхІмадов М. «МяхІячкъала»; ГІисаев М.-Ш. «Даргала дурхІни».</p> <p><b>УркІиличир дагъес:</b> Адамадзиев Р.«ВатІан, хІед неш дикІулра»;</p>	<p>Произведениеби ахъли ва саркъахъили, тІама ахъ-гІяшбирахъули, хъярхъбирахъули ва барсбирахъули, <b>делчІахъес.</b> Художественный произведениебазиб автортани ВатІайчи диги, ЧебяхІси дергълизиб сархибси чедибдеш, ил дергъла Дагъиста игитунни, илдала гъабзадеш, бузерила гъабкъяби секъяйда чебаахъилил, <b>бурахъес.</b> Художественный произведениебазиб тема ва бекІлибиубси мягІна белгибарили, <b>чебаахъес.</b> Илабти бутІакъянчибала баркъудунас лайикъси кымат бедни, <b>тІалаббарес.</b> Назмуртазир чехибси мягІнализир дузахъути дугъбала мягІна <b>белгибарахъес,</b> илдачи антонимти, синонимти <b>пикридарахъес.</b> Чула чузи текст бутІначи <b>буртІахъес,</b> илаб бекІлибиубси мягІна <b>белгибирахъес,</b> чи-балра гъайулхъуси мерличив жагали <b>лехІбилзахъес,</b> текст пайдалабарахъили, илдани буруси гІеббурцахъес, чебирцІахъес, саби-бегІси пикри <b>бурахъес.</b> Р. Адамадзиев «ВатІан, хІед неш дикІулра»; Р. Къурбановла. «Дагъистан» бикІути назмурти уркІиличир <b>дурахъес.</b></p>

	Къурбанов Р. «Дагъистан». <b>Проектный хІянчи:</b> «9 май – Чедибдешла бархІи».	«9 май – Чедибдешла бархІи» бикІуси тема хІясибли проектный хІянчиллизир бутІакъяндеш дарахъес.
--	--	---

**III КЛАСС**  
(жумягІлизир 3с., дуслизир 34 с.)

№ п/п	Тема ва бучІнила материал	Программала бухІнабуц	Литература бучІахънилизир пайдаладирути методуни ва хІянчурбала жураби
1.	<b>ДуцІарти дуцІрум ва мургъила гІебшни (4 с.)</b>	ДуцІрумла ва гІебшнила лишанти чедиахъути назмурти ва хабурти. ДуцІрум ва гІебшни адамтала бузери, къайгъни ва хІяракат. Илзамана дурхІнала баркъ-бац, хІязани. Хъа ва дугІла мицІрагла, арцантала гІямруличила бурути назмурти ва хабурти. ГІябдуллаев С. «ДуцІарти дуцІрум»; Рашидов Р. «ДуцІрумла макъамти», «Къири», «Гъуршли сари дубурти»; ГъазимяхІяммадов Г.-Б. «ДуцІрум»; Къурбанова ГІ. «ХІекъдеш», «ГІела гІебшнила ванза»; Мажидов К. «ДиргІядиргиб»; ГІябдулмананова А. «Мургъила гІебшни», «ГІебшнила вацІа»; ГІялибеков Б. «ГІебшни вацІализиб»; Казиев Ш. «ГІебшни». <b>Уркіличиб багъес:</b> Казиев Ш. «ГІебшни». <b>Классла дураб белчІес:</b> Даргала халкъла хабар: «Гурдара гІежара».	Назмурти ва хабурти, чула мягІна иргъахъули, хатІа хІебирахъули, хІяжатси мерличиб тІама багълабирахъули ва ахъбирахъули <b>делчІахъес.</b> Илдала тема ва бекІлибиубси мягІна <b>белгибарахъес.</b> Назмуртазиб ва хабуртазиб сегъуна манзил сипатбарилл, дуцІрумла ва гІебшнила сегъунти лишанти чедаахъилл, <b>белгибарахъес.</b> ДуцІрум ва гІебшни дурхІнала баркъ-бац, кумек, хъа ва дугІла мицІраглис къуллукъбирни мисалтачил баянбарахъили, <b>кабизахъес.</b> Суалтас къантІли яра тІинтІли жавабти <b>лугес.</b> Назмуртазирти, хабуртазирти баркъудунас сай-вегІси къимат <b>бедлугес.</b> Назмуртазир мез жагадирути, чехибси мягІнализир дузахъути дугъби <b>белгидирахъес.</b> Сурат хІясибли, планра барахъили, хабар <b>цалабахъяхъес.</b> ГІебшни ва дуцІрум тІабигІятлизир кадиркути дарсдешуначила, гІебшни селичирли давлачертил, <b>бурахъес.</b> «ДуцІрум» ва «ГІебшни» – бикІути темаби хІясибли буралаби, багъираби <b>делчІахъес</b> илдала мягІнуби белгидарахъили, <b>баяндарахъес.</b>
2.	<b>Халкъла мухІлила пагъму (3 с.)</b>	Даргала ва Дагъиста цархІилти халкъанала мухІлила пагъла произведениеби: хІязла далуйти, буралаби ва багъираби мицІрагличила, сихІрула	Хабурти <b>делчІахъес</b> , илар гъай чичила ва селичила сарил, <b>белгибарахъес.</b> Хабуртазибти геройтала образуни <b>цугдурцахъес</b> , илдала хасдешуни, темаби ва бекІлидиубти мягІнуби, <b>белгидарахъес.</b> Хабуртазир кадиркути анцІбукъунас

		<p>ва бекІахъудила хабурти. Халкъла гІядатуни: билхъала, мекъла, гІяхІялдешла ва ц. Даргала халкъла хабурти: «ЭмхІела дукелци», «Гардла далай», «ГуглахІяй», «Булхъран ва ябу», «Зилпипи», «ХІябал гІяяркъяна», «Гъабзала ца гъай бирар», «ЦахІебалгунти гьалмагъуни», «ГІяббасила багъа», «Чедибдешла тур»; Даргала халкъла хІяз: «Мукеки, мукеки».</p> <p><b>Классла дураб белчІес:</b> Даргала халкъла хабар: «Хъубзарла пагъму».</p> <p><b>Проектный хІянчи:</b> «Къасбара, сегъуна-биалра хабар цалабахъес!»</p>	<p>къимат <b>бедахъес</b>. Хабарла бухІнабуц хІясибли суалти <b>кадалтес</b>, суалтас дархъти жавабти <b>тІалабдирес</b>. Ахмахдеш далтІути ва духудеш черяхІдирути мицІирагличила, сихІрула арцантачила (масхарала хабурти анекдотуни) <b>делчІахъес</b>. Чула жураби хІясибли сегъунти жураала хабурти дирарал, <b>гъанбикахъес</b>. Хабурти чичила сарил, хабуртазибтигъунти вагъигуни, жаниварти гІямрулизиб лебал яра агарал <b>бурахъес</b>. Назмусаркъахъили <b>белчІахъес</b>, илизир мез жагадирути ва тикрардикІути дугъби <b>белгидарахъес</b>. Халкъла багъираби, буралаби <b>делчІахъес</b>, илдазир селичила бурулил, <b>баянбарахъес</b>. «Къасбара, сегъуна-биалра хабар цалабахъес!» бикІуси. проектный хІянчилизира бутІакъяндеш <b>дарахъес</b>.</p>
3.	<p><b>ТІабигІят мяхІкам-барни – хІела гІямру жагадарни ва духъяндарни саби (3 с.)</b></p>	<p>Нуша-алавси тІабигІят: гъава, духълуми, хъа ва дугІла мицІираг, арцанти мяхІкамдирниличила, илдачи бирусиди хІерудиличила, къайгъибирниличила бурути назмурти ва хабурти. ТІабигІят мяхІкамбирнилизир биштІатала бутІакъяндеш. ТІабигІятла дарсдешуни сипатдирни. ГІябдулмананова А. «ТІабигІят наб дурхъаси»; Чигирик В. «Хяла мардеш»; ГІялибеков Б. «Игъес хІейубра», «Акулабачила хІушани се балулра?», «Лагъа», «Дельфинтани верцахъиб»; Рашидов Р. «Чякни»; Абакаров М. «ЧатІа»; БяхІяндов А.-Г. «Марси гьалмагъ»; Къурбанова ГІ. «Гъарилли – цаца галга», «Арцантас се кавлана?»; Атабаев М. «КІуркІурли чеббициб».</p>	<p>Хабурти ва назмурти <b>делчІахъес</b>, илар дугІла мицІирагла, арцантала образуни сен-сен чедаахъилил, <b>бурахъес</b>. Адамтали мицІираглис бирусиди къуллукъ, диги, гъамдеш, мицІирагли адматас лугусиди пайдаличила <b>бурахъес</b>. Хабуртазирти ва назмуртазирти гІяхІти къиликъуначи, баркъудлумачи пикри <b>бяхІчиаахъес</b>. Хабуртазиб тІабигІят сипатбирути мерани <b>белгидарахъес</b>. Авторгани чула произведениебазир дурхІнала адматачи, мицІирагличи диги, къуллукъ, халатас кумекбирни, биштІатани халатала хІурматбирни секъяйда чедиахъулил, <b>баянбарахъес</b>. Илдала баркъудлумас къимат <b>кабатахъес</b>. Хабуртазиб ва назмуртазиб бекІлибиубси мягІна ва тема <b>белгибарахъес</b>. «ТІабигІят мяхІкамбирни – хІела гІямру жагадирни ва духъяндирни» бикІуси тема хІясибли, проектный хІянчилизира бутІакъяндеш <b>дарахъес</b>. Адамтала хІял-тІабигІятличила, баркъбацличила, хъа ва дугІла мицІирагличила багъираби, буралаби <b>пикридарахъес</b>, илдала мягІна <b>баянбарахъес</b>.</p>

		<b>Проектный хІянчи:</b> «ТІабигІят мяхІкамбирни – хІела гІямру жагадирни ва духІяндинри».	
4.	<b>ДурхІнала гІямру ва баркъуд-луми (3 с.)</b>	<p>ДурхІнала баркъ-бацличила, белчІудилизиб къайгІиличила, бузерилизиб, ватІангІебси хІяракатлизиб илдала пайдаличила. Халатас бируси кумекличила, даргала дурхІнала сари-ургати ва цархІилти халкъанала дурхІначилти гІалмагІешличила ва даршудешла бархбасуначила назмурти, хабурти, публицистикалашалти статьяби.</p> <p>Даргала халкъла хабар: «ГІямултар гІяхІял»; Осеев В. «ХІурматбирнила къяйда»; МигІрабов Къ. «Дила урчи биалри»; ГІябдул Ф. «Камал»; Садуев М. «Бибшибси къуруш»; ГІялибеков Б. «Троллейбусличиб», «Сагал дус; Рашидов Р. «Каникултачив», «КІялгІнала никІа устни»; ГІялиев ГІ. «Ну уруххІейубра»; «КъадібяхІяммаев А. «ХІяка каса», «Марли, набчибрира гІяйиб?»».</p> <p><b>Классла дураб белчІес:</b> Алиев Н. «Чяка».</p>	<p>АхІли ва саркъахІили, ирнила ва орфоэпияла багІудлуми пайдаладирахІули, хІяжатси мерличиб тІама гІяш-ахІбирули, произведениеби <b>делчІахІес</b>.</p> <p>Произведениела бухІнабуцра, илала ура <b>цугдуцахІес</b>. Произведениелизибти геройтала баркъудунала анализ <b>барахІес</b>, илдала баркъ-бацла чебкад саби-бегІси пикри <b>бурахІес</b>.</p> <p>Мез жагадирути дугІбира дузахІули, къантІли произведениела бухІнабуц <b>чеббурахІес</b>.</p> <p>Произведениелизиб гІяжатси мер <b>чеббуркІахІес</b>.</p> <p>ДурхІнала гІямруличила, илдала баркъудуначила (гІаннала даргала ва ДагІиста машгІурти поэтунала, писательтала), Н Алиевла «Чяка» бикІуси ва цархІилти произведениеби <b>делчІахІес</b> (классла дурар). Произведениелизибти геройтала баркъудуначила яра дурхІнала гІямруличила, чебаиб-бакІибсилличила къантІси бурсибирнила тяхІярла (сочинение) <b>белкІахІес</b>.</p> <p>ДурхІнала баркъ-бацличила, белчІудиличила, бузериличила багІираби, буралаби (бегІтала кумекличил) <b>пикридарахІес</b>.</p>
5.	<b>Бузери – разидеш, давла ва талихІ (4 с.)</b>	<p>Бузерила гІабкъябачила, сабухІебси бузериличила, декІар-декІарти санигІятуначила, даргала мургІи-арцла ва цархІилти устначила назмурти, хабурти, публицистикалашалти статьяби, буралаби ва багІираби.</p> <p>Даргала халкъла хабар: «НикІа уста»; Рашидов Р.</p>	<p>АхІли белчІунси произведениела мягІна <b>иргІес</b>.</p> <p>Бузери ибсила мягІна сен-сен иргІулил, гІямрулизиб илала къадри сегІуна сабил, саби-бегІси пикри <b>бурахІес</b>.</p> <p>Произведениебала тема ва бекІлибиубси мягІна <b>белгибарахІес</b>.</p> <p>Произведениела бухІнабуц багІирабала, буралабала бухІнабуцличил <b>цугбуцахІес</b>.</p> <p>Хабарла план <b>цалабяхІяхІес</b>.</p> <p>Назмурти ва хабурти <b>цугдуцахІес</b>.</p>

		<p>«Гъари, къялкъя, гъакІбухъен», «Муъминат»; ГІяхІмадов А.-Б. «Ванза»; МуртазагІялиев ГІ. «Къую»; МяхІяммадов Р. «Хала дудешла санигІят»; ГІялибеков Б. «Даргала бузерила гІядатла далай Жуллак»; ГІямаров Р-ГІ. «Марайси букІун»; ХІясанов И. «Гъачам хІеркІла дублаб».</p> <p><b>УркІиличиб багъес:</b> Рашидов Р. «Гъари, къялкъя, гъакІбухъен».</p> <p><b>Классла дураб белчІес:</b> Зульпукаров З. «Ятим».</p>	<p>Произведениебала бухІнабуц (тІинтІли, къантІли, чеббикІили) <b>бурахъес</b>, илала тема ва бекІлибиубси мягІна <b>белгибарахъес</b>.</p> <p>Произведениебазибти бутІакъянчибас характеристика бедлугнилизир мез жагадирути дугъби (синонимти, антонимти, мешубуцуни) <b>пайдаладирахъес</b>.</p> <p>Хабарлис план <b>цалабахъяхъес</b>.</p> <p>Р. Рашидовла «Гъари, къялкъя, гъакІбухъен» бикІуси назму уркІиличиб <b>бурахъес</b>.</p>
б.	<b>СихІрула яни (3 с.)</b>	<p>Янила лишанти чедиахъути назмурти ва хабурти. Яни адамтала бузери, хъа ва дугІла мицІирагла, арцантала гІямру. Илдачила халатала ва биштІатала къайгъичебдеш чедиахъути назмурти ва хабурти. Яниличила буралаби ва багъираби.</p> <p>Рабаданов С. «ДяхІила кункти пусли»; Скребицкий Г. «Яни»; Рашидов Р. «Яни бакІилри гІяхІлад»; Дмитриев Ю. «Селис гІягІниси дяхІи?»; Адамадзиев Р. «Яни вацІализиб»; БяхІяндов А.-Г.«Яни», «Сагал дусла балга»; Къурбанов ХІ. «Миъла кІялгІя»; ГІялиев ХІ.«ДяхІили ургъули саб»; Пришвин М. «Къанда», «ДяхІила пусли»; ХІясанов И. «Мурад ва хала дудеш».</p> <p><b>Классла дураб белчІес:</b> Абдулмананова А. «ХІела у».</p>	<p>Даргала ва Дагъиста машгурти поэтунала, писательтала хабурти, назмурти <b>делчІахъес</b>, илдала темабачи, ва бекІлидиубти мягІнубачи пикри <b>бяхІчиаахъес</b>.</p> <p>Автортани янила тІабигІятла лишанти сен-сен чедиахъилил, хъа ва дугІла мицІираг-жанивартала, арцантала гІямруличила, янили лугуси пайдаличила, халатала ва биштІатала къайгъичебдеш чедиахъути назмурти, хабурти, багъираби, буралаби <b>делчІахъес</b>, чехибси мягІнализир дузахъути дугъби, метафораби <b>белгидарахъес</b>, илдачи синонимти, антонимти <b>пикридирахъес</b>, биштІаси планра барили, яниличила хабар <b>белкІахъес</b>.</p> <p>Дагъистайчи душманти чебухъниличила, адамтани чула гъабзадеш душмантаци къаршиси дявиллизир чедиахъниличила <b>бурахъес</b>.</p> <p>Дургъбала ва даршудешла темаби ирзничила, поэтунани мез жагадирути, сегъунти гІягІниахълуми пайдаладирулил белгибарахъили, практикалалашал <b>чебаахъес</b>.</p> <p>Классла дураб А. Абдулманановала «ХІела у» бикІуси назму <b>белчІахъес</b>, илала бекІлибиубси мягІна ва тема <b>белгибарахъес</b>.</p> <p>«Янила тІабигІят» – бикІуси тема хІясибли план барили, изложение <b>белкІахъес</b>.</p>

7.	<b>ВатІа игитуни (4 с.)</b>	<p>Халкъ багъандан бургъули калунти гІяхІгъубзначила ва игитуначила, адамдешличила, машгъурти гІялимтачила, гІякълукар адамтачила бурути назмурти, хабурти, далуйти, буралаби, айтуби.</p> <p>ГІябдулманапова А. «ЧархІевхъунси уршилис»; ГІяхІмадов И. «Игит Сумен», «Шантала пахру»; Павловский Г. «Игитла у бубкІуси ахІен»; ГІяхІмадханов А.-Б. «ВатІан»; МяхІяммадов Р. «Дудешла пилотка»; Мирзаева П. «НурбяхІяндов МяхІяммадлис».</p> <p><b>УркІиличир дагъес:</b> ГІяхІмадханов А.-Б. «ВатІан»; Мирзаева П. «НурбяхІяндов МяхІяммадлис».</p> <p><b>Классла дураб белчІес:</b> Алидзиева П. «Нешличи чарухъес багъи».</p>	<p>Разделла у хІясибли, илизи кадерхурти произведениебала бухІнабуцличила, <b>бурахъес.</b></p> <p>Ахъли ва саркъахъили яра чула чузи произведениеби <b>делчІахъес.</b></p> <p>«ВатІан» – бикІуси тема прозаикунани ва поэтуни чула произведениебазиб секъяйда гъаргбарили, чебиахъулил, <b>бурахъес.</b></p> <p>Хабуртазиб ва назмуртазиб тема ва бекІлибиубси мягІна белгибарахъили, <b>баянбарахъес.</b></p> <p>Произведениебазибти бутІакъянчибала гъайличи чехІеруди <b>бузахъес,</b> илдала баркъ-бац <b>цугдурцахъес,</b> илдас кьимат <b>бедлугахъес,</b> кабикибси анцІбукъличила сай-вегІси пикри <b>бурахъес.</b></p> <p>Назмуртазир чехибси мягІнализир дузахъути дугъбала мягІна <b>гъаргбарахъес.</b></p> <p>Суратуни ва мез жагадирути дугъби пайдаладарахъили «ВатІайчила» хабар <b>цалабахъяхъес.</b></p> <p>ГІяхІмадханов А.-Б. «ВатІан»; Мирзаева П. «НурбяхІяндов МяхІяммадлис» бикІути назмурти уркІиличир <b>дагъахъес.</b></p> <p>Классла дураб П. Алидзиевала. «Нешличи чарухъес багъи» бикІуси произведение <b>белчІахъес,</b> илизир мешубуцуни ва чехибси мягІнализир дузахъути дугъби <b>даргахъес.</b></p> <p>ВатІайчила, гІяхІгъубзначила, игитуначила, адамдешличила, машгъурти гІялимтачила, гІякълукар адамтачила бурути багъираби, буралаби <b>цаладахъяхъес.</b></p>
8.	<b>Адамла чевяхІ-дешла умцла (4 с.)</b>	<p>Халатала ва дурхІнала адаб-хІяяла баркъ-бац: барсур кумекличила, гъунарагарсиличи, ахъриагарсиличи уркІецІичебдешличила, адамдеш-убяхІдешличила, хІялалдеш-къалпдешличила, халатала, бегІтала хІурмат бирни-хІебирниличила назмурти ва хабурти.</p> <p>ХІусейнов И. «Кумек»; «Нешла савгъат», «ХІяблизанти»; ГІяхІмадханов А.-Б.</p>	<p>Назмурти ва хабурти <b>делчІахъес,</b> илдазир «Адамла чевяхІдеш» селичибли багъес <b>вирарал,</b> текстани пайдаладарахъили, <b>бурахъес.</b></p> <p>Бузерила адамтала хІурмат, кьиматбирес чебиркниличила <b>аргахъес.</b></p> <p>Дагъиста ва цархІилти поэтунала, прозаикунала произведениебазиб бузерила адамтала образуни секъяйда чедаахъилил, белгидарахъили <b>цугдуцахъес,</b> илдала хасдешуни <b>баяндарахъес.</b></p> <p>Революциялис гъалаб ва гъанна бузерила адамтала кьисмат <b>цугбуцахъес.</b></p> <p>«Дубурлан хъунул адам гъалар ва гъанна» – бикІуси тема хІясибли, хабар</p>

		<p>«Нешла бекІа»; БяхІяндов Г.-Б. «Игъбарла адам».</p> <p><b>Классла дураб белчІес:</b> Абдулманапова А. «ВатІан».</p> <p><b>Проектный хІянчи:</b> «ГІяхІдеш бирен».</p>	<p><b>цалабахъяхъес.</b> ИмцІаливан шимазиб чиди санигІят бузахъулил, <b>бурахъес.</b> Поэзиялизиб афганна ва цархІилти дургъбазиб алхунти солдатунала нешанала пашмандеш, къутІкъути децІла хІялани севан чедаахъилил, <b>бурахъес.</b> Назмуртазир мешубуцуни <b>даргахъес,</b> илдала мягІна <b>гъаргбарахъес.</b> Адамла бузериличила, санигІятличила буралаби, багъираби <b>делчІахъес.</b> Классла дураб А. Абдулманаповала «ВатІан» бекІуси назму <b>белчІахъес,</b> илала тема ва бекІлибиубси мягІна <b>белгибарахъес.</b> Адамтала кумек, уркІецІи, адамдеш-убяхІдеш, хІялалдеш-къалпдеш, халатала, хІурматбирни-хІебирни иргъахъути, илдачила бурути багъираби, буралаби <b>делчІахъес.</b> «ГІяхІдеш бирен» бекІуси. проектный хІянчилизира бутІакъяндеш <b>дарахъес.</b></p>
9.	<b>ХІулкІути хІеб (3 с.)</b>	<p>ХІебла тІабигІятла лишанти, адамтала къайгъни, бузери, хъа ва дугІла мицІирагла, арцантала гІямруличила бурути назмурти ва хабурти. ХІеб чула бегІтас, халатас биштІатала кумек, илдала хІязани. ХІебличила буралаби ва багъираби. ХІебла байрумти: «Мартла 8», «Майла 1», «Майла 9», «ХъубяхІрумми»; ХІямидов М. «ХІеб»; ХІясанова У. «Нешанас деза»; ГІялиев ХІ. «ХІеб дакІиб»; Адамадзиев Р. «Урхъула дублар рурси»; ГІисаев М.-Ш. «АтхІеб»; ГІялибеков Б. «ХъубяхІрумала байрамла бархІи».</p> <p><b>УркІиличиб багъес:</b> ГІялиев ХІ. «ХІеб дакІиб».</p> <p><b>Классла дураб белчІес:</b> ХІясанов И. «Къара ГІяли».</p>	<p>Текстани саркъахъили ва хъярхъли <b>делчІахъес,</b> дугъбала мягІна иргъахъули, мягІналалашалси ударение кабалтахъули, гІягІниси мерличиб тІама ахъ-гІяшбирахъули ва тІашиахъули. Художественный произведениебала ва поэзияла мезлашалти хасдешуни <b>белгидирахъес.</b> Произведениебала бухІнабуц, гъаб-гІергъидеш калахъи, чебетаахъили <b>бурахъес,</b> белчІунсиличи суалти <b>кадалтахъес,</b> тІинтІи яра къантІи дархъти жавабти <b>тІалабдирес.</b> Чула чузи суратла чебкад яра план хІясибли, халаси ахІенси сочинение <b>белкІахъес.</b> Прозала ва поэзияла бекІлидиубти темаби белгидарахъили, <b>баяндарахъес.</b> ХІ ГІялиев «ХІеб дакІиб» бекІуси назму уркІиличиб <b>багъахъес.</b> ХІебла байрумтачила («Мартла 8», «Майла 1», «Майла 9», «ХъубяхІрумми»). багъираби, буралаби <b>делчІахъес</b> ва чузира <b>цаладахъяхъес.</b> И. ХІясановла «Къара ГІяли» бекІуси произведение <b>классла дураб белчІахъес.</b></p>
10.	<b>Даршу-</b>	ДурхІнала ва халатала	Дагъиста халкъанала гъалмагъдеш

<p><b>деш,</b> <b>гьалмагъ-</b> <b>деш –</b> <b>дунья</b> <b>бузнила</b> <b>хьулчи</b> <b>(3 с.)</b></p>	<p>гьалмагъдешличила, халкъани-ургарти бархбасуначила, даршудешличила, хІялалти адамтала даршудеш батахъес багъандан дявиличила назмурти ва хабурти. «Дагъистан – гьалмагъдешла улка»; Даргала халкъла хабурти: «Дудешла аманат», «ДугІла къяца»; Рашидов Р. «НикІа гІяхІгъабзала далай»; ХІямидов М. «Дагъистан»; Къубаев М. «ЧичІлуми»; МяхІяммадов И. «Хъанца чяка»; ХІясанов И. «Ухънала анхъ»; Писаев М.-Ш. «Дахъ жагати дилзан наб». <b>Классла дураб белчІес:</b> Курбанова А. «Арцантас се кавлана?»</p>	<p>алкІахъути гІядатуни сегъунти лерал, <b>гъандикахъес.</b> Поэзиялизр ва прозализир гьалмагъдешла сегъунти лишанти лерал, <b>чедаахъес.</b> Произведениебазибти геройтала гІяхІти хасиятуначила <b>бурахъес.</b> Художественный произведениебала мезлашалти хасдешуни <b>белгидарахъес.</b> Гъалабихъибси тема хІясибли, халкъла багъираби, буралаби <b>делчІахъес,</b> чузира пикридарахъили, <b>делкІахъес.</b> Классла дураб А. Курбановала «Арцантас се кавлана?» бикІуси ва цархІилти (даршудешличила, гьалмагъдешличила, халкъани-ургарти бархбасуначила, хІялалти адамтачила даршудеш багъанданси дявиличила) произведениеби <b>делчІахъес,</b> илдазиб тема ва бекІлибиубси мягІна <b>белгибарахъес.</b> Халкъани-ургарти бархбасуначила, даршудешличила, дявиличила, чулахъуначила бурути багъираби, буралаби <b>делчІахъес.</b></p>
--	--	---

**IV КЛАСС**  
**(жумягІлизир 3с., дуслизир 34 с.)**

№ п/п	Тема ва бучІнила материал	Программала бухІнабуц	Литература бучІахънилизир пайдаладирути методуни ва хІянчурбала жураби
1.	<p><b>ДуцІрум ва</b> <b>гІебшни</b> <b>(3 с.)</b></p>	<p>ДуцІрумличила ва гІебшниличила, дуцІрумлизир каникултала замана чедаиб-дакъибтачила, гІебшнила сабухъ бурчниличила, дурхІнала кумекличила, бузериличила, илдала декІар-декІарти хІязаначила назмурти ва хабурти. ХІясанов И. «Дургъби мадиаб!»; Надеждина Н. «Школала анхъ»; ГІябдуллаев ГІ. «Жунабла галгуби»; ГІялиев ХІ. «Гъала гІебшни»; Рабданов С. «ГІебшнила</p>	<p>Произведениебазир дуцІрумла ва гІебшнила жагадеш, илдала лишанти, халкъла баркъ-бац чедаахънила тяхІярличи пикри <b>бяхІчаахъес.</b> ТІабигІятличила делкІунти произведениебала ва цархІилти журала произведениебала мезлашалти хасдешуни <b>чедаахъес.</b> Прозара, поэзияра <b>цугдуцахъес,</b> илдала хасдеш белгибарахъили, <b>баянбарахъес.</b> «ГІебшни» яра «ДуцІрум» бикІуси тема хІясибли изложениеи <b>белкІахъес.</b> Адамтала бузериличила, белчІудиличила багъираби, буралаби <b>делчІахъес,</b> илдала бекІлибиубси мягІна <b>гъаргбарес,</b> ва илдигъунти буралаби бегІтала кумекличил, чузира <b>цаладахъяхъес.</b> Классла дураб: «Уктемси гурда» бикІуси</p>

		<p>лишантачил»; Ушинский К. «Гѣбшни»; Рашидов Р. «Гѣбшнила манзил»; ХІяпизова А. «Даршибти дакІаб гѣбшни».</p> <p><b>Классла дураб белчІес:</b> Даргала халкъла хабар: «Уктемси гурда».</p> <p><b>Проектный хІянчи:</b> «Нуни дуцІрум секъяйда деркІира».</p>	<p>даргала халкъла хабар <b>белчІахъес.</b> «Нуни дуцІрум секъяйда деркІира» бикІуси. проектный хІянчилизира бутІакъяндеш <b>дарахъес.</b></p>
2.	<b>Гъалмагъдеш (3 с.)</b>	<p>ДурхІначила, илдала гІямруличила, гъалмагъдеш-юлдашдешличила, барсур бархбасуначила, бузериличила, баркъ-бацличила назмурти, хабурти, буралаби ва багъираби.</p> <p>ЯхІъяев М. «Цегъала шанг»; ГІяхІмадов А.- Б. «ТІулека; Чехов А. «Ванька»; Къадиев М. «Кумек»; Рашидов Р. «Гъалмагъла някъ»; Рабаданов С. «Гъалмагъдеш гІягІнили сар»; Даргала халкъла буралаби: «Буралаби».</p> <p><b>УркІиличиб багъес:</b> Рашидов Р. «Гъалмагъла някъ».</p> <p><b>Классла дураб белчІес:</b> Даргала халкъла хабар: «Айдила баркъудлуми».</p>	<p>Назмурти ахъли, саркъахъили ирнила ва орфоэпияла багъудлуми пайдаладирахъули, <b>делчІахъес.</b> Илдала бекІлибиубси мягІна ва тема <b>белгибарахъес.</b> ДурхІнала гІямру, илдала гъалмагъдеш-юлдашдеш, баркъ-бац секъяйда чедаахъилил, <b>баяндарахъес.</b> Хабарла бекІлибиубси мягІна <b>белгибарахъес,</b> анцІбукъунала гъаб-гІергъидеш ва каргъни <b>кабизахъес.</b> Хабуртала жура <b>белгибарахъес.</b> Илдазир пайдаладарибти мезлашалти хасдешуни белгидарахъили, <b>баяндарахъес.</b> Хабурти бутІнадли <b>чердурахъес,</b> къияндулхъути дугъбала мягІнуби <b>белгидарахъес.</b> «БегІтала ва халатала хІурматбирни дила чебла саби» бикІуси тема хІясибли сочинение <b>белкІахъес.</b> Буралаби ва багъираби <b>делчІахъес,</b> илдала мягІна <b>баянбарахъес.</b> Р. Рашидовла «Гъалмагъла някъ» бикІуси назму уркІиличиб <b>багъахъес.</b> «Айдила баркъудлуми» бикІуси даргала халкъла хабар <b>классла дураб белчІахъес.</b></p>
3.	<b>ТІабигІят мяхІкамбарни (3 с.)</b>	<p>Алавси тІабигІятличила, духълуми, вацІурби, гъава, хъа ва дугІла мицІираг, арцанти мяхІкамдирниличила назмурти, хабурти, буралаби ва багъираби.</p> <p>МяхІяммадов И. «Арцантани мицІирбиру тІабигІят»; БяхІяндов А.- Г. «Валиха вацІа»; КъадибяхІяммаев А. «Варъала галга»; Къурбанов ХІ. «Тамашала</p>	<p>Орфоэпиялашалти багъудлуми пайдаладирахъули, хъярхъли ва саркъахъили, дугъбадли произведениеби <b>делчІахъес.</b> Текстла бухІнабуц, сипатбирни къяйда бузахъули, къантІли ва тІинтІли <b>чеббурахъес.</b> Суалтас къантІти яра тІинтІти дархъти жавабти <b>тІалабдирес.</b> Произведениебазиб тІабигІят севан мяхІкамбирулил, илис сегъуна къуллукъбирулил, хъа ва дугІла мицІирагличи сегъуна хІеруди бирулил, илдас кумек селизиб чебиулил,</p>

		<p>пукъа»; Къурбанова ГІ. «Набчира къаџБилкигу»; ГІялибеков Б. «Къядга»; Кузнецов А. «БиштІаси галга»; ГІямаров Р-ГІ. «Хъярла галга».</p> <p><b>Классла дураб белчІес:</b> Даргала халкъла хабар: «ГъархІебизурси архІя».</p>	<p><b>баянбарахъес.</b> Произведениебазиб тІабигІят <b>мяхІкамбирахъес,</b> илис <b>къуллукъбирес</b> чебиркни <b>чебаахъес</b> прозаикунани сегъунти мез жагадирути дугъби пайдаладарилл, <b>белгибарахъес.</b> Автортани тІабигІятлис сегъуна къуллукъбирес гІягІнисил чебиахъути произведениеби <b>делчІахъес,</b> илдачила саби-бегІси пикри <b>бурахъес</b> ва кымат <b>кабатахъес.</b> ТабигІятличила, миџІирагличила кІел хабар <b>паладяхъяхъес</b> ва <b>делкІахъес.</b> Алавси тІабигІят, духълуми, ваџурби, гъава, хъа ва дугІла миџІираг, арцанти мяхІкамдирниличила багъираби, буралаби <b>делчІахъес,</b> илдала мягІналичи пикри <b>бяхІчиаахъес.</b> «ГъархІебизурси архІя» бикІуси даргала халкъла хабар <b>классла дураб белчІахъес.</b></p>
4.	<p><b>Се саби вайси, се саби гІяхІси? (3 с.)</b></p>	<p>Адамтала цаличил цала бархбасуначила, гъарли-марти гъалмагъуначила, вайтира гІяхІтира хасиятуначила, инсап-хІяяличила, яхІ-ламусличила назмурти, хабурти, буралаби ва багъираби.</p> <p>ГІялиев ХІ. «ХІялалси дурхІя»; ГІябдуллатІипов И. «ЧІака бисухІели»; Рашидов Р. «Вайна адам»; ГІяхІмадханов А.-Б. «Автобусличиб»; ГІялиева Ф. «Азгъин рурси»; ГъазимяхІямадов Г.-Б. «Къясдешра гІясидешра»; БяхІяндов А.-Г. «ХІейгиизни»; Даргала халкъла хабар: «Уршби»; Къурбанов ХІ. «БерхІи сен къанбиуба?»; Даргала халкъла буралаби ва айтуби: «Буралаби ва айтуби».</p> <p><b>УркІиличиб багъес:</b> ГъазимяхІямадов Г.-Б. «Къясдешра гІясидешра».</p> <p><b>Классла дураб белчІес:</b> ХІясанова У. «Шилизиб бархІехъ».</p>	<p>Раздел хІясибли, лерилра произведениебала бекІлибиубси тема <b>белгибарахъес.</b> БутІакъянчибала хасиятунас, хІял-тІабигІятлис кымат <b>бедахъес.</b> Илдала хІялалдеш, адамдеш, кумек бирни яра цалис цали хаиндеш дирни, пахру бирни, халаурхни, къяна бурни, рушбат сайсни, секъяйда чебиулил саби-бегІси пикри <b>бурахъес.</b> Къалпти, вайти адамти чинаб къаршибиркурал, илди селичибли декІарбулхъанал, миџІирагли илди селичибли декІарбирулил, вай гъабза чичил вархиркурал, тІабигІятлизив секъяйда вяшикІарал, кабизахъурли, <b>баянбарахъес.</b> Г.-Б. ГъазимяхІямадовла «Къясдешра гІясидешра» бикІуси назму уркІиличиб <b>бурахъес.</b> Тема хІясибли, суалти <b>кадалтес,</b> илдас дархъти жавабти <b>тІалабдирес,</b> план барахъили, изложение <b>белкІахъес.</b> Адамла адамдеш, хІялалдеш, гъабзадеш черяхІдирути, лерилра уряхІти къиликъуни уряхІдирути багъираби, буралаби, айтуби <b>делчІахъес,</b> илдала бекІлибиубси мягІналичи пикри <b>бяхІчиаахъес</b> ва чула чузира <b>пикридарахъес.</b> Адамла хІялалдеш, адамдеш, кумекбирни бикІути темаби хІясибли сочинение <b>белкІахъес.</b> У. ХІясановала «Шилизиб бархІехъ»</p>

5.	<p><b>Цакъти гьалмагъ-деш (3 с.)</b></p>	<p>Халкъани-ургарти бархбасуначила ва адамти ургарти гьалмагъдешличила, узидешличила, илдала цалис ца кумекличила, къайгъначила назмурти, хабурти, буралаби ва багъираби.</p> <p>Адамадзиев Р. «Диги гЯгИнили сари»; Юсупов Х. «Гьалмагъдешличила»; Гялиев З. «Гьариллис хЯлалси...»; МяхИяммадов Б. «ВатIайс къарауйчиб»; ГьазимяхИяммадов Г.-Б. «Даршудешла никIа вакил»; Толстой Л. «КIел юлдаш»; Рабаданов С. «Гьалмагъдешличила далай»; Даргала халкъла хабар: «Гьалмагъуни»; Сягидов М. «Ашнаби»; ГяхИмадханов А.-Б. «ГЯлихужа ва ХужаГяли»; Даргала халкъла буралаби: «Буралаби».</p> <p><b>УркIиличир дагъес:</b> МяхИяммадовла Б. «ВатIайс къарауйчиб»; Рабаданов С. «Гьалмагъдешличила далай».</p>	<p>бикIуси назму классла дураб <b>белчIахъес.</b></p> <p>Назмурти саркъахъили, хЯжатси мерличиб тIама ахъ-гЯшбирахъули <b>делчIахъес.</b> БелчIунсила бухIнабуц гьаб-гIергъидеш хьулчили бурцахъули, <b>бурахъес.</b></p> <p>МягIна хЯсибли хабуртала жураби, поэзияла ва прозала мезлашалти хасдешуни <b>белгидарахъес.</b></p> <p>Хабарлизибти бутIакъянчибала уркIила хЯланачила, илдала пикрумачила, баркъудлумачила сай-вегIси пикри <b>бурахъес.</b></p> <p>Произведениебазибти геройтала баркъ-бацлис бархъси кымат <b>бедлугахъес.</b></p> <p>Къияндулхъути дугъбала мягIнуби <b>гьаргдирес,</b> илдачи синонимти, антонимти <b>пикридирахъес.</b></p> <p>Хабарла бухIнабуц хЯсибли, план <b>цахIнабирхъяхъес.</b></p> <p>Художественный произведениебала бекIлибиубси мягIна, тема <b>белгибарахъес.</b></p> <p>«Гьалмагъдеш, даршудеш» – бикIуси тема хЯсибли, план барили (учительла кумекличил) къантIси изложение <b>белкIахъес.</b></p> <p>Б. МяхИяммадовла «ВатIайс къарауйчиб», С. Рабадановла «Гьалмагъдешличила далай» бикIути назмурти уркIиличир <b>дурахъес.</b></p> <p>Халкъани-ургарти бархбасуначила, адамти-ургарти гьалмагъдешличила, узидешличила, илдала кумекличила багъираби, буралаби <b>делчIахъес,</b> ва илдала мягIнуби <b>баяндарахъес.</b></p>
6.	<p><b>Яни (3 с.)</b></p>	<p>Яниличила, дубуртазиб янила тIабигIятличила, илабти адамтала бузериличила, янила тIабигIятла суратуначила ва лишантачила назмурти, хабурти, буралаби ва багъираби. ХЯпизова А. «Сагаси дусличил»; Гялиев ХI. «Шан чяка»; МяхИяммадов И. «ДяхIила пусли»; Михалков С. «ГЯрми ва бецI»; Гябдуллаев ХI. «Яни»; Дэдитриева В. «ДяхIила бурямлизиб»; Маршак С.</p>	<p>Произведениебазиб гЯхIбизурси мер <b>белгибарахъес,</b> илабти геройтала баркъудунас кымат бедлугахъес кумеклидирути дугъби <b>дургахъес.</b></p> <p>Произведениеби дучIукад, суалти <b>кадалгахъес,</b> суалтас дархъти жавабти <b>тIалабдирес.</b></p> <p>Произведениебазиб бекIлибиубси мягIна, тема <b>белгибирахъес.</b></p> <p>Поэзиялизир мез жагадирути дугъби (метафораби, эпитетуни, гиперболаби) <b>белгидирахъес.</b></p> <p>Р. Рашидовла «Халидла масхурти» бикIуси произведение классла дураб <b>белчIахъес.</b></p> <p>Ибрагъимхалил МяхИяммадовла</p>

		<p>«Февраль»; Даргала халкъла буралаби ва айтуби: «Буралаби ва айтуби».</p> <p><b>УркИличиб багъес:</b> ХІяпизова А. «Сагаси дусличил».</p> <p><b>Классла дураб белчІес:</b> Рашидов Р. «Халидла масхурти».</p>	<p>«ДяхІила пусли» бикІуси хабарла чебкад сочинение <b>белкІахъес.</b></p> <p>А. ХІяпизовала «Сагаси дусличил» бикІуси назму уркИличиб <b>бурахъес.</b></p> <p>Янила тІабигІятличила, адамтала бузериличила, буралаби, айтуби <b>делчІахъес,</b> илдала мягІна <b>баянбарахъес.</b></p>
7.	<p><b>Халкъла мухІлила пагъму (3 с.)</b></p>	<p>Даргала ва Дагъиста цархІилти халкъанала хабурти, далуйти, буралаби ва багъираби. Илдазир гъабзадеш, адамдеш, мардеш, бархъдеш черяхІдирни, усалдеш, ламартдеш, къалпдеш уряхІдирни.</p> <p>Даргала халкъла хабар: «Муэр»; «ЭмхІе ва арслан»; «Житара ва цара»; «КІелра гІяхІял чум-чум дус биубли?»; «Вава»; «Хъу дерхъаб!»; «БикІар»; Даргала халкъла буралаби ва багъираби: «Буралаби ва багъираби».</p> <p><b>Классла дураб белчІес:</b> Муртазаалиев А. «КІел дурхІя».</p> <p><b>Проектный хІянчи:</b> «Нушала диштІати дузби».</p>	<p>Даргала ва Дагъиста цархІилти халкъанала хабуртазиб, далуйтазиб, буралабазиб ва багъирабазиб адамтала гъабзадеш, адамдеш, мардеш, бархъдеш черяхІдирни, усалдеш, ламартдеш, къалпдеш уряхІдирни <b>белгибарахъили, баянбарахъес.</b></p> <p>Халкъла прозализиб ахмадеш далтІниличи, духудеш черяхІдирниличи пикри <b>бяхІчиаахъес.</b> МицІирагличила (масхарала хабурти анекдотуни) <b>делчІахъес,</b> илдала бекІлибиубси мягІна <b>белгибарахъес.</b></p> <p>Чула жураби хІясибли сегъунти журала хабурти дирарал, <b>бурахъес.</b></p> <p>Хабуртазирти гъай чичила яра селичила сарил, хабуртазибтигъунти дахъдагъуни, зулмукарти гІямрулизиб лебал яра агарал, <b>бурахъес.</b></p> <p>Халкъла мухІлила пагъмула, мезлашалти хасдешуни, бекІлибиубси тема белгидарахъили, <b>баяндарахъес.</b></p> <p>Халкъла мухІлила поэзиялизир ва прозализир кадиркути анцІбукъунас къимат <b>бедахъес.</b></p> <p>Халкъла мухІлила поэзияла ва прозала бухІнабуц хІясибли, суалти дархъли <b>кадалтахъес,</b> суалтас дархъти жавабти <b>тІалабдирес.</b></p> <p>Мез жагадирути дугъбира кадерхахъурли, бучІуси тема хІясибли (10–13 предложениелизибад цалабикибси) сочинение <b>белкІахъес.</b></p> <p>А. Муртазаалиевла «КІел дурхІя» бикІуси произведение классла дураб <b>белчІахъес.</b></p> <p>Халкъла багъираби, буралаби <b>делчІахъес,</b> илдазир селичила бурулил <b>бурахъес,</b> бекІлибиубси мягІна <b>гъаргбарахъес.</b></p> <p>БегІтази дурахъили, халкъла кІел хабар <b>делкІахъес.</b></p>

			«Нушала диштIати дузби» бикIуси проектнй хIянчиллизир бутIакьяндеш <b>дарахъес.</b>
8.	<b>ХIеб (3 с.)</b>	<p>ХIебла тIабигIятла суратуни. ХIеб дубуртазиб адамтала бузериличи дигиличила, хIеблизиб тIабигIят жагабирниличила назмурти, хабурти, буралаби ва багъираби. ХIебла байрумти: «Мартла 8», «Майла 1», «Майла 9», «ХъубяхIруми». ГIялиев ХI. «ХIеб дакIиб, дуцIдикIули»; ГIябдуллаев С. «ХIеб»; Юсупов Х. «АтхIеб дакIиб».</p> <p><b>УркIиличиб багъес:</b> ГIялиев ХI. «ХIеб дакIиб, дуцIдикIули».</p>	<p>Назмурти ахъли, хъярхъли ва саркъахъили дугъбадли, гIягIниси мерличиб тIама ахъ-гIяшбирахъули, ирнила ва орфоэпияла багъудлуми пайдаладирахъули <b>делчIахъес</b>, илдазир мез жагадирути дугъби <b>даргахъес</b>, илди дугъбачи антонимти, синонимти <b>пикридирахъес.</b></p> <p>ХIебла байрумтачила («Мартла 8», «Майла 1», «Майла 9», «ХъубяхIрумачила») тIинтIли, <b>бурес</b>, чузибадра тIинтIси яра къантIси жаваб <b>тIалаббирес.</b></p> <p>ХI. ГIялиевла «ХIеб дакIиб, дуцIдикIули» бикIуси назму уркIиличиб <b>бурахъес.</b></p> <p>«ХIебла байрам» бикIуси тема хIясибли, (бурсибирнила тяхIярла) изложение <b>белчIахъес.</b></p> <p>ХIебличила, хIебла байрумтачила, адамтала бузериличила буралаби ва багъираби <b>делчIахъес</b>, чузира (бегIтала кумекличил) <b>цаладяхъяхъес.</b></p>
9.	<b>Дубуртазир хъубяхI-руми (2с.)</b>	<p>ХIебла тIабигIятла жагадешличила, адамтала бузериличила, назмурти, хабурти, буралаби ва багъираби. Амирчупанов ХI. «Хъу дерхъаб, лавашакунт!»; БяхIяндов Г.-Б. «ХIеб»; Адамадзиев Р. «Уршила сурат»; БяхIямгIялиев М-Ш. «ХIебла манзиллизиб»; Зугъра Ханум «УркIи саби чатIначил»; ГIялибеков Б. «ХIеблизиб»; Даргала халкъла буралаби: «Буралаби».</p> <p><b>УркIиличиб багъес:</b> Зугъра Ханум «УркIи саби чатIначил».</p> <p><b>Классла дураб белчIес:</b> Сулейманов Р. «Пил».</p>	<p>Разделла у хIясибли илизи кадерхахъурти произведениебала бухIнабуцличи шакбиркахъути далдуцуни <b>дурадερкIес.</b></p> <p>Геройтала гIяхIти ва вайти баркъудуни мисалтачил <b>баяндирахъес</b>, бучIантазир гIяхтицун баркъудуни диахъести сабабти <b>гъаладирхъес.</b></p> <p>З. Ханумла «УркIи саби чатIначил» бикIуси назму уркIиличиб <b>бурахъес.</b></p> <p>Произведениебала жанр <b>белигибарахъес:</b> назму, хабар, очерк, басня, багъира, бурала.</p> <p>ДекIар-декIарти жанрабала ца тема бухIнабуцибти произведениеби <b>цугдурцахъес</b>, илдазир мезлашалти хасдешуни <b>белгидирахъес.</b></p> <p>Гъалабихъибси тема яра идея хIясибли багъираби, буралаби, хабурти <b>цаладирхъяхъес</b>, илдала черкад саби-бегIси пикри <b>бурахъес.</b></p> <p>Р. Сулеймановла. «Пил» бикIуси произведение <b>классла дураб белчIахъес.</b></p>
10.	<b>Гъабза-дешла хIялум-</b>	<p>1941–1945 ибти дявтала дусмазир нушала адамтани дургъбазир ва</p>	<p>Хабурти ва назмурти чула хасдешуни хъулчили дуцахъили, ирнила ва орфоэпияла багъудлуми</p>

	<p><b>цуси манзил-лизиб (3 с.)</b></p>	<p>тыллизир даКударибти гъабзадешличила назмурти ва хабурти. Иванов А. «Дявила чедибдешла гъуни»; ГЯбдуллаев ГИ. «Ташкапурлан Зулпукъар»; А. Путерброт. «Дявиличибад дявиличи»; Владимиров М. «Шура Коберва Витя Хоменко»; ГЯбдулманапова А. «ВалхИелуси солдатла хЯбличир»; ГЯхИмадханов А.-Б. «Ну чарулхъас хИечи, дила»; ГЯ依иев ХИ. «Делхъ»; Даргала халкъла буралаби: «Буралаби».</p> <p><b>УркИиличиб багъес:</b> ГЯбдулманапова А. «ВалхИелуси солдатла хЯбличир».</p> <p><b>Проектный хИянчи:</b> «Илдани нушала ВатИан батахъур».</p>	<p>пайдаладирахъули, <b>делчИахъес</b>. Прозала ва поэзияла мезлашалти хасдешуни <b>белгидарахъес</b>. Произведениебала бутИакъянчибас лайикъси къимат <b>тИалаббарес</b>. Текст мягИна хИясибли, таманти бутИначи <b>буртИахъес</b>. Произведениебала цацадехИ журабачил <b>тянишбарес</b>. Назмурти каргънила къяйдурти <b>кадизахъес</b>, илдазир мез жагадирути дугъби <b>даргахъес</b>, ва илдачи антонимти, синонимти <b>пикридирахъес</b>. Назмуртазиб поэтунани Чедибдешла БархИилис адамти гъунибаъни, тИабигИят сипатбарни, илдачибси хИял, илдала баркъудуначила саби-бегИси <b>пикри бургахъес</b>. БучИантази дургъбазибад чархИебухъунтачила, илдала гъабзадешличила, дарибти гъунартачила, илдала ВатИайчи дигиличила <b>бургахъес</b>. Чула шилизиб Чедибдешла БархИилис халкъ сен-сен гъунибаибал, ил чебаибтази яра бегИтала кумекличил хабурти дурахъили, <b>дагъахъес</b>. «ВатИан» бикИуси тема хИясибли, хабар <b>цалабахъяхъес</b>. Гъабзадешличила, хаиндешличила, ВатИайчила буралаби <b>делчИахъес</b>, илдала бекИлибиубси мягИна <b>баянбарахъес</b>.</p>
11.	<p><b>Дубуртар улка (2 с.)</b></p>	<p>Даргала ва Дагъиста халкъанала гИямруличила, мер-мусаличила, илала машгурти адамтачила. Юсупов Н. «Дила дубуртар улка»; ГЯхИмадов И. «Имам Шамил», «Шайхул ислам – ахъушан ГЯ依и-ХИяжила хИурматлис», «Игит СултИан», «Гъунарла ахъдеш»; БяхИямадов Ю. «Мургъила зубари»; ХИясанов И. «Халкълис дигуси»; Адамадзиев Р. «Дагъистан»; Рабазанов К. «Дагъистан – дила ВатИан»; Хрюгский ТИ. «Дила ВатИан»; ХИямидов М.«Дагъиста суратуни»; Даргала халкъла буралаби:</p>	<p>Публицист статьяби, назмурти, хабурти чула чузи яра ахъли, саркъахъили, гИягИниси тяхИярли тИама ахъ-гИяшбирахъули, мягИна иргъахъули, <b>делчИахъес</b>. БелчИунси хИясибли, суалти <b>кадалтес</b>, илдас дархъти жавабти <b>тИалабдирес</b>. Дагъиста халкъанала ишхИелла баркъудуначила, сархибдешуначила, публицист статьяби, назмурти, хабурти, буралаби <b>делчИахъес</b>, илдазир бекИлибиубси мягИна ва тема <b>белгибарахъес</b>. Разделлизир къаршидиркути, мягИна аргъес къияндулхъути дугъбала мягИнуни <b>гъаргдарес</b>. Поэзиялизир мез жагадирути дугъби <b>даргахъес</b>, илдачи антонимти, синонимти <b>пикридиарахъес</b>. Р. Адамадзиевла «Дагъистан»; К. Рабазановла «Дагъистан – дила ВатИан» бикИуси назму уркИиличиб <b>бургахъес</b>.</p>

		<p>«Буралаби».  <b>УркIиличир дагъес:</b>  Адамадзиев Р.  «Дагъистан»; Рабазанов К.  «Дагъистан – дила  ВатIан».  <b>Классла дураб белчIес:</b>  Абдурашидова А. «Нешла  чебла».</p>	<p>«ТIабигIят» – бикIуси темала чебкад  (бурсибирнила тяхIярла) халаси ахIенси  <b>сочинение белчIахъес.</b>  Буралаби <b>делчIахъес,</b> илдала  бекIлибиубси мягIна <b>баянбарахъес.</b></p>
12.	<b>Культура  ва  искусство  (3 с.)</b>	<p>Нушала халкъла  культураличила, илала  хасдешуначила,  гIядатуначила, халкъла  гIямруличила, даргала  машгурти адамтачила  (гIярбукI-хъярбукла  мургъи-арцла устначила,  муирала варгъни  дирантачила) публицист  статьяби, назмурти,  хабурти, буралаби ва  багъираби. Даргала ва  Дагъиста машгурти  поэтунала, писательтала  дурхIнас хасбарибси  литература, илди  произведениебала  бекIлидиубти темаби,  мурадуни. Поэзияла ва  прозала хасдеш. Лебилра  миллатла халкъла театрти<sup>1</sup>  Расулов М.-Р. «Даимлис  зйидикIахъес»;  Зулпукъаров З. «ГалихIла  кIел пай»; Неверов А.  «ГIяртистуни»; Ахмедов  И. «Машгурси ГIялим»,  «Камилла суратуни»;  Наврузов ХI. «Машгурси  Куле-Мямма»; Емельянов  Б. «Машгурси адам».  <b>Классла дураб белчIес:</b>  ХIябидова Х. «ГIежа  берцахъиб».</p>	<p>Даргала ва Дагъиста халкъла  культураличила, гIядатуначила, халкъла  гIямруличила, машгурти адамтачила  публицист статьяби, хабурти, буралаби  ва багъираби <b>делчIахъес,</b> илдала  бекIлибиубси мягIна <b>белгибарахъес.</b>  «Даргала машгурти адапти» бикIуси  тема хIясибли, мез жагадирути дугъбира  пайдалаарахъили, хабар  <b>цалабахъяхъес.</b>  Учительла суалти яра план хIясибли,  гъаб-гIергъидеш калахъи, чебетаахъили,  бурни <b>тIалаббирес.</b>  Художественный прозала ва поэзияла  хасдешуни белгидарахъили,  <b>баяндарахъес.</b>  БучIуси материалличи гибти хIянчурби  ва суалти хIясибли бузахъес,  <b>бурсибарес.</b>  Хабурти ва назмурти дучIухIели, тIама  ахъ-гIяшбирни, хъярхъбирни, барсбирни  дурхIназибад <b>тIалаббирес.</b>  Дагъиста машгурти поэтунала,  писательтала дурхIнас хасдарибти  произведениеби <b>делчIахъес,</b> илдала  хасдешуни, бекIлибиубси мягIна ва тема  <b>белгибарахъес.</b>  Даргала ва Дагъиста миллатунала  театртачила, илди театртали сен илди  уми дихутил, илди умала гIямрулизиб  къадриличила <b>бурахъес.</b>  Х. ХIябидовала «ГIежа берцахъиб»  бикIуси произведение классла дураб  <b>белчIахъес.</b></p>

<sup>1</sup> Учительлизиб ихтияр леб 1–4 классуназиб предметла тематика хIясибли, сунес бигуси гъаннала (современный) даргала, Дагъиста ва цархIилти поэтунала, писательтала произведениеби делчIахъес.

